

U. Li.

V

1287

W 9 99

Ա. Հ.
1287

ՇԱՆԹ

ԳՈՒՐԾԵՑԻՆԵՐԸ

— ։ ։ —

(Արտասպառ «ՄՈՒՐՃ» ամսագրից)

— ։ ։ —

1896

ԹԻՖԼԻՍ
Տպարան Մ. Դ. Ռոտինանցի
Տիպogr. Մ. Դ. Ռոտինանցի, Գօլ. պր. ձ. № 41.

ԴՈՒՐՍԵՑԻՆԵՐԸ

Ա.

Աեպտեմբերի վերջը տակ իրիկուն մը:

Ահազին իրարանցում Պոլսի մեծ կամուրջին
վրայ: Պայուսակներով, կապոցներով բեռնաւորւած
ընտանիքի հայրեր, խանութպան պատանիներու
Պերայի վաճառանոցներուն մէջ ուշացած կիներ
կ'ըշտապեն իրենց վերջին շոգենաւին: Առաջ հո-
սանք մը կամուրջի երկու ծայրերէն, որոնք դէմ
դէմի կուգան ու անդադար իրարու կը հիւսւին: Կա-
մուրջին վրայ ձիերու դոփիւն, կառքերու դզրդոց.
կամուրջի երկու կողմէն ժամանող ու մեխող շոգե-
նաւներու սոյլն ու շունչը. կամուրջին տակ ճան-
ձերուն» ձիւը և մակուկավարներուն հայհոյանքը:

Այս բոլոր աղմուկին անտարբեր երիտասարդ մը
Ոսկեղջիւրի կողմի վանդակներու քովէն դէպի Նա-
լաթիւ կը դիմէր արագ քայլերով:

Մաքուր ու սիրուն հագնւած, միջահասակ,
քսան-քսանըհինգ տարեկան տղաց մըն էր ան. նուրբ
ու ազնիւ դիմագծերով, բարակ ընչացք մը, փոք-
րիկ մօրուք ու սև խոշոր աչքեր, որոնք այդ վայր-
կեանին յառած էին Ոսկեղջիւրի կոհակներուն:

Дозволено Цензурою. Тифлисъ 16 Января 1896 г.

28-1292



1282 - 81

Արեւի մայր մտնող ճառագայթները վերջին
անգամ մը կը գդւէին հետզհետէ նեղցող ջրի ացդ
շերտը ու ոսկեթել շղարշ մը կը նետէին վրան:

— Ճիշտ որ ոսկի-եղջիւր. եղրակացուց երի-
տասարդը:

Բայց հազիւ իր եղրակացութիւնը աւարտած՝
ուսին ամուր հովանոցի հարւած մը կերաւ. և ետե-
ւէն ալ հազիւ լսելի մարսած ձայն մը.

— Ես քու խերդ անիծեմ:

Երիւասարդը բնազդորէն սեղմեց ձեռքի դա-
ւազանին կոժը ու խոժոռած իրեն դարձաւ. սա-
կայն իսկոյն ժպտեցաւ ու զւարճութեամբ բացա-
կանչեց.

— Վասակ. բարե՛. այս հւրկէ:

Իսկ խեղճ Վասակը — կարճահասակ, մօրւեղ,
թուխ երիտասարդ մը — ձախ ձեռքով իր հինկէկ հո-
վանոցին յենած, աջով կուրծքը կը սեղմէր՝ շնչա-
ռութիւնը կանոնաւորելու համար:

Երբ քիչ մը ուժը ամփոփեց, լայնեզր գլխար-
կին տակէն, ու, խոշոր ակնոցներուն մէջէն սուր
հայեցք մը նետելով դիմացինին,

— Ես քու խերդ անիծեմ, կրկնեց: Ճիշտ հինդ
վացրկեան է ետեէդ կը վաղեմ. թոքերս, սիրսս բո-
լոր իրար անցաւ. ինչ այդպէս կ'ըշտապէս. ետեէդ
մարդ է ինկեր:

— Հապա. դուն:

Վասակի դէմքէն ժպտի պէս բան մը անցաւ,

Խորունկ շունչ մը քաշեց, մտաւ ընկերոջը թել.
ու սկսան միասին քալել:

— Գիտե՞ս, Բագրամո, որ անցեալ օր Թիֆլիսէն
նոր նամակ առի:

— Վայ. ես կ'ըսպասեմ. է, ի՞նչ նորութիւն:

— Նորութիւն ոչինչ. բայց աղտօտութիւն, յի-
մարութիւն, լիտութիւն, ապուշութիւն, ստորնու-
թիւն լեցնեն:

— Այդ որքան սիրուն բառեր գիտես եղեր.
նկատեց Բագրատ Ժպտելով:

— Քեզի համար հարցուցեր էին, թէ ինչ բանի
ես. շարունակեց Վասակ:

— Է՛, ի՞նչ գրեցիր:

— Ի՞նչ պիտի գրեմ. որ Կովկասէն գալէդ ի վեր
կամ Պոլսի դպրոցները կը պտտիս և կամ վերին,
իդէալական դաւառները. գրեցի, որ արդէն եկած
ատենդ խենդ էիր, հիմա Պոլսի օդն ալ որ ծծեցիր՝
դարձար կատարեալ քամի:

— Նատ շնորհակալ եմ. այդ որքան ազնիւ ես
գտնեեր:

Եւ կամուրջի գլուխը եղած բազմութիւնը ճեղ-
քելով՝ սկսան Վալաթիայի սանդղաւոր զայիվերը
բարձրանալ:

Վասակ նամակը հանեց ու կարգաց:

Կովկասի ու նամակիս բովանդակութեանը վրայ
խօսելով, վիճելով՝ երկու բարեկամները բաւական

վեր ելած էին արդէն, երբ Վասակ նամակը գրպանին մէջ տեղաւորելով.

— Իսկ զուն զեւ նոյն հիւրանժցն ես. հարցուց:

— Ոչ. գեռ երէկ ֆրանսական ընտանիքի մը մէջ սենեակ մը վարձեցինք Գէորգի հետ:

— Իրաւ. մը Գէորգի:

— Կարնեցին. հայրենակիցս:

— Ե՛, ի՞նչ տեսակ տեղ է. գո՞ն ես:

— Ֆրանսուհի մըն է տանտիրուհին, պատւաւոր կին մը. պալատական տիկիններու հագուստեղէնը կը կարէ եղեր: Երկու աղջիկ ունի. հատ մըն ալ հոգեզաւակի պէս յոյնուհի մը: Սենեակը հոս մօտերն է, եկուր անզամ մը տես: Արդէն Գէորգն ալ եկած կը լինի հիմա:

Մտան կողմնակի փողոց մը, և մէկ-երկու պտոյտէ վերջը սկսան վեր ելնել ապարաւմանի մը մառքուր, լայն քարէ սանդուղներէն:

Վերջապէս Բագրատ երրորդ յարկի դռան զանդը քաշեց:

Ներսէն աղջիկներու աղմուկ մը լսւեցաւ:

Գեղեցիկ, վայելչակազմ, դեղձան մաղերով աղջիկ մը դուռը քացաւ. ուրիշ 10—11 տարեկան աղջիկ մը նորեկները դիմաւորելով՝ Բագրատի հետ ֆրանսերէն շաղակրատելու սկսաւ. Բագրատի սենեակի դռան մօտ հանդիպեցաւ երրորդ աղջիկ մը, որ ձեռքը կոնք մը ջուր դուրս կ'ելնէր: Բագրատի քարեւը առաւ ու քրքջալով խոհանոց փախաւ.

Վասակ կանգ առաւ սենեակի սեմին վրայ, աղանձ մը դիտեց ու ժպտելով Բագրատին դարձաւ.

— Փառաւոր սենեակ մը, վրան ալ երեք հատ փառաւոր աղջիկ. վայ ես ձեր...

Մտաւ սենեակ և շխտակ դիմելով Գէորգի կողմը, մւր կանանչ քանապէի վրան երկնցած նոր լրւացած երեսը կը չորցընէր, աւելցուց.

— Նայէ, ինչպէս փուեր է. ձեր Կարինը այդ տեսակ բան շատ էիր տեսած, համ:

— Նախ մէկ բարեւ տնւր, մարդ Աստծու, ընդհատեց Գէորգ լրջութեամբ:

Սա թուխ դէմքով, խաժ աչքերով, սուր մօրոք, ջղոտ, նիհար տղայ մըն էր. մէկ հայեացքով կարելի էր հասկընալ գաւառացի լինելը:

Իսկ Վասակ սենեակի ճիշտ մէջտեղը կեցած՝ իր առանցքէն վրայ կը դառնար մահճակաները, պահարանները, հայելիները, պատկերները դիտելով:

Երբ քննութիւնը աւարտեց՝ գեռ գլխարկը գլխին, հինկէկ հովանոցը թեկին տակ, ձեռքերը ետին կապած, եկաւ կեցաւ երկու կարնեցիներին գէմը ու հեգնական շեշտով մը արտասանեց.

— Եւ կ'ըսէք թէ ժողովրդի մէջ պիտի երթաք ու ժողովրդի համար պիտի աշխատիք, համ:

— Եղբայր, չտեսութիւնը մէկդի դիր. ըսաւ Բագրատ դէմքը ծամածուելով՝ Մէկ գլխարկդ հանէ, եկուր նստէ քովս մարդավարի. ու ես քեզի հարցնեմ, թէ յարմար, գեղեցիկ, մեր գեղագիտական

պահանջներուն բաւականութիւն տուող շրջապատի մը մէջ ապրիլը ոչ միայն իմ իդէալներուս չի հաշկառակիր, այլ կ'ամբողջացնէ:

—Հասկըցուր, նայենք, ըստ Ասսակ բազկաթուին մէջ նետւելով: Ի՞նչ ալ փափուկ է, շունշանորդին. հիմա այս փափուկ աթոռներուն մէջ պիտի նստիս իդէալներդ իրագործելու համար, այնպէս չէ. և գործը բոլորովին իդէալացընելու, կամ իդէալացնելու համար աղջիկներէն մէկը մէկ քովդ պիտի նստեցնես, երկրորդը միւս կողմէ և երրորդն ալ... հա հա հա հա...

Ու ակսաւ ամբողջ մարմնովը խնդար:

—Կատակդ թէեւ տգեղ, բայց բոլորովին սխալ չէր: Քեզի հիմա միայն այս չափը ըսեմ, սիրելիս, որ կնոջ ազգեցութիւնը մարդու հոգեկան զարգացման մէջ ահագին է: Կոճղի մը պէս, սենեակի մը անկիւնը մեծնալը ուրիշ է, աղջիկներու շրջանին մէջ, կանացի շվման տակ, քնքուշ, հոգածու, փափուկ ձեռքի մը խնամքներուն տակ ապրիլը ուրիշ է: Այդ սրտի քնքշացում ըսել է. զգացումներու նրբացում, ազնւացում ըսել է: Ինձի նայէ, մենակ մտածող գլուխ մը ունեցող մարդը ինձի համար մարդու իդէալը չէ. մարդ տրամաբանական մեքենայ մը չէ. զգացնեմ պէտք է մեզի. բնութիւնը ճաշակել, կեանքը ճաշակել պէտք է գիտնալ. աշխատիլ ու ճաշակել այդ է կեանքը: Նայէ չորադիդ, ի՞նչ կողունչութիւն, ի՞նչ շահամոլութիւն, ի՞նչ կոպ-

տութիւն, ի՞նչ անազնւութիւն է. ատոնց մէկ ժմասին պատճառը, ինձի համար, մեր անճաշակութիւնն է, մեր մէջ եղած կնոջ դիրքն է: Պէտք է, պէտք է կուել ատոնց դէմ ալ. մի՛ մոռնար, որ սէրը գեռ ամօթի կարգն է մեր հասարակութեան շրջաններուն մէջ. սէրը, որ կեանքի բարձրագոյն հապարտութիւնն է:

—Ծղաց, գլխուս բան մի՛ հասկըցըներ. ես բնաւ չեմ զարմանար, որ հոս ես եկեր: Իրաւ. այս ճոխ ու փափուկ բաները շատ չեմ սիրեր, բայց ուրիշ հարց է աղջիկները: Երիտասարդ, արբուն բոց ատենը. իրաւունք ունիք. ձեզի մեղադրողը նվ է: Մինակ կը զարմանամ, Բազրամտ, երբ գործը իդէալական, զգացական, ճաշակագիտական և չգիտեմ ալ ինչական ցընդի-բընդի նրբութիւններով վերարկւիլ կ'ուզես, երբ պարզ իրողութիւնը կեղծել կ'ուզես:

—Ներիք է. ընդհատեց Բագրատ ձեռքի հպարտ շարժումով մը: Ես քու առջեղ կեղծելու բնաւ կարիք չունիմ. ես կըսեմ այն, ի՞նչ որ կը մտածեմ. մանաւանդ ընկերական շրջանի մէջ. դուն կ'ուզես հաւատաւ, կ'ուզես՝ ոչ. այդ քու գիտնալիք բանն է. միայն այսչափը աղէկ հասկըցիր, որ այդ խօսքերդ ինձի վիրաւորել կրնան:

Վասակ թերահաւատ շարժումով մը դարձաւ Գէորգին:

—Ե՞ս, դժւն ալ զգացումներդ նրբացնելու հա-

մար հոս եկար, թէ քսակդ. երեխ հոգաբարձուները
ամսականդ աւելցուցեր են:

—Ինծի Բագրատը խորհուրդ տւաւ. և շիտակը
չափազանց ուրախ եմ:

—Անտարակնյա. վափինւկ աթոռ, երեք աղջիկ:

—Եղբայր, վազ անցիր այդ աղջիկներէն. մէկը
դեռ տասնումէկ տարու չի կայ. միւսը այնքան

հապարտ է որ մարդ աչքերուն նայելու կը վախնայ:

—Եւ վախնալու ալ իրաւունք ունի. այդ տե-
սակներէն վախնալու է:

—Այնպէս որ, շարունակեց Գէորգ, մինակ յոյ-

նուհին է քիչ մը բաց, խօսող, խնդացող, բանի մը
նման:

—Տեսար, Բագրատ. ի՞նչ կ'ուզես ըսէ—արդէն
Գէորգը իրենը ընտրեր է:

—Քու ըսածդ ի՞նչ է. վրայ նետւեցաւ Գէորգ
տաքցած: Այս, եկեր ենք ուտենք, խմենք ու աղ-
ջիկներուն Հետ քէփ ընենք. ըսէ, տեսնեմ, մեր
ի՞նչը կը պակի:

Պակսի. այդ նվ ըսաւ. ընդհակառակը՝ կ'աւել-
նայ. այն ալ պիրուն, վափուկ, քնքուշ, նուրբ էակ-
ներ... Բագրատի ճաշակը նրբացընելու համար:

Երկուքը սկսան կոկորդալիր խնդալ: Բագրատ
ուղեց ինքզինքը զապէ՛ չի յաջողեցաւ. ու ինքն ալ
խնդալ սկսաւ:

թ.

Դեռ ծիծաղը բոլորովին չէր աւարտած, որ
դուրսը զանգակի զարնեցաւ. ու պահմը վերջը դեռ
տան դրան մէջէն լսւեցաւ հնչուն առնական ձայն
մը, որ բարձր ծիծաղի մը հեղեղին մէջէն բարեկց
դուռը բացողը ու սկսաւ Փրանսերէն խօսակցիլ.
մէկ կողմէն ալ մէջէմէջ իր բոլոր ուժովը.

—Գևօ. պոռալով:

—Սարգիսն է. ըսաւ Գէորգ ու դուրս նետ-
ւեցաւ:

—Ի՞նչ. ան ալ ձեզի հետ է. հարցուց Վասակ
Բագրատին:

—Ո՞չ. բայց շաբաթը մէկ-երկու գիշեր մեզի
պիտի անցնէ. առտուները այս կողմերը գործ ունի:

Այդ միջոցին սենեակի դուռը ետ հրւեցաւ. և
սեմի շրջանակին մէջ երեցաւ գիրուկ, միջահասակ,
գեղեցիկ մարդ մը, կլոր, կարճ մօրուքով, սոկի ակ-
նոցները քիթին, թևին տակ փաթթոց մը թուղթ.
իր մէկ ոտքը թէւ սենեակէն ներս, բայց դեռ իրեն
զարձած կը խօսէր աղջկան հետ ու կը խնդար իր
սուր, ամուր խնդուկովը: Խնդալով ալ այս կողմ
դարձաւ ու Վասակը նշմարելով բացականչեց.

—Հա. լաւ կը իրար գտել. խուփը գլորաւ,
պտուկը գտաւ: Գևօ, ըսէ ջուր մը բերեն. փռւ,
ի՞նչ տաք է այսօր, է:

Ֆէսը հանեց զլիմէն, նետեց սեղանին վրայ՝

ձեռքի թղթերու հետ. ինկաւ բազկաթոռին մէջ,
դլուխը յենեց, դոցեց աչքերը ու անշարժ մնաց:

—Այդ ինչպէս հոգներ ես, քար ես քաշել
ի՞նչ է, հարցուց Բագրատ:

Սարգիս նորէն սկսաւ խնդալ՝ ցընցելով ամբողջ
մարմինը և մարմնին հետ ալ ամբողջ բազկաթոռը:

Աղջիկը լըւացւելու ջուր բերաւ:

Սարգիս ելաւ ոտքի, հանեց ժաքէթը, բաճ-
կոնը, շապիկին օձիքը ու թևերը վեր քաշեց: Միե-
նոյն ժամանակ անդադար տրոնջալով տաքէն, ճա-
նապարհի զառիվերէն, տղոց բնակարանի երկար
սանդուղէն, գրաշարներու ալուշութենէն, իր նոր
գնած կօշին նեղութենէն:

Գէորգ ջուր կը լեցընէր. իսկ Սարգիս կը լւաց-
ւէր արդէն ահազին աղմուկով ու մէկ կողմէն ալ
խմբագրին հետ ունեցած իր վերջին կոխը կը
պատմէր:

Սարգսի դէմքն ու մօրուքը ամբողջ օճառի
փրփուրով ծածկւած էր, երբ յանկարծ լըւացւիլը ու
իր պատմութիւնը ընդհանութով դարձաւ Բագրատին:

—Իւալ, է. տես, ինչպէս ալ մոռցայ. Բագ-
րատ, աչքդ լոյս. գործդ կարգին է, այսօր խօսե-
ցայ Մինասեանին հետ. ամեն բան յարմարցուցած
եմ. կիրակի կ'երթաս, կը ներկայանաս հոգաբար-
ձուներուն... ու Փ, ջուր, ջուր. աչքս օճառ գնաց:

—Է՛, քեզի մվ ըսաւ գործդ չլընցուցած խօս-
քի սկսիս. ըսաւ Գէորգ ջուրը լեցընելով:

—Ի՞նչ ըսելով հոգաբարձուներուն ներկայա-
նամ. ինձի ոչ հրաւէր է եկած, ոչ բան. նկատեց
բագրատ:

—Տղայ, դեռ քու խելքդ գլուխդ չեկաւ. մոռ-
ցիր, մոռցիր այդ բաները. հոս այդ ապրանքը չի
քշւիր:

—Ես այդ տեսակ պարապ խօսքեր չեմ հաս-
կընար. եթէ իրենց ուսուցիչ է պէտք՝ գոնէ ինձի
պարզ նամակ մը թող գրեն: Ի՞նչ. երթամ, մու-
րամ պիտի. «լսնդրեմ» ինձի պաշտօն մը, էֆէն-
դիմ. համ:

—Վասակ, դուն գոնէ այս խելօքին խօսք
հասկըցուր. տես, ի՞նչ պաշտօնական բառեր:

—Ո՛չ, պաշտօնական չէ. ես ինքս պաշտօնա-
կանութեան հակառակ եմ. բայց կան խնդիրներ, որ
պէտք է. այդ մասին սովոր են ուսուցչի հետ ծա-
ռայի պէս վարւին. ճանչընելու է վերջապէս ա-
նոնց իրենց չափը: Մինչև կարգին հրաւիրագիր մը
չըստանամ՝ ոչ դպրոց կ'երթամ, ոչ հոգաբարձու-
թեան:

—Այն ատեն մինչև Քրիստոնի գալուստը պաշ-
տօն մը ստանալու սպասէն Բարեկամ, քիչ մը վար
իջիր երկընքէն. ու չորս կողմդ նացէ. այդ քու
ըսածներդ շատ սիրուն, բայց հասկըցնզը ով է:
Դուն միտքդ գրեր ես գործ տեսնես, և հիմա, յի-
մար բանի մը համար՝ շինած կարգի բերած գործս
պիտի աւրես. տես, է, յիմարին. չես երթար՝ մեծ

բան կընես, կարծես անոր հոգն է. Կիրակոսն է եղեր, թէ Մարկոսը. ձին չեղաւ, էշը կը կատեն ու կ'ենեն մէկդի:

Բագրատ գլուխը կախած ակսաւ մտածել:

— Բագրամա, լսենթութիւն պէտք չէ, շարունակեց Սարգիս ծանր ու փաղաքշող ձայնով մը. գիտեմ իրաւունք ունիս, բայց առնելիք չունիս. գործ տեսնել ուզող մարդ այդ տեսակ մանր բաները պիտի չմտածէ:

— Այդ տեսակ մանր բաներ. ո՞հ, այդ է ինձի կատղեցլնողը, է. պոռաց Բագրատ ոտքի ցատկելով բռունցքը սեղմած: Գիտես, դեռ երկու ամիս չեղաւ Պոլիս ոտք դնելս. բայց իմ համոզումներէս քանի այսպէս մանր բաներ ծալլեցի ու մէկդի դրի. Ի՞նչ, կը տարակուսիս, անշուշտ այս ալ ծալլեմ ոլիտի...

— Ի՞նչ ընենք, սիրելիս, յարմարւելու է տեղին, ժամանակին:

— Յարմարւիլ, յարմարւիլ. տեղին, ժամանակին. ուրիշ խօսքով թափել մէջէդ այն ինչ որ սուրբ է քեզի համար. մաքրութիւնդ, ազնըլութիւնդ, սկզբունքներդ. նետել վրայէդ մէկիկ-մէկիկ մինչեւ որ հասնի կատարեալ նոյնացումը. մինչեւ որ դուն ալ կը դաւնաս այն հազարաւոր բարի մարդիկներէն մէկը, որոնցմով կը վիստաց մեր հասարակութիւնը, որոնք խլուրդի չափ կամք չունին, ոչ աէ մուկի մը չափ սկզբունք: Է՛, խեղճ երազներս. իսկ ես կը կարծէի թէ մէջս ուժ կայ:

— Խեղճ, խեղճ երազներս. կրկնեց Վասակ կեղծարտաւող ձայնով մը. բայց չկրնալով ծիծաղը զսպել՝ սկսաւ փուլնդատաբ:

Նոյն միջոցին յոյնուհին ներս բերաւ սամաւարը:

Գէորգ աղջկան ձեռքէն առնելով՝ սկսաւ երգել:

«Սամաւարի կանթն է ոսկի,

Զայ բերողը չի գար խօսքի.

Իր մէկ պաչը հազար ոսկի»:

Անոր միացան Վասակն ու Սարգիսն ալ. ու դուրս եկաւ հիանալի տրիօ մը: Ամէն մէկը իր կողմը կը քաշէր:

Իսկ Բագրատ մօտեցաւ լուսամուտին, ճակատը կրթնցուց ապակիին ու աչքերը դուրս, մութին մէջ յառած՝ սկսաւ մտածել:

Երբ երգը վերջացաւ Վասակ մօտեցաւ Բագրատին, քաշեց թեւէն ու կատակ մը ընել կ'ուզէր. բայց, տեսնելով անոր դէմքի ցրւած ու տխուր արտացյալութիւնը, կանգ առաւ. լուրջ շեշտով մը ըսաւ.

— Ճշմարիտ որ մարդիկ շատ յիմար ևն. կարծես իրենց չարչարանք կը պակսի. կարծես աշխարհի վրայ մտատանջութենէն զատ ուրիշ բան կայ, և ահա չեղած տեղէն նոր մամտուքներ ու հոգեր հնարել կ'ուզեն: Իսկ գուն մասնաւորաբար խորանարդ յիմար ես. նախ յիմարութիւն մը՝ իդէալ ունենալը. երկրորդ աստիճանը՝ ցաւիլ այն ատեն,

Երբ դեռ կորս՝ ցուցած ալ չես Երանի չէր, որ
մշջդ եղած այդ բոլոր ցընդաբանութիւնները մշ-
կն կորսըէին։ Իդէալ. ինչ է այդ պարապ բառը,
որուն տակը իմաստ չի կայ. շիներ էք բէբէք մը,
դրեր էք վերը ու առջեւը կ'երիշրպագէք. ճիշտ,
ինչպէս որ ժողովուրդները իրենց համար ասուած-
ներ են հնարեր, ու իրենց հնարած ասուածները
իրենք ալ կը պաշտեն. սակայն...

—Վերջ տուր, ըստ Բագրատ կորուկ ճայնով
մը. թոթւեցաւ ու մօտեցաւ սեղանին, որու շուրջը
նստէր էին միւսները և որուն վրայ սամաւարը կը
ֆըշար:

—Ուրեմն վերջացած է. ըստ Գէորգ ու բա-
խութեամբ. է, Բագրատս, հիանալի դպրոց մը պի-
տի ունենանք. ամեն բան մեր ձեռքը, անկախ.
տղայքը սրամիտ. դպրոցը նոր, յարմար, ծովուն դէմ:

—Այն. ես ալ հիմա ճիշտ այդ կը մտածէի.
ուրիշ տեղ դժւար է այս բոլոր պայմանները իրա-
րու կից գտնելը. Լուրջ, լուրջ գործ տեսնելու է.
և որքան լնելիք կայ. ուսուցիչները պատրաստել,
առաջնորդել անոնց, աշակերտներուն հոգի տալ,
կամք առաջացնել, ոգեսորել. ծրագիրները պատրա-
ստել. կազմել դասերը, մատնադարանը հոգալ. ըն-
թերցանութիւնը, շարադրութիւնը. ա, ոչինչ,
ոչինչ չի կայ. ամեն բան ծայրէն պէտք է ակսել:
Ո՞հ, վերջապէս. մէկ գործի մէջ նետւիմ. ոտքով,
գլխով. առտուընէ մինչև իրիկուն շարժման, կեանքի,

ներշնչման ու աշխատանքի մէջ. որ կը մտածեմ՝
ուրախութենէս սիրոս կը ցատկէ: Նետւիլ այդ ան-
մեղ, մոմէ սրտերուն մէջ. սիրել, սիրւիլ ու մարդ
պատրաստել. մարդ, անհատական մարդ, ամուր
մարդ. որոշ ձգտումներով, կեանքը վայելելու և ու-
րիշներին վայելցընել տալու տենչանքովը բլունկած,
ա, որ մէկը ըսեմ:

Այս տղան շնորհքով իմնթ է. ըստ ծիծաղե-
լով Սարդիսը. քիչ մը առաջւան տակնուվրայու-
թիւնդ, թէ հիմակւան ոգեսորութիւնդ:

—Այն. նախ ուսուցիչներէն սկսելու է. գործին
արմատը հոտ է. կը շարունակէր Բագրատ կարծես
ինքն իրեն. այս իրիկուն նատիմ դասախոսութիւն-
ներու ծրագիրը պատրաստելու աշխատիմ. մինչեւ
շաբաթ...

—Տղայ, քիթդ քիչ մը ամոնեակ քաշէ, որ
խելքդ գլուխդ դայ. ընդհատեց Վասակի: Խեղճ Գե-
նրդ, ես մինակ քեզի կը մեղքնամ: Երեք չէ, որ
երեք անգամ երեքի եռապատիկը աղջիկ ալ որ լի-
նի տան մը մէջ, նորէն հոն ապրիլ չլինիր այս
տեսակ գժի հետ. երկու ամիս չանցած մարդ կամ
մեծ կզզին երթալու կը հարկադրւի իր ջղային
դրգումը կազդուրելու համար, և կամ ուղղակի
Փրկչի հիւանդանոցը իր ուղեղի խախտած մասերը
նորոգել տալու համար:

Բագրատ չէր լսեր. իր մտածումներուն մէջ
թաղւած՝ արագ կ'երթեեկէր սենեակին երկայնքովը:

Գ.

Քանի մը շաբաթներ անցեր էին այդ իրենէն և Ղալաթիայի յայտնի ապարտմանի երկորդ յարկի սենեակին մէջ կեանքը կատարեալ զեղման մէջ էր:

Կեանք մը, որուն եռունը ամէնէն առաջ և ամէնէն աւելի Գեորգի համար զգալի էր:

Գեորգ Կարնի ազգային վարժարանը հազիւ էր աւարտած, որ ինկաւ իր տարէկիցներու շրջանին մէջ. և վերջին խռովութիւններու ատեն բանտարկեցաւ իբրև «ժողովրդեան անդորրութիւնը վրդովոլոյ»: Իր հարուստ ազգականները թէև կերպ մը տղան բանտէն հանելու յաջողեցան, բայց յամենայն դէպս լաւ համարեցին, որ առ ժամանակ մը իր ծննդավայրէն հեռու մնայ: Եւ Գեորգ եկաւ Պոլիս, դեռ հազիւ քսան տարեկան: Նախ մտածեց դպրոց մը մտնէ իր ուսումը շարունակելու. բայց դրամական դժւարութիւններ ու իր տարիքը արգելք եղան. ուստի մտածեց նորէն դպրոց մտնէ, միայն այս անգամ ոչ թէ սորտելու, այլ սորտեցնելու համար: Վճռեց ուսուցիչ լինել, և մասնաւորաբար Սարգիսի ազդեցութեան տակ:

Սարգիս, որ գրեթէ նոյն պայմաններուն մէջ Վանէն Պոլիս էր եկած ու ուսուցչութիւն սկսած, կարծ ատենւան մէջ յաջողած էր իր դարձացման համար բաւական զործ տեսնելու. միւս կողմէն ալ

սկսած էր գրականութեամբ զբաղւիլ, այնպէս որ ութիւննը տարւան մէջ Պոլսի օրագրութեան մէջ յայտնի գիրք մը գրաւած էր: Վերջին ատենները բոլորովին ձեռք վերցնելով ուսուցչութենէն՝ ամբողջովին հրապարակախօսութեան նւիրեր էր ինքինքը: Սարգիս Պոլսի մէջ շատ բան դիտեց, որուեր ու փոխւեր էր. միայն իր սիրաը միշտ կապւած էր մնացեր իր հայրենիքին՝ որ միշտ կարօտով կը յիշէր: Եւ կարծես կերպ մը իր պանդխառութիւնը մոռնալու համար ինքինքը միշտ գաւառացիներով կը շըրջապատէր. իր մէկ ոտքը խաներն էր: Եւ հոն էր, որ հանդիպեցաւ Գէորգին ու առաջին տեսութենէն իր խնամքին տակը առաւ. իսկ Սարգսի խնամքը Գէորգի համար շատ թանկագին էր. որովհետեւ ան գրեթէ բոլոր Պոլսի ջոջերուն հետ յարաբերութիւն ունէր, բոլոր գրագէտները, բոլոր քիչ թէ շատ ազգեցութիւն ունեցող մարդիկը կը ճանչնար. ոչ միայն կը ճանչնար, այլ և տեսակ մը ազգեցութիւն էր ձեռք բերեր անոնց վրայ իր յանդուգն, անկախ, ազնիւ ու ամուր բնաւորութեամբը:

Գէորգ նախ չէր համարձակ Պոլսի պէս քաղաքի մը մէջ ուսուցչութեան պաշտօնը յանձն առնելու. բայց Սարգսի համոզումներուն ենթարկւած՝ վերջապէս վախվիսելով դպրոց մը մտաւ, իբրև մնայուն ուսուցիչ «վարիս կարգին: Սակայն որքան եղաւ զարմանքը, երբ հետզհետէ սկսաւ նկատել, որ ամբողջ դպրոցին մէջ սկսած էր դիրք մը գրաւել.

նչ միայն փոքրիկներէն, այլ և բարձրագոյն դասարանի աշակերտներէն սկսաւ սիրուիլ. պարզ էր, անկեղծ անձնւէր ու ողելորւած. մեծ աշակերտները զբօսանքի ժամանակ միշտ իր շուրջն էին, որոնց կը պատմէր գտառի կեանքէն. միշտ կը խաղար անոնց հետ: Միւս կողմէն ալ նկատեց, որ իր պաշտօնին մէջն ալ նչ միայն անկարող չէր, այլ և Պոլսի մէջ եղած բոլոր իր նմաններէն բարձր. դոնէ խղճի մաօք դասերը նախաղէս կը պատրաստէր, ամեն կերպ կ'աշխատէր տղոց օգուտ տալու. ինքը ճարպիկ տղայ՝ սկսաւ հոս ու հոն այցելել, դիտել միւսները, հետզհետէ ինքզինքը սրբագրել. սորւեաւ քանիմը մանկական երգեր ու խաղեր. Կովկասէն քանիմը մանկավարժական դրգեր բերել տւաւ, թէկ ոչինչ չհասկնալով մինչեւ վերջը առաջին երեսին վրայ մնաց. իր փորձերէն սկսաւ օգտական իրեն համար դասաւոնդման եղանակ մը յարմարցուց. և այս բոլորի հետեւանքը այն եղաւ, որ տարի մը չանցած Ա. թաղին մէջ յացանի էր, իբրև լաւ դաստիարակ ուսուցիչ, որ «նոր մեթոդներով» աշակերտները կը կրթէ. դպրոցին մէջը ձայն ունէր. տնտեսէն բռնած մինչեւ հոգաբարձուները կը յարգէին ինքը և խաթրէն չէին ելներ. աշակերտներուն սիրելին էր:

Դպրոցին դուրս բացաւապէս մէկ-երկու ուսուցչի հետ մօտիկ ծանօթութիւն ունէր. կը պատմէր անոնց հետ. և կամ սրճարանը նարդ կը խաղար,

որուն մէջ անպարտելի էր ճանչցըւած: Իսկ քիչ մը աւելի ազատ ժամանակ գտածին պէս՝ խաներն էր, համալներուն քով, որոնց հետ կը կարդար, կը վիճէր, կ'երգէր ու չափազանց կ'ազդէր. մէկ երկրացի, իրար ցաւերէ հասկըցող, մէկէ աւելի կապեր ունէին իրարու հետ:

Գիշերները կը պառկէր դպրոցը իր մասնաւոր սենեակին մէջ՝ կատարելապէս չոր պանդուխտի կեանք մը վարելով: Իբրև ընտանիք յաճախ կ'երթար Սարգսենց տունը՝ Գաղը-գիւղ, ուր երբեմն գիշերներն ալ վար կը դնէին:

Այսպէս անցաւ երկու-երեք տարի. միշտ նոյն կեանքն էր ամեն տեղ, թէկ քանի մը անգամ դըպրոցները փոխեց զանազան պատճառներով:

Օդոստոսի սկիզբները սիրուն առաւօտ մըն էր, որ դպրոցին տնօրէնը Գէորգի դաստիարանը մտցուց վայելուչ երիտասարդ մը, որուն արտասանած առաջին խօսքէն Կովկասէն լինելը կը մատնւէր: Երիտասարդը ներկայ եղաւ Գէորգի դասին, ու վերջը քանի մը նկատողութիւններ ըրաւ անոր կատարեալ պարզամտութեամբ, միւս կողմէն իր ուրախութիւնը յացանելով Գէորգի սիրալիր ու ոգեորւած աշխատութեան համար: Գէորգի վրայ շատ մեծ տպաւորութիւն ըրաւ երիտասարդի այդ պարզ ու անկեղծ վարմունքը. և անոր համեստութենէն աւելի գրաւելով սկսաւ աւելի մօտէն հարցեր տալ, ուրկէ դուրս եկաւ, որ պարոնը իր ուսումը Ռուսաստան

աւարտած էր, եկած էր Պոլիս առժամանակ հոն ուսուցութիւն ընելու, կրթական կեանքին ու գործերուն նախապէս կեդրոնին մէջ ծանօթանալու համար, ուրկէ մէկ կամ երկու տարիէն անցնէր պիտի իր ծննդավայրը Կարին... Կարին, Գէորգի ոսքը գետնէն կտրեցաւ. նոր հարցեր յաջորդեցին իրարու. և երկուքն ալ իրարմով այն աստիճան սկսան ողեռուիլ, որ խեղճ անօրէնը իր հոն բոլորովին աւելորդ գէմք մը լինելը զգալով՝ կամաց մը դուրս սպրդեցաւ:

Այդ վայրկեանէն Գէորգն ու Բագրատը իրարմէ անբաժան էին:

Բագրատ Գէորգի համար դարձաւ հեղինակութիւն մը գիտական ու մանկավարժական ամեն խնդիրներուն մէջ. Գէորգը Բագրատին համար թարմ ու առողջ ուժ մը, որ կարելի էր զարգացնել ու գործադրել. իսկ երկուքը իրարու համար բաղդակից հայրենակիցներ ու նպատակակից ընկերներ:

Բագրատ առաջի օրերէն սկսաւ դրդել Գէորգը, որ թողնէ իր խլուրդի ծակը, զպրոցին փոշիները ու նորհքով տեղ մը, ընտանիքի մը մէջ ապրի: Իսկ երբ վերջնականապէս իր Պոլիս մնալը վճռւեցաւ, ինքը աշխատեցաւ, որ միասին զպրոց մը լինին: Փնտոեց, ու Սարգսի միջոցով գտաւ Ն. արարձանին դպրոցը: Եւ երբ դպրոցի գործը արդէն յաջողւելու վրայ էր՝ ինքը եկաւ սենեակը վարձեց ու Գէորգն ալ քովը քաշեց:

Այն օրէն այդ սենեակը տեսակ մը կենդրոնած տեղի դարձաւ որոշ խումբ մը երիտասարդներու. Այդ մասով գաւառացի ուսուցիչներ:

Նաբաթը մէկ-երկու գիշեր կը ժողովւէին հօն, որ սովորաբար «զուրսեցիներուն սենեակը» կ'անւանէին:

Այդ գիշերը տարօրինակ կեանք մը կ'առնէր սենեակը:

Ամեն գլւէ ձայն մը կ'ենէր. կը պոռային, կը ցատկէին. ձեռքի ու խօսքի կատակները վերջ չունէին. սենեակին մէջ ոչ մէկ իր իրեն տեղը չէր մնար: Մէկ ալ տեսար կը բըռընկէր վէճը. մանկավարժութիւն, զպրոց, լրագրութիւն, գրականութիւն, ընկերական-հասարակական խնդիրներ—ոչ մէկը հանգիստ չէր մնար, կը քաշէին մէջ ու անվերջ կը ծեծէին: Վէճերուն աւելի կրակ կուտար կոնեակով թէյլ. իսկ թէյի գոլորշիներուն հետ երգերը կը բարձրանացին. արևելեան քնքուշ, ծածուկ մաշող սիրոյ երգերը. ցաւի ու հալածանքի տիսուր, գառն երգերը. ժողովրդի ընկճւած կեանքին, վշտոտ օրերուն մելամաղձիկ բողոքը: Եւ տղայքը աւելի կը գրգռւէին, արիւննին կ'եռար, զգացումները կը յուզւէին, ու խօսակցութիւնը աւելի մտածկոտ, աւելի լուրջ ու աւելի կծու շեշտեր կ'առնէր: Ու զայրոյթի, յոյսի, վրէմի վէճերը նորէն կը բորբռքւէին. և կես գիշերւան մօտիկ՝ ընդհանուր, կենսալից աղմուկը հազիւ տեղի կուտար դուրսի տիրող խաղաղութեանը:

Պ.

Այս բոլորը տարօրինակ տպաւորութիւն մը կ'ընէր սկիզբները ֆրանսացիներուն վրայ. բայց շուտով վարժւեցան այդ գրակոտ հայերուն, ինչպէս կ'ըսէին. և ոչ միայն վարժւեցան, այլ նոյն իսկ սկսան աւելի մտերիմ յարաբերութիւններ։ Բագրատ իր լուրջ պարզութեամբ, Գէորգ իր միամիտ պարզութեամբ մեծ ազգեցութիւն գործեցին։ Տանտիկինը իր զաւակներուն պէս կը սիրէր և ամեն կերպ գոհացնելու կ'աշխատէր։ Իսկ աղջիկները արդէն մէկ ընտանիք դարձեր էին։ Գիշեր, ցորեկ բաց էր տղոց մենեակը. գզրոց, դարան՝ ամեն բան աղջիկներու խնամքին տակն էր։

Տանտիրոջ մեծ աղջիկը Լուիդ աւելի լուրջ էր ու ծանր. արդէն ժամանակին մեծ մասը նւիրած էր իր դաշնակին. դաշնակի դասեր կուտար։ Քսանի մօտիկ, երկար, առատ շագանակագոյն մազերով մութ աչքերով, մաքուր-ճերմակ զէմք մը. Ճնոտին տարօրինակապէս գեղեցիկ սրութիւնը և շրթունքներուն կոր, զիւթիչ գիծը մասնաւոր հմայքով մը մարդու աչքը կը գըգւէր։ Ինքը բացառապէս ֆրանսերէն կը խօսէր, մինչդեռ միւսները յաճախ տաճկերէն ալ կը խառնէին, մանաւանդ սկիզբները, երբ Գէորգ բնաւ չէր հասկընար։ Տղոց հետ թէեւ միշտ պարզ ու անկեղծ կը վարւէր, սակայն միշտ իր բարձրութիւնը պահել գիտէր։ Բագրատ, իրբւ ա-

Ելի զարգացած, բնակսնօրէն աւելի մօտ էր աղջիան, որ յաճախ տղու օգնութիւնը կը խնդրէր իր ընթերցանութեան խրթին կէտերուն։ Նոյն իսկ երբեմն իրիկունները միասին կարգալու սովորութիւնը մտաւ անոնց մէջ, մանաւանդ այն իրիկունները, երբ Բագրատ առանձին կը լինէր ու իր սովորական աշխատութիւններուն տրամադրութիւն չէր ունենար։ Այդ ընթերցանութիւնները երկուքի համար ալ հանելի էին. մոքերու այդ ազատ փոխանակութիւնը երկուքին ալ զւարձութիւն կը պատճառէր։

Լուիզի փոքր քոյրը՝ Օդիւստա՝ տասնյմէկի մօտիկ չարաճճի աղջիկ մըն էր. Ճիշտ քրոջը դէմքը. տարօրինակ ազմկոտ, կեանքոտ էակ մը. երբ իրիկունները դպրոցէն կը դառնար՝ կարծես մէկէն տունը կը լեցւէր. Ճիծաղ, կըզւրտուք, երգ, ոստում։ Առաջին օրէն տեսակ մը տարօրինակ համակրութիւն ինկաւ անոր ու Բագրատին մէջ. աղջիկը ամեն կերպ տղուն հաճոյանալու կը ձգտէր. Բագրատ ալ շարունակ հետը խաղի կ'ելնէր, քնքուշ զգացում մը ունէր դէպի այդ փոքրիկ չարաճճին ու յաճախ կը համբուրէր։

Օդիւստայի աւելի հասուն ձևն էր Ելինին՝ յոյնուհին, որբ աղջիկ մը, որ մանկութենէն ինկած էր աիկնոջ ձեռքը և անոր քով մեծցած էր անոր աղջիկներուն հաւասար։ Տասնըեթլուտասնըութը տարեկան, մեւ աչքերով, կարճ, բաց գոյնի մազերով, ախորժելի կարմիր այտերով, արտասովոր լե-

ցուն կրծքով աղջիկ մը: Առւլտընէ մինչև իրիկուն սոքի վրայ էր. տարօրինակ կերպով բաց, խօսուն, ծիծաղկոտ, աղմկասէր արարած մը: Լեցուն, յորդած կեանք մը, որ կարծես իր ամանին մէջ չէր սղմեր: կեռար. աչքերուն մէջ միշտ կրակոտ արտայացութիւն մը, հաստ շրթունքները միշտ կիսաբաց:

Տղոց այդ տունը մտած օրէն շարունակ անոնց շուրջը կը դառնար. անդադար, զանազան պատըրւակներով կը մտնէր սենեակին ամենայարմար ժամանակներ. անդադար կը շաղակըատէր. իր շարժումներն ալ, իր խօսւածքին պէս, բաց էր ու անփոյթ:

Նոյն իսկ առաջին օրէն խոր տպաւորութիւն մը ըրաւ Գէորգին վրայ: Խեղճը իր տնտեսի ընկերակցութենէն յանկարծ նետւած էր այդ աղջիկներու շրջանին մէջ. Էլէնին պէս աղջկան մը հետ գիշեր ցորէկ: Աղջկան համար ալ գէշ չէր Գէորգի խոշոր, խաժ աչքերը, որոնց մէջ գաւառացիի կրակը կար, անոր առողջ, ջղոտ կազմածքը և երկար, նուրբ պեխերը:

Նաբաթ մը չէր անցած, որ երկուքը իրար քարեկամ էին դարձած արդէն: Իրիկունները միասին սամաւարը կը պատրաստէին և յաճախ խոհանոցը երկար խօսքի կը բըռնըւէին: Ալ ամեն իրիկուն սովորութիւն եղաւ օրւան բոլոր դէպքերու մասին իրարու պատմելը, կատակելը ու խնդալը. կամաց-

կամաց իրարու խօսք նետել սկսան, իրար հեղնել ու ծաղրել. իսկ հոտկէ միացն քայլ մըն էր ձեռքի կատակին անցնելու համար: Իրար ձեռքէ բան մը կը լոլէին, կը զարնէին իրարու, կը վազէին իրար ետեէ ահազին աղմուկով. այս քաջագործութիւններուն կը մասնակցէր յաճախ և աղմկասէր Օդիւստան, և կարելի է երևակայել, թի ինչ ճշւմբւոց ու վայնասուն կը բարձրանար. դուռները թափով կը բացւէին ու կը գոցւէին: Եւ, երբ երբեմն Գէորգ աղջիկներէն փախչելով կը մտնէր իրենց սենեակը ու դուռը կը կողպէր, Բագրատ կը պոռար երեսին՝ պահմը գրիչը ձեռքէն վար դնելով.

—Այս ինչ խայտառակութիւն է. մէկ կեցիր գոնէ ամիսը լրանայ, է:

Որուն սովորաբար Գէորգ կը պատասխանէր.

—Եղբայր, քեզի ինչ ըրած ունիմ: զիրդ զի՞ գուն. գուն վիլիսովիայ մարդ այս տեսակ բաներէն ինչ հասկընաս:

Եւ իւրաքանչիւր կատակ բան մը կաւելցընէր Գէորգի ու Էլէնիի զգացումներուն: Այդ իրարու սեղմումները, իրար ձեռքէ քաշքըշուկը նոր տպաւորութիւններ կուտար անոնց: Գէորգ զպրոցը յաճախ տան մասին կը խորհէր և իրիկունները ըստ կարելոյն շուտ տուն կը վազէր և դեռ տան սեմէն կատակները կը վերսկսէին:

Գէորգ իր ըրածը չէր հասկնար. այդ կեանքը, որ կը վարէր, երազ մը կը թւէր իրեն, անուշ երազ

մը. և ան ոչ կը մտածէր, ոչ ալ պէտք կ'ըզգար այդ
երազէն արթննալու։ Երբեմն իր ըրածներէն ինքն
ալ կը զարմանար ու կ'ամչնար։ Յը մը հայելիին
առջեւ աղջկան մեղալիօնը գտաւ, որ աղջիկը սովու
րաբար վիզը կը կրէր. առաւ ձեռքը ու տեսակ մը
նախանձով սկսաւ երկար դիտել և այդ անշունչ,
մինինիկ առարկան իրմէն շատ ու շատ աւելի եր-
ջանիկ կը համարէր. և վայրկեան մը բոլոր սրտէն
ցանկացաւ, որ ինքն ալ յանկարծ գերբնական զօ-
րութեամբ մը այդ փոքրիկ մեղալիօնին վերածւէր
ու աղջկան վզէն կախտէր. բայց իսկոյն ինքը իր
մտածման վրայ խնդաց ու զարդը ձեռքէն վար
դրաւ։ Անգամ մըն ալ աթոռ մը բերելու համար
աղջկան սենեակը մանելով՝ մահճակալին վրայ ին-
կած գտաւ աղջկան քորսէն. անդիմադրելի հետա-
քըրքրութեամբ մը վերցուց ու սկսաւ ուշադրու-
թեամբ դիտել պալէնները, կարւածքը, եզերքի ժա-
նեակները, ծիծերուն դուրս փորւածքը։ Քորսէն
բուրող հոտ մը սկսաւ ջիզերը գրգռել. Գէորդ աւելի
լաւ հոտ մը տալու համար մօտեցուց դէմքին և
յանկարծ իր կամքին հակառակ՝ բոլոր ուժովը սեղ-
մեց ու իսկոյն ետ քաշեց. վախով նայեցաւ շուրջը,
կարմըրեցաւ, նետեց քորսէն նորէն անկողնին վրայ,
խեց աթոռը ու սենեակէն դուրս փախաւ։

Իրիկուն մը Բագրատ գործով մը դպրոցը ու-
շացած էր. և Գէորդն ու Էլէնին իրենց սենեակը
առանձին էին. սովորական շրջանով խօսքը—հեղ-

նելու, հեղնութիւնը—կատակի, կատակն ալ կըզ-
ւըտուքի էր անցած։ Գէորդ աղջկան ձեռքէն խլած
էր անոր դըզրոցին բանալիները և կ'սպառնար այլ
ևս չի վերադարձնել մինչեւ որ անգամ մը մանրա-
մասն խուզարկութենէ չանցնէ աղջկան իրերը։ Աղ-
ջիկը նախ խնդրեց, ետքը սկսաւ պահանջել ու վեր-
ջապէս սկսաւ թեւերէն քաշքըշել ուժով առնելու
համար։ Գէորդ բանալին հասակը ներածն չափ
դլսէն վեր բոնած՝ կը խնդրար. մինչ աղջիկը բոլոր
ուժովը ձիգ կը թափէր բանալիին համնելու. մէկ
ձեռքով աղու թեւին փաթթըլւած, միւսով շարունակ
վեր կը ցատկէր, կը քաշէր, կը սեղմէր։ Տղան անուշ
հեշտանք մը կըզգար ամեն անգամ, երբ աղջկան
թեւերը, կուրծքը իր գէմքին ու ուսին վրայ կը
սահեին. կը դոդար։

— Տուր բանալիս, թէ չէ կը խածնեմ, ճշմա-
րիտ կը խածնեմ. կը կրկնէր աղջիկը ակռաներուն
մէջէն։

— Խած. կը խնդրար Գէորդ աւելի գրգռելով։
Աղջիկը ետ քաշւեցաւ, վայրկեան մը դիտեց
ու յանկարծ, կատուի մը պէս, ցատկեց տղու վրայ,
փաթթըլւեցաւ ու պինդ մը խածաւ բարձրացուցած
թեւը ուսին մօտիկ։

Գէորդ աղջկան այտը իր գէմքին վրայ զգաց.
և, ալ առանց ուշք դարձնելու թեւի սոսկալի ցա-
ւին, ազատ ձեռքովը աղջկան գլուխը շրթունքնե-
րուն սեղմեց ու սկսաւ համբուրել։

Ելէնին ցնցւեցաւ. զայրացած գլուխը ետ քաշեց, ակռաները սեղմած, հազիւ շնչել կարողանալով՝ հարցուց.

—Դու ինձի ինչու խածիր. պատասխանեց Գէորգ ինդալով:

—Ինձի ինչու համբուրեցիր. պատասխան տուր կրկնեց աղջիկը ակռաները աւելի սեղմելով:

Գէորգ անճարակցաւ. մօտեցաւ քաջցրութեամբ.

—Իրաւ, նեղացմը, բարկացմը ըրածիս. կ'ըսէր:

—Ինձի ինչու համբուրեցիր. քեզի բան կը հարցնեմ; կրկնեց Ելէնին ոտքը գետին զարնելով, աչքերը տղու աչքերուն գամած ու բոլոր ուժովը բռունցքները սեղմելով:

—Բայց կը սիրեմ քեզի:

—Կը սիրես ինձի. ստախօս. մրմնչեց ու տղու երեսին ամուր ապտակ մը փակցուց:

Գնաց գէպի դուռը, կանդ առաւ դարձաւ ետին, պահ մը նայեցաւ քարացած Գէորգին ու անոր իր ապտակէն վառւող այտին. և յանկարծ ետ ցառկեց ու ակռաներուն մէջ անհասկանալի բառ մը մըռըլտալով՝ իր ճապուկ թեերուն բոլոր առանձկականութեամբը տղուն վիզը փաթթըւեցաւ ու սկսաւ անձրւի պէս համբոյը տեղալ:

Գէորգ սարսուց կըքի այս տարափին տակ ու գրկեց:

Հազիւ աղջիկը դուրս փախաւ, որ Գէորգ ուժապառ ինկաւ բազկաթուին մէջ. պահ մը ան-

շարժ մնաց. այտերը կ'այրէին. յիշեց ապտակը ու այն ծծող, լեցուն, ուժեղ շրթունքներուն ջերմ փաղաքշանքը. և ներքին ձմլումէն ոտքի ցատկեց:

Առաւ գլխարկը ու դուրս նետւիլ կ'ուզէր, որ սեմին վրայ երևցաւ Բագրատ:

Գէորգ նետւեցաւ ընկերոջը վիզը խենթի պէս համբուրելով:

—Խեր լինի. խենթեցմը, Գէորգ, ի՞նչ է պատահեր. կը հարցնէր տղան զարմացած՝ անոր տպաք համբոյներուն տակ հազիւ խօսելու ժամանակ գլունելով:

—Բայց ի՞նչ կայ, ինչու համար է այս, կը կրկնէր:

—Անոր համար, որ դուն բարի, աննման տղայ մըն ես:

—Տէր ողորմեա. այդ նոր միտքդ ինկաւ:

—Այ, Բագրատ, եթէ զիտնաս որքան ուրախ եմ:

—Այդ կը տեսնեմ. բայց ի՞նչ է պատահեր. ինչու համար:

—Ե՛, ի՞նչպէս հասկըցնեմ. վարանեցաւ Գէորգ:

Եւ յանկարծ գաւառացիի պարզմիտ կոշտութեամբ.

—Ելէնին պագի. ըսաւ ու մութին մէջ աներւոյժ եղաւ:

Բագրատ ժպտեցաւ. յիմար, ապուշ ժպիտով մը որ ոչ պատճառ ունի, ոչ արտայայտութիւն:

Գնաց նստեցաւ գոհ պատուհանի առջեւ. ու

սկսաւ դուրսի մթութիւնը դիտել մտածկուա. միշտ
նոյն ապուշ, փիլիսոփայական ժպիտը շրթունքին:

Ե.

Կոյեմբերի հով առաւօտ մըն էր:
Լիաթոք ծծելով թարմ օղը՝ արագ-արագ դէ-
պի կամուրջ կիջնէր Վասակ:
Վասակ ալ երկար ատեն չէր, որ Պոլիս կը
գտնէր:

Ինքը բուն արապիզոնցի էր. կարող ընտանիքի
զաւակ. իր ուսումը ստանալու ուղարկւած էր Թիֆ-
լիս Ներսէսեան վարժարանը, ուր իրար յաջորդող
խռովութիւններուն միշտ մասնակից՝ վերջապէս
վռնուած էր վերջընթեր դասարանէն: Տարւան մը
չափ սպարապ Թիֆլիսի փողոցները չափչլփէն
վերջը՝ վերապարձաւ Տրապիզոն: Եր'ու տարիի չափ
ալ մնաց իրենց տանը և ժամանակին մեծ մնալ
ապարակը կանցնէր: Թէ Թիֆլիս և թէ տանը կը
կարդար շարունակ ինչ որ ձեռքը հասնէր. վերջերը
մասնաւոր հակում մը ստացած էր դէպի բնական
դիտութիւնները՝ դէպի դարւինիզմ:

Տրապիզոն քաշւած կապրէր ու շատ քիչերուն
հետ յարաբերութիւն ունէր: Վերջապէս ձանձրա-
ցաւ այդ կեանքէն. մտածեց Պոլիս երթայ: Ծնողքը
ուրախութեամբ համաձայնեցան, յուսալով որ ոռւ-
սումնական տղանին հոն վերջապէս գործի մը կը
փակչի:

Զէքերը ամսէ ամիս կանոնաւորապէս Պոլիս կ'եր-
թացին. բայց տղանին գործի մը փակած լինելու
լուրը Պոլսէն գալու կ'ուշանար միշտ:

Վասակ արդէն եօթը ամսէն աւելի է Պոլիս
էր: Առաջին օրերը նոր կեանքի մէջ կարծես նոր
տպաւորութիւններ ստացաւ. բայց այդ նորութիւնը
անցաւ շատ շուտապ. ու նորէն քաշւեցաւ իր Պերա
վարձած խցիկը և կարդալու վերսկսաւ: Իսկ կար-
դալէն բաց մնացած ժամանակին ալ Պոլսի շրջա-
պայքը պտղուելով կ'անցնէր:

Նոյեմբերի այդ առաւօտն ալ նմանապէս պտոյ-
տի էր ելած:

Երբ դաւազանը խաղցընելով՝ իր ճամբան խա-
չաձեռղ փողոց մը մտաւ՝ դէմ ու դէմ գտնըւեցաւ
Բագրատի ու Սարգսի հետ, որոնք տաք-տաք խօ-
սակցելով նոյնպէս դէպի կամուրջ կ'իջնէին:

—Փա՞. ըրաւ Վասակ՝ կանգ առնելով:

—Այս ուր բարով, Պերայի երկրաչափ. հար-
ցուց Բագրատ քըմծիծադ:

—Կզզի. քիչ մը մաքուր օդ ծծեմ. իսկ
դժուք:

—Մենք քեզի պէս ազատ մարդ չենք. պատաս-
խանեց Սարգսիս: Ես տպարան, ան դպրոց: Հա, նոր
չօդւածս տեսար:

—Ոչ միայն տեսայ, դեռ կէսն ալ կարդացի:

—Վա՞յ. այդչափ ժամանակ մւրկէ ես դտեր:
Երէկ գիշեր քունս չտարաւ. լրագիրը ձեռքս

առի, որ քունս գայ, քու յօդւածիդ կէսին էի, որ
քնացեր եմ:

— Հըմ. երեխ շատ բան հասկըցած կը լինիս.
ըստ Սարգիս հեղնօրէն:

— Գրածդ ինչ է, որ ինչ հասկընամ, է. եղաւ
պատասխան: Խենթին մէկը ելեր է քանի մը տաս-
նեակ ցնդաբանութիւններ է գրեր. այն ոտանաւոր
ցնդաբանութիւններէն. ոտանաւոր կ'ըսէք, ինչ է:
Ուրիշ խօսքով՝ որքան ապուշ, չհասկըցւած գաղա-
փարներ ու մտածումներ որ կան խելապատակին
մէջ՝ գրի է անցուցեր. զարդարեր է այդ բոլորը
ըստ կարելոյն անբնական դարձւածներով, առտա-
ռոց բառերով. և հայտէ, տարեր է տպարան, որ-
պէս զի գուշ ամենքդ ալ այդ ուղեղի փախունքը
վայելելէ չի զրկւիք:

— Լաւ, մարդուն գրքոյքը կարդացե՞ր ես, որ
այդպէս կը խօսիս. ընդհատեց Սարգիս:

— Զէ, բարեկամ, այդ տեսակ բաներ կարդալու-
չափ ալ ասլուշ չեմ դեռ. բանաստեղծութիւն չէ
անունը. հերիք է, պարզ է թէ ինչ պիտի լինի:
Չէ, շիտակը ես այդ պարոն բանաստեղծներուն
գրածներուն շատ ալ չեմ զարմանար, որովհետեւ
արգէն իրենց գլուխներն ալ բանաստեղծացած է,
ծռած է, բնականէն ելած է: Բայց ինչ ըսեմ քեզի,
որ հեղինակին աւելի նըւազ դդում չհամարւելու
համար ելեր ես այդ բոլորը քննելու:

— Ե՛, արգէն խենթ էի, որ քեզի բան հար-

ցուցի. նկատեց Սարգիս: Քալէ, քալէ, ճամբար քա-
լէ, ինչ քու պղընձէ զգացումներուդ բանն է այդ
բոլորը հասկընալը. ինչ քու հաստ գլխուդ բանն է
այդ զգացումներուն նրբութիւնը:

— Դիտեմ, դիտեմ. այդ զգացումներուն նրբու-
թեան պատմութիւնը յօդւածիդ մէջն ալ կար, մի-
նակ բարեբաղդաբար կէս մնաց: Բանաստեղծութիւնը
զգացումներ կը նրբացնէ եղեր. հա, հա, հա:
Սկսաւ խնդալ. մէկ ալ յանկարծ խնդուկը կըտ-
րեց, և վողոցին մէջ՝ կռւողի մը դիրքով՝ Սարգսին
դէմը կեցած արագ-արագ վրայ տւաւ.

— Զգացումներ կը նրբացնէ եղեր: Հերիք է,
հերիք, որքան զգացումներ նրբացուցիք: Աչքդ
շուրջդ դարձուր. դիտէ մէկ մեր ողորմելի երիտա-
սարդութիւնը. կամքէ զուրկ, վախկոս, գլուխնին
անպէտք չօռ-չօփով լեցուն, բառերով խաղացող
անբնական թուլամորթները: Ահա այդ բոլորը ձեր
դպրոցներու, ձեր լրադրութեան, ձեր վիլխոփիա-
ցութեան, ձեր բանաստեղծութիւններու պոտովն է:
Մեղք, ափսօս ձեր երկուքի ուժերուն. մէկը վար-
ժապետ է եղեր գլխուս, միւսը հասպարակախօս.
մեծ գործի վրայ էք: Կործանելու է. ձեր բոլոր
դպրոցները, ձեր խմբագրատունները. ձեր գրավա-
ճառանոցները գլխունուդ վիլցունելու է. կարելի է
այն ատեն քիչ մը շունչ առնենք. կարելի է մեր
յաջորդները քիչ մը աւելի բնական լինին, բնական
մարդու նմանին. մարդ, որ իր բնականին համե-

մատ զարգանայ մարմնով ալ, հոգով ալ. որ բնութեան իրեն տւած ուժերը չի ծռէ, չի հիւանդացնէ. մարդ լինի, մարդ:

— Ինձի նայէ, սիրելիս, ատոնք բոլոր դատարի խօսքեր են. ըսաւ Բագրատ Վասակի թևէն քաշելով: Որ մեր կրթական, լրագրական և ընդհանրապէս բոլոր ընկերական-հասարակական կազմութիւններուն մէջ լեցուն հինցած, փատած բաներ կան՝ ասոր տարակոյս չի կայ. մեր բոլորիս ջանքերն ալ այդ փատածները կտրել ու առողջով փոխարինեն է: Բայց ոչ թէ քեզի պէս ամեն եղածին անխտիր ոռքով աքացել. և հիմա քու ըսմծդ ինչ է. դրաբոցը աւելորդ է. գրականութիւնը, գեղարվեստը, լրագրութիւնը աւելորդ է:

— Այս, ոչ միայն աւելորդ, այլ և պարզապէս մնասակար է. ատոնք բոլորն ալ բնական ճամբէն դուրս են ելած. ատոնք մարդկացին զարգացման ծուռ բուսած ծիլերն են, որոնք մեր բնական զարգացմանը արդելք կը դնեն: Նեաելու է, նեաելու այդ բոլորը մէկդի: Դպրոց, ինչ յիմար բան. բառ մը, որ բնութեան օրէնքներուն դէմ կը թքնէ. աղան բացը, բնութեան ու ընկերութեան մէջ ազատ մեծնայ պիտի և պէտք է մեծնայ իր հակումներուն, իր կամքին թողնելով, ոչ թէ մեր նախագծած ծրագիրներուն, մեր փիլիսոփայական ծթռած պահանջներուն ենթարկելով. այս բոլորը դլուխդ կը մտնէ, պարո՞ն տեսուչ:

— Բրաւօ. այդչափ մանկավարժութիւն ալ կայ եղեր գլխուղ մէջ. այդ ինձի համար անակնկալ էր. նկատեց Բագրատ ժպտելով:

— Խնդա դուն. բայց ես կը կրկնեմ—այդ բոլորը, որ ձեզի հիմա այդպէս կ'ոգեւորէ, որու իրազործման համար իբրև թէ կ'աշխատիք, այդ բոլորը պարապ է, զեռօ է. սխալ է, սխալ: Առ քեզի մէկն ալ այս հրապարակախօսը. մեծ բանի վրայ է. կը գրէ ու կը գրէ. զեռ չի համոզւեցաք, որ ոչ ոք ձեր գրածին կարեւորութիւն տւող չի կայ. եթէ գրածնիդ կը կարդան՝ պարզապէս ժամանցի համար է. և վերջապէս գրածնիդ արդէն ինչ է որ. ինքնին հին, անպէտք բաներ, որ անդադար հովին կու տաք: Այսօր կ'ելնես ժամին ու տիրացուին, տէրտէրին ու թաղականին նեխած ու ճինճերած պատմութիւնները կրկնելու, հաշիւները տեսնելու, խորհրդներ տալու. կարծես զլուխնիդ դեռ չէ նատեր, որ ատոնք բոլորը անցած-գացած ժամանակներու թափթփուկներն են. թողէք իրենց հալին, մինչև որ հալին ու վերջանան: Վաղն ալ, տեսար, կ'ելնես գլխուս փիլիսոփայ կը կտրիս. բարոյախօսական խրատներ կը կարդաս, ամուսնական վէճեր կարգադրելու կ'ելնես, կը բօնքի կամ թատրոնի նշանակութիւնն բացարել կ'ուղես, ես ինչ գիտնամ. դատարկ խնդիրներ շատ: Եթէ պատահի որ գրելիք չունենաս՝ այն ատեն ալ կ'ելնես ուրիշի գրածները քննադատելու. ալ որ աւան համար արհետակից էք: Նատ ալ որ նեղը իշ-

նաս, կը նստես ինքդ բանաստեղծութիւն մը թըլխելու: Երան, առանց կատակի, քեզմէ բան մը պիտի խնդրեմ. արդեօք կարելի չէ, որ ինձի համար ալ ոտանաւոր մը գրես, ուր կատարեալ մանրամասնութեամբ նկարագրւած լինի մարսողական գործողութիւնը մէկ ծայրէն մինչև միւսը. և ի հարիէ բանաստեղծական բոլոր նրբութիւններուն ու գեղագիտական բոլոր պահանջներուն համեմատ:

— Որ ի՞նչ դուրս դայ. հարցուց Սարդիս հազիւ ծիծաղը զապելով:

— Որպէս զի դէմ անդամ մը կեանքիդ մէջ ծշմարիտ բանաստեղծութեան շիտակ ճամբէն անցած լինիս:

— Լաւ, տափակ սրախօսութիւնները մէկդի. ըստ նագրատ լրջութեամբ: Հարցի արմատին դառնանք. վայրկեան մը քեզի հետ ընդունիմ, որ մեր բոլոր ըրածը ծուռ է, մեր ամբողջ հասարակական գործունէութիւնը սխալ է. շատ լաւ. դէմ, հիմա ըսէ ինձի՝ որն է ծիշտը. մեր ըրածը սխալ է չընենք ուրեմն:

— Տեսար, հիմա հարցի ճիշտ զիսուն զարկիր. այդ տարբեր խնդիր է, և ճիշտ այդ է, որ ինձի ալ կը զբաղեցնէ: «Ո՞րն է բնական ճանապարհը». նախ այդ պէտք է ըմբռնել և ատոր համար նախ պէտք է հին նախապաշարումները բացարձակապէս վրայն վար նետել և միւս կողմէն բնութիւնը ուստամբարել. այն, նախ այդ հարցը պէտք է վիճուել:

— Ե՛, բարեկամ, դուն վիլնուըոէ. երբ որ գըտնեան մեզի ալ հեռագրէ: Սենեակին մէջ պէտք է գոցւիլ և առանց գիշերնոցը վրայէն հանելու՝ գրքերու մէջ պիտի թաղւիլ ու անվերջ պիտի վնասուել, թէ որն է մեր գործունէութեան շիտակ ճամբան: Ե՛ց, խելօք, կեանքը այդ տեսակ յիմարութիւններ չի հասկընար. ան գործ կ'ուզէ, գործ. կեանքին չես կրնար ըսեր. «կեցիր նախ մտածեմ, գտնեմ, ետքը առաջ գնան: Այդ քու ըրածդ հին ճգնաւորական գրութեան մէկ նոր վարիանտն է. այն մարդիկը գործունէութենէ ու հաճոյքէ քաշւած կը ճգնէին երկնքի արքայութեան նեղ ճամբան գտնելու համար. դուն ալ նոյն գործունէութենէն ու հաճոյքներէն զրկւած կը ճգնիս գործունէութեանդ շիտակ ճամբան գտնելու համար:

— Ճգնաւորը դուն ինքդ ես, որ հին, փոռած, հոտած կարդ ու սարքէն չես կարող զլուխդ դուրս քաշեր և քիչ մը անկախ մտածեր ու դուն ալ կապկօրէն կամ հիպնոզացած կը կրինես միւս հարիւրաւոր-հազարաւորներու ծանծաղ դատողութիւնները: Եւ որ աւելի ծիծաղելին է՝ կը կարծես թէ մեծ գործի վրայ ես, ու դեռ դղումութեամբ ալ կը հպարտանաս: Հա, հա, հա. ճգնաւոր եմ եղեր, ինչու. որովհետեւ անկախ, ազատ դատելու կարող եմ, որ միանգամ ընդմիշտ հինին, աւելորդին, ծուռին, քայլքայտածին սքացելու ուժ ունիմ մէջս և անգամ մը սիսալը ըմբռնելէս վերջը այլ ևս այդ ճա-

նապարհով չերթալու քաջութիւն կայ մէջս՝ որբան
ալ որ այս բոլորը եղած կարդերուն հակառակ լինին
անոր համար ճգնաւոր եմ, համ. խելքի տոպրակ:

—Ազատ, անկախ դատելը բոլոր եղածը ոտքի
տակ առնելուն մէջը չէ. այս անգամ մը դլուխու
խոթէ. ամեն բան անխոփիր ոտքի տակ տալը՝ հաս-
տատ սկզբունքներ չունեցող, ցրւած ուղեղի գործն է:

—Հաստատ սկզբունքներ. այսինքն մեր հնա-
րած կամ ենթադրած դոգմաները ըսել կ'ուզես.
այս, ես ատոնք չունիմ և փառք աստւածներուն:

—Ինձի նայէ, սիրելիս, կը կրկնեմ՝ ատոնք
պարապ, ուռուցիկ խօսքեր են. ինձի համար ֆակտը
այս է. դուն քու բոլոր երիտասարդութեամբդ, բո-
լոր ուժերովդ, բոլոր «ազատ ու անկախ դատողու-
թեամբդ» ոչ քեղի, ոչ ալ քու շրջապատին դրամի
մը օգուտ չունիս. պարապ, անդի՞ք մարդ ես. ահա
ֆակտը:

—Իսկ դուք մեծ գործի վրայ եք, չէ. բա-
նաստեղծ փիլիսոփաներ:

Հասած էին կամուրջի մօտերը, ուր ճանա-
պարհները կը բաժնըւէին:

—Լաւ, շարունակելի. ըսաւ Սարգիս:

Երեք բարեկամները իրար ձեռք թօթւեցին:

—Յանութիւն:

—Յը:

Բագրատ ծռեցաւ ձախ. Սարգիս դէպի աջ-

Վասակ շինակ դէպի կամուրջ: Բագրատ իր գպրոցը
մտածելով, Սարգիս իր յօդւածը. իսկ Վասակ խառ-
նըւեցաւ կամուրջ մտնող բազմութեանը մուլտալով.

—Ճգնաւոր. ես. պարապ, անգործ մարդ եմ
եղեր. ես. իսկ իրենք. խեղճեր. բայց ինչ շուն-
շանորդի ոգևորութիւն, ինչ շունշանորդի վտա-
հութիւն է իրենց ըրածնին. ինչպէս ալ պինդ փա-
կած են իրենց միջնադարեան գաղափարներուն։
մարդ հարցընէ՝ ինչ բանի վրայ են դրեր իրենց
վստահութիւնը. կոյցեր. վիլիսոփայ կապիկներ:

Զ.

Թաէւ գեռ այնքան ուշ չէր, բայց խիտ ամե-
պերէն այնպէս մթնած էր սենեեակը, որ վառարա-
րանին ու պատուհանին մէջաւեղը քանապէին վրայ
փուած Գէորգը զիրքը ձեռքէն մէկդի դրաւ ու շփեց-
աչքերը, որոնք լարւած ճիգէն տեսակ մը կը կը-
կըծային:

Ծուլութեամբ կոտըրտւեցաւ ու դարձաւ միւս
կողմէ:

Կիրակի էր. տնեցիք հիւր էին գացած. իսկ
Բագրատ գացեր էր Թորոսեանին, որ Բագրատի սի-
րելի վաճառական երիտասարդներէն մէկն էր. հոն
լինելու էին նաև ուրիշ քանի մը երիտասարդ առ-
եւրականներ, և Բագրատ կ'ուզէր հանգամանքէն
օգտախ. Ան, վերջին ատենները տաք կերպով կպեր
էր «մանկական գրքերու աժանադին հրատարակու-

թիւն» մը հիմնելու գաղափարին։ Ամեն բան կարգադրած էր արդէն, կը մնար գլխաւորք՝ դրամական հաստատ ֆոնդ մը դնել. և այդ նպատակով ալ այսօր գացած էր Թորոսեանի տունը։

Գէորգ վառարանի տաքէն թուլցած և երկար ընթերցումէն յոդնած՝ գիրքը վերջնականապէս գոցեց, նետեց պատուհանին մէջը, ու պառկեցաւ կը ունակին վրայ՝ ձեռքը գլխուն տակը դրած։

Կը մտածէր։ Նախ քիչ մը կարդացած վէպին մասին մտածեց. վերջը կամաց-կամաց անցաւ իր վէպին՝ Ելէնին՝ ու ժպտեցաւ. ինչպէս արագ կատարւած էր այդ բոլորը և ինչպէս ալ արագ անցած։

Բոցի մը պէս եկեր պատեր էր այդ զգացումը ամեն կողմէն. բուռ ուժ մը այդ երկու վայրենի սրտերը իրարու էր քաշած. բայց հազիւ իրարու զարկած՝ ոչնչացած էր արդէն ինքը՝ այդ ձգողական ուժը։ Հազիւ քանի մը շարւթներ անցեր էին այն տաք հրապոյի օրերէն, այն առաջին փոթորկու սիրոյ օրերէն՝ և արդէն անցած հանդարտած էր ամբողջ փոթորիկը։ Հիմա Գէորգ երբ իր առաջին յուղումները, ոգեորութիւնը, աղջիան իր վրայ ըրած առաջին տպաւորութիւնները կը ցիւէր՝ ինքն ալ կը զարմանար։

—Ե՛, չտեսութիւն, ուրիշ ոչինչ. կը կրկնէր ինքնին՝ փորձւած կեանքի մարդու մը հովերով։ Բագրատ, որ առաջ տեսակ մը վախ ունէր եր-

կուքի չափազանց մերձումէն, հիմա այլ ևս փոյթը չէր ըներ։ Հիմա ինքն էր, որ կը կատակէր շարունակ ու Ելէնին համար մնջանածդր կ'ըսէր Գէորգին։ Գէորգ կը ժպտէր և ուսերը կը ցնցէր անտարբեր։

—Գէորգ, շիտակ ըսէ. հարցուց անդամ՝ մը Բագրատանոր այդ տեսակ վայրկեանի մը։ Շիտակ ըսէ, այդ աղջիկը կը սիրեմ. քու զգացումներուդ խելքս բնաւ չէ հասած։

—Խելք չհասնելու բան չի կայ. սէրը ի՞նչ բան է. աղոր աղջիկ մըն է, կեանքով լեցուն. խենթ-խելօք հետը կը խօսիս, կը կատակես, կը գըլ կես, կը համբուրես. ըսէ, այս բոլորը գւարճալի չէ։ Լաւ, սիրելիս, բայց այդ աղջիկը քու զւարձութեանդ առարկան է. ի՞նչ իրաւունքով անոր հոգին կը վրդովիս։

—Ե՛, լաւ. ես անոր զւարճութեան առարկան եմ. ի՞նչ իրաւունքով ան իմ հոգիս կը վրդովէ։ Զէ, Բագրատ, կը կարծէի, թէ ես եմ մինակ միամիտը. բայց, հոգիս, դուն ինձմէ ալ խեղճ ես եղեր։

Ելէնին ինքն ալ արդէն սթափած էր։ Անոր զգացումներուն ջերմութիւնը արդէն հազիւ շաբաթ մը տեսած էր։ Աղջիկը շատ շուտով զգաց, որ իր եռացող յուղումները շատ էին շտապած. թէկ ի հարկէ եղածէն ալ մասնաւորապէս տժգոհ չէր։ Առառ, իրիկուն կատակներն ու համբոյրները իրենց սովորական կարգովը կը կրկնւէին, մինակ առաջւան

Կիրքն ու կրակը այլ ևս չի կար: Թրմաւ, աղջիկը երբեմն կը դողար, կը մարմրէր տղուն համբովներուն տակ, բայց վայրկեան մը միայն առանձին մասլը հերիք էր անոր զգացնելու համար, որ այդ նոյնը պիտի զգար, եթէ Գէորգին տեղը մէ՛ ուրիշը լինէր: Գէորգ այլ ևս շատ հասարակ կը թւէր իր աչքին: Օրինակ եթէ Գէորգի տեղ լինէր Սարգիսը, որուն աղջիկը երբեմն շատ տարօրինակ նայւածքներ կը նետէր, և կամ օրինակ Բագրատը...»

Աղջիկը սկսած էր հետզհետէ Բագրատի մասին շատ մտածել. որքան Գէորգ պարզ ու հասկանալի էր, այնքան Բագրատ անըմբը ունելի կը թւէր աղջը կան՝ իր բոլոր ձգառումներովը, իր բովանդակ կեանքովը. որքան Գէորգ շուտ ու դիւրին նետած էր իր գիրկը, Բագրատ այնքան անմատչելի էր. անմատչելիութիւն մը, որ ժպիտներու, կատակներու, անկեղծ խօսակցութեան ու խորունկ հայեացքներու պարիսպը ունէր իր շուրջը: Ելէնին կ'ըզգար, որ ինքը Բագրատին համար եղած-եղած մէկ հաշիւէ. միայն մէջէմէջ տղան տարօրինակ նայւածքներ ունէր, որոնք աղջկան սիրու դող կը հանէին ու տեսակ մը անորոշ յոյս կու տային:

Միւս կողմէն Բագրատ աղօտ կերպով կ'ըզգար, որ իր ու Ելէնիին մէջ բան մը կը դառնար: Ինքը իր կողմէն շատ կարեորութիւն չէր տար աղջկան. բայց վերջապէս գիտակցիլը, թէ աղջիկ մը քեզմով է զբաղւած, այն ալ Ելէնիի պէս տաք ու բոցու

աղջիկ մը, որուն համար բոլոր իր ընկերները խենթ կ'ենէին, Բագրատին փափուկ հաճոյք մը կը պատճառէր: Եւ նոյն իսկ այդ պարագան, որ բոլոր այդ աղջիկով կը հետաքրքրւէին, Բագրատին վրաց ազգեցութիւն կ'ընէր, և ան ակամաց կը մտածէր. «Երեխի իրաւ չափազանց հաճոյալից է լինելու այդ անպիտանին գգւանքները»: Նոյն իսկ տեսակ մը վայրոյթ կ'ըզգար վերջերը, երբ իր ներկայաւթեանը Գէորգ աղջիկը կը համբուրէր: Այդ տեսակ դէպքերէ վերջ երկու տղոց մէջ մօտաւորապէս հետևեալ խօսակցութիւնը կը կրկնըւէր:

— Իր սենեակը գնա ու ինչ կ'ուզես այն ըրեւէ. կ'ըսէր Բագրատ:

— Եղբայր, քեզի ինչ ըրած ունինք:

— Ի՞նչպէս թէ ինձի ինչ ըրած ունիք. ես քարի եմ շինածած:

— Հա, ախորժակի կը բանանք. կը քրքջար Գէորգ: Եղբայր, գնա ալ հրամմէ, ես չեմ նախանձիր, հոգս մի՛ ըներ:

— Ֆույ. այդ տգեղ կատակ է, Գէորգ:

Աղջիկը տաք-տաք խօսած այդ պստիկ վէճերը դուրսէն կը լսէր. թէւ հայերէն բան մը չէր հասկընար, բայց կարծես կը գուշակէր: Ու Բագրատի դէմ նոյն պատկերները յաճախ կը կրկնըւէին: Գէորգ ինքզինքը արդարացնելու համար ամեն անդամ կը կրկնէր ծիծաղելով.

— Ե', ի՞նչ ընեմ, որ աղջկան պատնիլը քու դիմացդ կը բըռնէ: Եւ նոյն իսկ այսօր առաւօտ էր, որ նորէն կը համբուրւէին, երբ Բագրատ համբերել չկարողանալով՝ զրիչը վար նեաեց ձեռքէն, ցատկեց ուղիու երկուքի ալ Շեէն բոնած՝ սենեակէն դուրս հրել կուզէր:

Աղջիկը թեւը ազատեց տղու ձեռքէն, խորոնկ ակնարկ մը նետեց անոր աչքերուն ու յաղթական շեշտով մը —

— Հ'լ. կը նախանձիս, ըստւ, մատը վերան թօմեց, նորէն փաթթը լեցաւ Գէորգին ու սկսաւ հնչիւն համբուրել:

Բագրատ չի կրցաւ իր ծիծաղը զսպէ. անոնք ալ ծիծաղեցան. ու սիրուն պատկեր մը մէջտեղ ելաւ. ծիծաղկոտ համբուրւող զոյգ մը, որ ծիծաղկոտ դէմք մը ծիծաղով դուրս կը վըռընտէր:

Գէորգ քանապէցին վրայ երկնցած առաւօտեան այս տեսարանը իր աչքերուն դէմ պատկերացուց ու սկսաւ նորէն բարձրաձայն խնդալ:

Բայց յանկարծ ծիծաղը քարացաւ իր շրթունքին, ետքը դէմքին մկունները թուլացան ու խիստ խոժուն նայւածք մը առաւ: Առաւօտեան մտաթերումը յանկարծ անոր ցիշեցուց այն աղտոտ խանը, բեռնակիրներու այն խոնաւ սենեակը, ուր գացած եր առաւուն անոնց հետ մէկ-երկու լրագիրներ կարդալու: և այդ արտասահմանէն եկող լրագիրները ի՞նչ լու-

րեր կուտային. անվ, քոլերա, գաղթականութիւն, սպանութիւններ, պղծումներ. ամբողջ ժողովուրդ մը ինկած երեսի վրայ, ուրկէ ամենքը իրենց ձեռքը քաշեր են. միայն տառապանքն է, որ իր թաթերուն բոլոր ծանրութիւնը խեղճի թիկունքին է ցինած: Գեորգ սկսաւ մէկիկ մէկիկ ցիշել այն բոլոր քստմնելի նկարագրութիւնները, թէ լրագիրներու, թէ իր հայրենակիցներուն ստացած մասնաւոր նամակներունը. ցիշեց բեռնակիրներուն դէմքերը, անոնց արտասահմած վշտի ու ցասուկի անէծքները. մտաթերեց և իր խօսքերը ու դուզաց...

Հան իմիններս կեղեքման ու յուտահատութեան մէջ. ես հաս տաքուկ սենեակին մէջ աղջիկներու մասին կ'երացեմ. մրմնջեց քանապէին վրայ նստելով: Ս'յս էր իմ երևակայածը. ես այսպէս կը մըտածէի իմ մասին. այսպէս կը խօսիմ ես ուրիշներուն. դեռ այս առարու էր, և ես ինչեր կը պահանջէի. վատութիւն, ստորնութիւն է այս:

Ու ձեռքերով դէմքը ծածկեց: Մելամաղձոտ տրտութիւն մը եկաւ վրան, տեսակ մը յուտահատութիւն, իր եսի ոչնչութեան զգացում մը, որ քիչ-քիչ սկսաւ թուլնալ, ու միայն անորոշ տիրութիւն մը մնացած էր վրան, երբ լսեց, կարծեաքունի մէջէն, որ դուրսը բանալիներ գարձան, քըրքիջներ լուեցան ու դռներ սկսան բացւիլ ու դոյցւիլ:

Պահ մը վերջը իր սենեակի դուռն ալ ամուր
մը բացւեցաւ, ներս մտաւ Բագրատ անհանդիսա
շարժումով մը, նետեց գլխարկն ու վերարկուն ան-
կողնին վրայ՝ պոռալով.

— Ի՞նչ ես մութ տեղը շընթըռկեր. լոյսը չի
վառես:

Գէորգ ցընցըւեցաւ. նայեցաւ շուրջը.

— Հսկ թող վառեն. ինչ է պատահեր. հար-
ցուց անտարբեր:

— Ինչ է պատահեր. չգիտեմ. այդ մարդիկը
ուղեղ չունին. բան հասկընալ չգիտեն. պարզ առ-
ևտրական հաշիւ մըն է. կը բացարեմ, ցոյց կու-
տամ օգնութը, շահը. ունչ, գլուխնին չի մննիր. ես
վազ անցայ բոլոր բարոյական ու չգիտեմ ինչական
օգուտներ. թող պարզ շահի աղբիւր նկատեն. իրենք
ալ արդէն վաճառական չեն. թոքերս պատուեցաւ
նոյնը կրկնելէն. ուհ, որ կը մտածեմ՝ ճաթելու կու-
դայ. ինչ փայտ գլուխ մարդիկ. և ատոնք երիտա-
սամրդ են, հա. քանի ըստակ կ'ընէ երիտասարդը
առանց ձեռներէցութեան, յանդինութեան. հովէն
դողացող, անվստահ, կասկածոա, թու. ատոնք ալ
մարդ են խրտւիլակ:

— Այս. կմկմաց Գէորգ բոլորովին ցրւած:

— Մէկը ելաւ թէ դեռ կանուխ է այդ տեսակ
գործի ձեռնարկելը. միւսը թէ արդէն ժամանակը
անցած է. դդում մըն ալ ելաւ, թէ մենք արդէն
մանկական ընթերցանութեան գրքեր շատ ունինք,

դեռ ատկէ առաջ մտածելու ուրիշ շատ բաներ կան.
մը մէկը ըսեմ. կը համոզէմ, կը բացարեմ, կը շեշ-
տեմ իրենց ստանալիք նիւթական օգուտը: Այսո,
կ'ըսեն, բայց անյարմար էս: Մէկն ալ յանդինեցաւ
երեսիս ըսելու, թէ դուք վարժապետ մարդ էք,
հաշիւներէ ինչ կը հասկնաք. տեսականին մէջ ասոնք
սիրուն են, բայց գործնականի մէջ զեռօ. գանգիս
մէջտեղէն ճաթելս եկաւ: Ես շուտով նկատեցի, որ
այս բոլորը պատճառանք են պարզապէս, և որ
անոնք իրենց քանի մը ոսկիները վտանգի ենթար-
կելէ կը վախնացին. ալ չի կրցաց ինքզինքս զսպիր.
չեղուս բացի ու վերէն վար լւացի. անոնք ապուշ-
ապուշ երես կը նայէին. մէջերնէն մէկը կարծեմ
ուզեցաւ բարկանայ. Թորոսեանը մէջ նետւեցաւ ու
գործը կատակի զարկաւ. այս միջոցը ուրիշներուն
ալ յարմար եկաւ, ամենքը սկսան կատակներ ընել,
իրեւ թէ իմ խօսքերս ալ կատակի տեղ ընդունե-
լով. թու, զզելի էր. չի կրցաց այդ կեղծիքին դի-
մանալ. ձգեցի, դուրս նետւեցայ ու զայրոյթէս
չգիտեմ ինչ ընեմ:

— Հը՛ը՛մ:

— Ուհ, Աստւած իմ, գլուխս կ'այրի:

Քաշեց զանգամկը ու լւացւելու ջուր կընդ-
րեց:

Օգիւտան ջրի ճերմակ փարչը ձեռքը ներս
մտաւ ժալտելով: Բագրատ կ'ուղէր ձեռքէն առնէ՝
աղջիկը չտւաւ և ինքը սկսաւ լեցնել տղու ձեռ-

Քերունա բայց անդադար խաղալով մէկ քիչ և եր-

բեմն ալ երկար սպասցընել կուտար:

— Օգիւստա, խաղի տրամադրսւթիւն չունիմ:

ըստ Բագրատ լրջութեամբ:

Աղջիկը մանկական հնչիւն ծիծաղով մը պա-

տասխանեց ու նորէն իրը շարունակեց:

— Բայց վերջ տուր, կ'ըսեմ քեզի. սաստեց

տղան խստութեամբ:

Աղջան ժպիտը սառեցաւ. կարմրեցաւ, գու-

նատեցաւ, ջրի փարչը դրաւ վար ու դուրս սպըր-

դեցաւ:

Բագրատ հազիւ էր չորցեր ու բարկութեամբ

սենեակին երկայնքովը կ'երթեեկէր իր մտածումնե-

րուն մէջ թաղւած, երբ ներս եկաւ տիկինը:

— Պարոն Սուրեմեան, ինչ է պատահեր. Օգիւս-

տացին բան մը ըրիք:

— Օգիւստացին. ես. ոչինչ,

— Զգիտեմ, ներսը կուլայ. բոլոր հարցումնե-

րուս միայն ձեր անունը տւաւ. գացէք, տեսէք

անգամ մը ինչ է:

Է.

Բագրատ տարակուսանքով դուրս ելաւ ու բադ-

խեց միւս սենեակին դուռը:

— Մտէք:

Բագրատ բացաւ ու սեմի վրայ կանգ առաւ:

Բաց դաշնակի առաջ դաշնակի աթոռակին

վրայ նստած էր Լուիզը և անոր ծունկերուն մէջ

կէս մը գետինը, կէս մը անոր գիրկը ինկած էր

Օգիւստան և, դէմքը թաղած քրոջը ծոցին մէջ,

ջղաձգօրէն կուլար:

Լուիզ երբ Բագրատը տեսաւ, ոտքի ելնելու

շարժում մը ըրաւ ու կարեկցոտ ձայնով մը հար-

ցուց.

— Պարոն Սուրեմեան, այս խենթը ինչո՞ւ կուլայ:

Այդ երկու քրոջ պատկերը, Օգիւստայի հեծ-

կըլառուքը, Լուիզի անուշ-քննող հայեացքը դաշն-

ամուրի մոմերուն կէս լոյսին մէջէն մեծ ազդեցու-

թիւն ըրաւ Բագրատի վրայ:

Բագրատ երկու քայլ ըրաւ, մօտեցաւ աղջիկ-

ներուն, ծուեցաւ ու փորձեց Օգիւստայի գլուխը

քրոջը կրծքէն բարձրացնելու: Աղջիկը ընդդիմա-

դրեց, ու Բագրատի ձեռքը սեղմեցաւ Օգիւստայի

ճակտի ու Լուիզի ծծերուն մէջ: Բագրատի ձեռքը

դողաց, և կարծես վախնալով ետ քաշել ու զեց,

բայց չքաշեց:

Գուք ասոր բան մը ըրեր էք. կրկնեց Լուիզ:

— Խնքս ալ չգիտեմ. եղաւ պատասխան:

Յանկարծ Օգիւստան գլուխը ետ առաւ քրոջը

ծոցէն, և արցունքի մէջ լոզացող դէմքը Բագրատին

դարձնելով՝ կըտրբաւող ձայնով մը հեծկըլաց.

— Զգիտէք. ես ձեզի ինչ ըրի, որ ինծի այն-

ոկէս յանդիմանեցիք:

Բագրատ խղճահարւեցաւ այդ աղւորիկ էակը

իղուր տեղը վշտացուցած լինելուն համար. արդէն այսօրւան յուզումէն ջիղերը բոլորովին թուլցած՝ ինքն ալ ծունկի եկաւ աղջկան քովը. յուզւած դէպի իրեն քաշեց անոր դլուխը ու սկսաւ համբուրել անոր արցունքո՞ւ այտերը՝ կրկնելով.

Մի լար, մի՛ լար, սիրո՞նս. ներէ. ուրիշ բանի վրայ սիրաս նեղացած էր:

Աղջիկը առանց արտասւելէ դադրելու՝ դլուխը յենեց բագրատի ուսին:

— Բացց մի՛ լար, հերիք է. կ'ըսէր տղան:

— Ախ չեմ կարող. կակաղեց աղջիկը: Միայն այլ ևս բարկանալուդ համար չէ, որ կուլամ: աւելցուց արցունքի տակէն ժապաելով:

— Թողէք, որ հանդսատանայ. մէջ ինկաւ քոյրը՝ բագրատի գրէն աղջկան դլուխը հեռացնելով:

Բագրատ նայեց ու լուիզին. անոնց աչքերը իրարու հանդիպեցան. աղջիկը աչքերը փախցուց: Այդ աչքերու փախուսոր նորէն տեսակ մը ցնցում տւաւ բագրատին:

Ելաւ ոտքի ու դուրս ելնել կ'ուզէր, երբ Օգիւսան աշխոյժ շարժումով մը ցատկեց ոտքի, փաթթւեցաւ տղուն՝ հծծելով.

— Ո՛չ. ես ալ հետդ սիխտի դամ:

— Եկներ. ըսաւ ան. ու կէս մը գրկւած միամին սենեակէն դուրս ելան:

Լուիզ նայեցաւ ետենուն. երբ անոնք հեռացան՝ պահ մը նոյն դիրքով աչքերը դուան անշարժ

մնաց. շրթունքները երերացին, կարծես բան մը ըսաւ. յանկարծ «Է» բացականչեց, դարձաւ դաշնակին ու սկսաւ ամուր-ամուր նւազել:

Իսկ բագրատ՝ աղջկան փաթթւելած՝ հազիւսքը իր սենեակին ներս դրած էր, երբ քանապէին խորերէն սոսկալի քահքահ մը փրթաւ, որ ամբողջ սենեակը լեցուց.

— Եկներ, եկներ նայինք, խելօք պարոնս. ի՞նչ եկեր բարկութիւնդ խեղճ աղջիկներէն կ'առնես:

— Սարգիս, դմւն ես: — Հրամանոցդ ծառան. ի՞նչ ըրիր նայինք ընկերութեանդ ֆոնդը. անշուշտ վերջացուցիր, ի՞նչ ըսել կ'ուզէ:

Ելէնին լոյսը բերաւ: Բագրատ առանց պատասխանելու նստեցաւ բազկաթոռին մէջ ու մասձկու սկսաւ աղջկան մազերը շոյել:

— Է՛, չի պատասխանես. հարցուց Սարգիս ու սկսաւ նորէն ինդալ: Լաւ, լոէ դուն. Թորոսեանին

կու զամ. պատմեց քաջագործութիւնդ: Սիրելիս, ինչու քիչ մը փորձւածներուն ականջ չես դներ. այդ մարգիկներէն մեզի օդուտ չի կայ: Այդ մարգիկը ոչ այն դլուխը ունին քու ըսածներդ ըմբռնելու, ոչ ալ այն սիրով՝ գէթ առանց լաւ ըմբռնելու զոհողութիւն մը ընելու:

— Ո՛չ, ես զոհողութիւն չեմ ռւզեր. շահ, շմհ, իրենց շահը:

— Զոհողութիւն՝ անոնց համոզումով. ոչ ալ
այնչափ յանդգնութիւն ունին հասկընալէն վերջը
գործի ձեռնարկելու: Անոնք քեզի պէս նորութեան,
յառաջդիմութեան, փոփոխութեան սիրահար չեն.
անոնք ամեն նորութենէ այնպէս կը վախնան ինչ-
պէս մուկը կատուէն. անոնց ձգի, որ իրենց հայ-
րերու ատենը տեսածը կրկնեն ու կրկնեն:

— Բայց, բարեկամ, ժամանակը այլ ևս իրենց
հայրերու ժամանակը չէ:

— Ե՛, այդ փիլիսոփայութիւններդ որու կը
հասկըցնես:

— Բայց, եղբայր, եղածը իւրաքանչիւրի հա-
մար քանի մը տասնեակ ոսկիի խնդիր է միայն.
մէջտեղ բարդ հաշիւներ ալ չկան:

— Այդ միևնույնն է. տասնեակին հարիւրեակին
անցնիլը դիւրին է. առաջին քայլն է դժւարը: Ե՛,
ալ այսօրւընէ քիչ մը կը խելօքնաս, չ՞: Դիտես,
քեզի անցեալ օր ալ այնքան լսի, որ այդ մարդոց
օձիքը բաց ձգես, որ անոնք այդ տեսակ գործերու
համար ստակ տըւող չեն. իսկ դուն ինձի ե՛, դուն
ալ Պոլսեցի ես դարձեր. թուլամորթ, առանց փոր-
ձելու ոչինչ չի յաջողիր» կ'լսէիր. դուն, կը շնորհա-
ւորեմ փորձը:

— Իմ՝ սկզբունքս նորէն նոյնն է. առանց փոր-
ձելու ոչինչ չի յաջողիր. միայն այսօր պիտի աւել-
ցընեմ առանց անյաջողութեան ալ ոչ մի փորձ չի
յաջողւիր:

— Գուն դեռ յոյսդ կտրած չեմ:

— Ամենեմ:

— Մարդու գլուխը կամ դատարկ տակառ լի-
նելու է, կամ քուկինիդ պէս քամիներով լեցւած, որ
այսօրւան փորձէդ եաքը նորէն այդ փորձը կրկնելուզէ:

— Ի՞նչ ըսել կ'ուզես. եթէ գործ տեսնել կ'ու-
զենք՝ մաքառինք պիտի, աշխատինք պիտի, գլուխ
պիտի հանենք. ոչ թէ կէս ճանապարհին ետ քաշ-
ւինք, կամ նոյն իսկ դեռ գործի չսկսած, մտածե-
լով որ անկարելի է. այդպէս դատելով է, որ մինչև
հիմա ոչինչ չենք շինած:

— Գործէն ձեռք վերցուր չեմ ըսեր քեզի. մի-
այն հիմակուհիմա այդ հաստատ ֆոնդէն վաղ
անցիր:

— Լաւ, ըսենք, նախնական ծախքերը կերպով
մը գոցել կրնանք. բայց այն ատեն թարգմանիչ-
ները, հեղինակները ինչով պիտի վարձատենք քիչ-
շատ. Ուփորի օդովը:

— Ճիշտ իմ ըսածիս եկար. առայժմ այդ վար-
ձատրելու խնդրէն ձեռք վերցնելու է:

— Բայց մի մոռանար, որ այդ աշխատաղները
գրեթէ բոլորն ալ խեղճ մարդիկ են, մեծ մասով
ուսուցիչներ:

— Այս. բայց գործի յաջողութեան համար, ով
որ կրնայ, պէտք է զոհողութիւն մը ընէ: Եւ այդ
ալ առժամանակ մը միայն. մինչև որ գործը իր
սեփական ոտքերին վրայ կենաչ:

— Հիանալի՞ տրամաբանութիւն. Փույ, այդ հոսած գաղափարներէն, տես, զեռ դուն ալ չես աղատւած. հասարակութեան մէկ անհատը ոչինչ չունի, կարօտ է, խեղճ է. բայց ի՞նչ ընենք, աղդասիրաբար պէտք է աշխատի աղգին գործերուն ձրիաբար. իսկ անդին միւսները հարուստ են, հանգիստ. բայց որովհետև անոնք չեն բարեհամիր հասարակութեանը որ և է կերպով պէտք գալ, անոր համար ալ ձեռք պիտի չի տանք անոնց: Մէկէն պահանջենք, որովհետև արդէն ձեռքէն եկածը կ'ընէ. իսկ միւսը հանգիստ ձգենք, որովհետև ոչինչ չընէր և ընելիք ալ չունի. համ:

— Այդ բոլորը ես ալ գիտեմ. միայն առաջինն ները որովհետև զործը կ'ըմբռնեն՝ կրնանք զոհութիւն մը ընել տալ. իսկ երկրորդները քանի որ...

— Պատճառը ի՞նչ կ'ուզէ լինի. ինձի համար ըսածներուդ եղրակացութիւնը միշտ նոյն է. «Որ ունիցի՝ տացի նմա, և որ ոչ ունիցի՝ բարձցի. ինմանէ». այս է ըսածդ՝ որ կողմ՝ որ դառնաս:

— Ի՞նչ ընենք, սիրելիս, աշխարհք այդպէս է:

Բագրատ կամաց մը աղջիկը գիրկէն հեռացուց, ոտքի ելաւ, եկաւ կեցաւ շիտակ Սարգսի դէմը ու պատասխանեց.

— Ոչ, աշխարհք այդպէս չէ. միայն մենք մարդիկս այդպէս կ'ընենք. մեր օրէնքները, մեր հազիւ զարգացման ճամբան գոտած քաղաքակրթութիւնն է, որ այդպէս կ'ընէ: Այս, քանի մը անհատներուն

ձեռքը ստակը քոլերայի բացիլին պէս կ'աճի, մինչ հազարներու կեանքը դժուկը կը դառնաց. իրաւ, այս իրողութիւն է. բայց ի՞նչ, մի՞թէ պիտի այդ դաւանանք շինենք, մի՞թէ պիտի ընդունինք, «որ այդ է աշխարհքի բնական ընթացքը. դուն չես համոզւած, որ այս բոլորը փոխանցման շրջանի մը մէջ է, հին կեանքին ու նորին մէջ, որ արդէն սկսած է իր գարնան ծիւերը արձակել. զուն չես հաւատար մարդկացին նոր, մե՛ծ վերածնութեան դարին...»

— Նորէն բըսընկեցաւ մեր լուցկին: Լաւ. ըսենք թէ երբ այդ ապագան գայ՝ կը փոխւին պայտմանները. բայց հիմա որ գետ փոխւած չեն...

— Գործենք, ինչ որ գիտենք թէ սխալ է, համարունակենք Սարգսի կէս-ձգած նախադասութիւնը:

Եւ պահ մը կարծես պատասխանի սպասելէն վերջը՝ շարունակեց.

— Եթէ ամեն մարդ այդպէս մտածէ՝ երբէք այդ ապագան չի գար. այդ ապագան մենք պիտի ստեղծենք:

Սարգիս ժպտեցաւ. Բագրատ շարունակեց.

— Մէնք պարտական ենք ամեն վայրիեան ձեռքերնուս եկածը ընենք հինը բարեփոխելու, քայլ մըն ալ նորին մօտենալու համար: Ամեն թուլութիւն ու դանդաղկոտութիւն յանցանք մըն է ժամանակին դէմ, որ նոյն ժամանակին ձեռքով ալ անպատճառ կը պատժըւի:

— Աղէկ, թռղ այդ փիլիսոփայութիւններդ ու
ինծի ըսէ տեսնեմ, ի՞նչ ես մտադիր հիմա ընելու:
Զկարծեմ որ ոստիկանութեան ձեռքով անոնցմէ
բռնի ստակ առնել մտածես:

— Ոստիկաններէն աւելի կարող ոստիկաններ
կան մարդու վրայ:

— Նորէն փիլիսոփայութիւն. օրինակ:

— Օրինակ, ձանձրո՛թ, ամօ՛թ, նախանձ, ոգե-
ւորութիւն, մագնիսացում, հոսանքի ենթարկում:
ալ կուզես.

— Իրաւ, որ չեմ հասկընար լեզուդ:

— Մէկին կարելի է ամէցցնել, միւսին ոգեւո-
րել, երրորդը ձանձրացնել, չորրորդին իր դրացին
օրինակ տալ, ու գործը առաջ քշել: Արդէն ես այս-
օր նկատեցի, որ միջերնին մէկը շատ ազդեցաւ.
Թորոսեանը արդէն մերինն է. կարելի է մէկ երկու
հատ ալ ճարել. ու գործը եփեցաւ:

— Եւ դուն կը կարծես, որ այդ կերպ սկսած
գործը առաջ կ'երթայ. առանց ոգեւորութեան,
առանց հաստատ գիտակցութեան:

— Դուն ինքու ըսիր, որ գործը անգամ մը
սկսելը դժւար է. եթէ այդ մարդիկը անգամ մը
տեսնան, ոչ ոչ միայն տւած ստակնին չկորաւ, այլ
և մէջը իրաւ շահ մը կայ՝ իրենք ալ կ'ազդեին:
Մենք հիմա այն տեսակ վիճակի մը մէջ ենք, որ
ամեն բան բնականին հակառակ ծայրէն սկսելու
ենք. փոխանակ գիտակցութենէն, կամքէն գործ յա-

ռաջացնելու, պիտի աշխատինք կատարւած գոր-
ծէն դոնէ կամք ու զիտակցութիւն առաջաց-
նենք:

— Հոգիս, ատոնք և ընդհանրապէս բոլոր
ըսածներդ սիրուն խօսքեր են, բայց չեն յաջողւիր,
անիրագործելի են:

— Իրագործելի են, թէ ոչ այդ օբեկտիւ կեր-
պով դատելու կարողութիւն չունինք մենք: Միայն
մյս ըսէ ինծի՝ քու համոզումովդ այդ բոլորը ճիշտ
է, շխամի է:

— Անտարակհյու. այդ ամենը իւրաքանչիւր
մարդու գլխի մէջն ալ կայ քիչ կամ շատ:

— Եթէ առոնք ճիշտ են, եթէ առոնք ամեն
մարդու գլխին մէջն ալ կան, ուրեմն առոնց համե-
մատ ալ պէտք է դործենք. իսկ ով որ իր գլխին
մէջ եղածը իրագործելու չաշխատիր՝ անազնիւ
մարդ է ան, կամ առնւազն անպէտք մարդ:

— Ե՛, սիրելիս, շատ սուր կը խօսիս. քանի մը
տարի դեռ եփւելու ես կեանքին մէջ:

— Այսինքն, խաշած մսի պէս, մէջա եղած բո-
լոր սննդարար, կենսատու նիւթը դուրս տալու եմ
ըսել կուզես:

— Ո՞չ. նորէն չափազանցում. այլ միայն քիչ մը
աւելի դրականանալու եա:

Բագրատ արհամարանքով ուսերը ցնցեց:

թ.

Խոնաւ ու ցուրտ գիշեր մըն էր:

Թէւ հազիւ էր արելը մայր մոեր, բայց շուրջը
կէս գիշերւան պէս մութ էր:

Պերայի կողմնակի նեղ ու տղմոտ քանի մը
փողոցներ անցնելէ վերջ՝ բագրատ զարկաւ բարձր
տան մը դուռը: Դուռը բացւելու կուշանար. տղան
անհամբերութենէն ոտքը գետին կը տոփէր ձիու պէս:

Դուռը ի վերջոյ բացւեցաւ. բագրատ արագ
քայլերով սկսաւ բարձրանալ ոլորուն սունդուղէն
վեր. այս վերելքը բաւական երկար տեսց: Շնչա-
սպառ ու հոգնած կանգ առաւ վերջապէս դռան մը
առջեւ. կամաց մը հրեց ու ներս մոտաւ:

Փոքրիկ սենեակ մըն էր, անկողինը տրորւած,
աթոռները խառնակ ու ամենուն վրայ հագուստի
կտոր մը. ասդին, անդին կօշիկներ, վրձիններ, պա-
տըռտած թղթի կտորներ, ճմոթքած թերթեր,
կէսը բաց մնացած մարդակազմութեան քարտեղ մը.
վառարանին մօտիկ սեղան մը գրքերու ու լրադիր-
ներու կոյտի մը տակ թաղւած. իսկ ատոնց բոլորի
վրայ ինկած երիտասարդ մը, որ նստած կը կար-
դար՝ լայն վերարկուին մէջ պինդ մը փաթթւած:

Դուան թեթև ճռճռոցը կարդացողի ուշադրու-
թիւնը գրաւեց. ետ դարձաւ կամաց մը ու թեերը
պարզեց. կարծես նորեկը գրկել կուղէր. բայց իս-
կոյն բացաւ բերանն ալ, խորունկ մը յորանջեց,

պինդ մը կոտըրուեցաւ և յանկարծ մէկ ոստիւնով
ցատկեց ոտքի ու կեցաւ հիւրին առջեւ, որ դռան
մօտը կեցած կը ժպաէր:

— Ի՞նչ քարդացար. վրայինդ չհանես: Ե՛, աղէ՛
որ եկար. սիրաս սկսել էր նեղանալ. երևակայէ.
աչսօր տունէն դուրս ելած չունիմ. մինչև հիմա
կը կարդայի. վերին աստիճանի հետաքրքիր:

— Կարդացածդ ի՞նչ է:

— Նոր բնագիտական երկ մը. «Կենդանիներու
հասարակական կեանքը». շունշանորդի. կենդանիներ
կան, որոնք մեզմէ շատ աւելի խելօք հիմքերու վրայ
են դրած իրենց ընկերական յարաբերութիւններու
շէնքը:

— Աղէկ, մ. գնա անոնց հասարակութեան մէջ
մտիր:

— Այն, ի՞նչ գիտացար. ոչ միայն ես, գմւն ալ
ամենքն ալ այդ հասարակութեան մէջ պիտի մըտ-
նինք օր մը:

— Վայ. այդ գիւտը նոր ես ըրեր:

— Ինձի նայէ. կենդանական կեանքի միակ ու
բոլոր ձգտումը իր ու իր սերնդի տեականութիւնը
ապահովելն է. բայց մենք՝ մարդ-անաստուններս, որ
ամենազարդացածը լինելու հաւակնոտութիւնը ու-
նինք, մեր զարգացած ուղեղէն այն տեսակ պայ-
մաններ ենք ստեղծեր, որ նոյն իսկ մեր գոյութեան
խորհուրդը ոտքի տակ կուտանք. մեր ըրած ամեն-
քայլը սխալ է. մեր վարչական կազմակերպութիւն-

ները, մեր անտեսական յարաբերութիւնները, մեր ընկերական նիստ ու կացը, նրը, նրը բնական շաւղին մէջն է. ամենքն ալ մեզի դէպի կորուստ, դէպի մեր սեռի կործանումը կը տանին. մենք ոչ միայն դրականութիւնը հիւանդոտ երևակայութեան արդիւնքը եղող բանաստեղծութեան ենք վերածեր, այլ նոյն իսկ մեր կեանքը: Մենք, պարզ ու բնական կեանքի ընթացքը թողած՝ ուղեղնիս կը չարչարենք ու իր ուժերէն վեր բաներ արտադրել կը պահանջենք. է. խեղճ ուղեղն ալ ինչ ընէ. երբ կովին ծիծը շատ կթես՝ կաթի փոխարէն արիւն կուգայ:

— Օ՛Փ, ձգէ, Վասակ. քու բնագիտական անվերջ քարոզներդ ամբողջ օրը ինչ գուլսի կուռեցնենք հերիք է. ելայ քեզի եկայ, քիչ մը կը բացւիմ ըսի. դուն ելեր ես զլիսուս գայլի աւետարան կը կարդաս: Պայրոցը ինչ գլուխ կը ցաւցնենք բաւական է:

— Տեղն է. քեզի ով ըստ այդպէս յիմար գործերու մէջ մտնես: Բայց, ներէ, մոոցայ, որ յիմարներէն ամենէն մեծը գուն ինքդ ես:

— Նորէն բերաննիս աւրեցինք:

— Բագրամ, ձեռքէս որ դայ քեզի բզիկ-բզիկ պիտի ընեմ. դուն, որ իբրև թէ խելօք հասկըցող երիտասարդ ես, էականը թողած երևակայական բաներու ետևէն կը վազես, հապա միւս խեղմէրը ինչ ընեն:

— Այսօր նորէն քրիզիսիդ օրն է. հասկցած ցաեսութիւն:

Գլխարկը առաւ, որ զուրս ելնէ: Վասակ վազեց գէմը, գլխարկը խեց ձեռքէն, նետեց անկողնի միւս ծայրը, Բագրատը բունի աթոռին վրայ նասեցուց ու առանց անոր թեւը բաց թողնելու՝ շարունակեց.

— Բագրամ, եկնւր ինծի լսէ, դուրս թափէ գլխէդ այդ յիմարութիւնները. ես քեզի չնորհքով մարդ մլրաեմ:

— Մկրտէ, նայինք. ըստ Բագրատ ժպտելով:

— Հա. դէմ, ուրեմն լսէ ինծի հետ հրաժարիմքը: Հրաժարիմ ի գպրոցէ և յամենայն յիմարութեանց նորա. հրաժարիմ յիդէալէ և յամենայն զեւզեկութեանց նորա. հրաժարիմ ի բանաստեղծական ցնդաբանութիւններէ, յանուրջներէ և ի յօդւածներէ. ի...: Ե՛, չըսմէս:

Բագրատ սկսաւ ջղաձգօրէն իննդալ:

— Ապնւշ, մարդ գառնալիք չունիս. եզրակացուց Վասակ: Գլխիդ մէջ այնքան աւլուկ-թափուկ բաներ ես լեցուցեր, որ չնորհքով գաղափարի այլ ևս տեղ չէ մնացեր:

— Ինծի նայէ, ազւնը Վասակս, իրաւ գլխուս մէջ քու այդ չնորհքով գաղափարներուդ տեղ չի կայ. բայց հաւտուն, որ ստամբքսիս մէջ ահագին տեղ կայ քու Ռուսաստանի թէցիդ ու խաւեարիդ համար. դէմ, շնւտ, գործ տես:

Վասակ իսկոյն ոգիի լամպը վառեց, թէյամանը դրաւ վրան. բերաւ քանի մը մանր-մունը ուտելեզններ ու հագրատի ուզած խաւեարը:

Ծամելիքները իրենց դերին մէջը մոտան. և ըստ երեսութին կատարեալ լրջութեամբ. բաւական երկար երկուքն ալ լուռ էին:

Վասակ յանկարծ այդ լուռութիւնը մէկնէնիմէկ ընդհատեց.

—Նիտակ ըսէ, Բագրատ, մինչւ հիմա քանի՞ աղջիկ սիրած ես. ով գիտէ՝ գուցէ սիրած ալ չես:

—Ի՞նչ հարցում է այդ: Քանի մը անգամ կարծեր եմ թէ սիրած եմ. սակայն երկար տեած չէ. զգացումներու գրգռում մը, որ անցած է արագ. խորոնկ, ամբողջական զգացումներու ցնցումը դեռ ունեցած չեմ:

—Ե՛, ես քեզի այդ չեմ հարցներ. քու ծըթուած, բանաստեղծական հիւանդոս զգացումներուն հետ ես գործ չունիմ. իմ հարցուցածս բնական, ֆիզիքական, առողջ սիրոց մասին է: Տես, է. շուտով քսանընինդ տարեկան պիտի լինիս. ուժերուդ գագաթնակէտը. և ուժերդ իր նպատակին չես ծառայեցներ. հրէշութիւն է այդ պարզապէս:

Բագրատ թեթև մը կարմբեցաւ. ու չի պատասխանեց:

—Ահա, այդպէս էք դուք, իգէալիստ ապուշներ: Մարդիկ անօթի «հաց, հաց» կը պոռան երեսնուդ. դուք անոնք իգէայներով, բանաստեղծու-

թիւններով, բարոյական քարոզներով, աստւածաբանական տափակութիւններով, անձներութեան ու ինքնազրկման անբարոյական խրատներով կը կերակրէք: Մարդիկ ամեն կողմ բնութենէն խթւած «սերել, սերել» կը կրկնեն. դուք անոնց լսածը կը ծուէք, «սիրել, սիրել» կը ծամածուէք, զգացումներու նրբութիւններ կը հնարէք. ճաշակագիտական, իդէալական նախապաշարումներ կը փաթթէք խեղճի գլխուն. կրօնական առատառոց օրէնքներն ալ մէջքին կը կապէք, կը կաշկանդէք, կը ծուէք խեղճ արարածը, ու կերթաք պարլամէնսներու մէջ տարիներով ապահարզանի մասին կը վիճէք, առանց ժամանակիդ մեղքնալու: Ա՛, անխելքներ, ծուած, խեղաթիւրած անխելքներ:

—Այդ բոլոր փամփուշտ բառերը մէկդիւ Ըստածէդ ինչ գուրս եկաւ. քու կարծիքով սէրը հանդիպած աղջկան գիրկը նետւթին է, առանց հակումի, առանց զգացումներու բնական զարգացման, առանց մոքի ու բնաւորութեան փոխադարձ կապակցութեան. ուրիշ խօսքով երկու էակներու մէջ կապ մը, որ պտուզ ալ չունի. այս է, համ, բնական սէրը, մարդկացին սեռի զարգացման նպաստողը: Բարեկամ, այդ բոլորը ինչ կ'ուզես անւանէ, բայց միայն ոչ սէր. գոնէ անւան սիրունութեանը խնայէ:

—Այն. անւան սիրունութիւնը. բանաստեղծութիւնը վրացէն վար կը խափի, այնպէս չէ: Որչափ դժւար է ամեն բանին իր ճշմարիտ անունը

տալլը: Իսկ ստեղլը, երեակայելլը, բանաստեղծելլը, ատոնք ոչինչ. Սուրբ սէր, զգացումներու յորդութիւն, հակնման, միտնման, համակրութիւն. ես ինչ զիանամ—տոպրակներով բառեր էք հնարեր. մինչդեռ մէկ պարզ բայ մը հերիք էր:

—Երկարելու ախորժակ չունիմ. արդէն ժամանակն ալ ուշ է. բաժակ մը թէց ալ տուր. տաքտաք խմեմ ու ենեմ:

Թէցը խմեց. ելաւ, հագաւ վերարկուն ու միասին սանդուղի գլուխը ելան:

Նոյն միջոցին վերի յարկի սպասուհին արագ սահեցաւ անոնց առջեւէն ու վերի սանդուղը անցաւ:

—Մարիանի. կանչեց Վասակ:

Սպասուհին կեցաւ ու ժպտեցաւ:

Վասակ անոր մօտենալ կուզէր, որ աղջիկը կարծես միտքը հասկըցաւ ու վեր վագեց խնդալով: Վասակ ցատկեց ետեէն, բռնեց հագուստին քզանցքէն, գրկեց բռնութեամբ, պինդ մը համբուրեց երկու այտերէն ու վեր հրեց, մինչդեռ աղջիկը գէշ-գէշ կը ճըւճըւար:

Երբ աղու թևերէն ազատեցաւ՝ նախ բարկացած դէմք մը շինեց, ետքը մատը տղուն վրայ թափ տըւաւ, խընդաց ու վեր փախաւ:

Բագրատ դէմքի տարօրինակ արտայայտութեամբ մը կեցած էր անշարժ:

Երբ աղջիկը անյայտացաւ՝ դարձաւ Վասակին. —Է՛, այս է սէրը, հա՞:

Վասակ յաղթական ու նշանակիչ շեշտով մը վրաց բերաւ.

—Այն, այս է, ինչ գիտցար. այս սիրոյ ծաղկագարդն է, դուքնբացէքը. ճիշտ շաբաթէ մը խթումն ալ կու գայ, զատիկը:

Եւ իր այլաբանութենէն կատարեալ գո՞յ մոտաւ իր սենեակը ըսելով.

—Դէ, ցտեսութիւն. հոս շատ ցուրտ է:

Իսկ Բագրատ ճնշըւած սրաով, զգւանքը դէմքին զրոշմըւած՝ սկսաւ սանդուղներէն վար իջնել: Շարունակ աչքերուն դէմն էր սպասուհին, որ անսունի պէս կը ճըւճըւար Վասակի երկաթէ ճմլումն տակ:

Երբ տան դռնէն դռւրս ելաւ՝ պաղ հովը զարկաւ երեսին. սթափեցաւ. ձեռքը թոթւեց. «Է՛ մընջեց, վանել ուզեց գլխէն այդ պատկերը, ու ձանապարհ ելաւ:

Բայց դեռ մինչև տուն հասնիլը ուղեղը շարունակ նոյն նիւթի շուրջը կը յածէր:

«Զինի, իրաւ, ես եմ սխալը. չլինի իրաւ, որ ծուռ եմ կրթւած, ինչպէս որ յիմարը կ'ըսէ. չլինի իրաւ, որ մեր ամբողջ կեանքը ծուած է. գուցէ իրաւունք ունի. զգացումներ, իդէալներ իրաւ գուցէ մեր հնարած բաներն են: Գուցէ իրաւ անբնական է իմ կեանքս. մինչև հիմա ոչ իսկ աղջիկ մը սիէ բանական գնդաբանութիւններով կամած. արդեօք. թէ իդէական ցնդաբանութիւններով

սիրաս բռնադատած եմ, որ չսիրէ. հասարակական վարկ, օրէնք, սովորութիւն, և միւս կողմէն իդէալներ, բարձրագոյն, ամբողջական սիրոյ իդէալներ, որոնք չեն թողներ սովորական զգացումներով գոհանալու։ Բայց ինչ է այդ իդէալական ըստած սէրը. կայ այդ տեսակ աղջիկ մը, որ իմ բոլոր պահանջներուս, իմ բոլոր անրջանկներուս համապատասխանէ. և եթէ կայ, մի՞թէ ես արժանի եմ, որ ան ինձի կապւի. և միայն ինձի. ինչու. իմ որ առաւելութեանս համար. վու, սոսկալի են այս մտածումները։

Աւերջին խօսքերուն հետ ելաւ իրենց սանդուղի վերջին ոաքը ու թափով մը քաշեց դռան զանգակը։

Գէորգ դեռ արթուն էր։ Հագուստներով անկողնին վրայ փըռւած, ձեռքերը դլխուն տակ, աչքերը առասաւաղին՝ կը մտածէր։

Երբ Բագրատ ոտքը սենեակէն ներս դրաւ, —

—Եկամ. ուր էիր կորսըւէր. հարցուց Գէորգ։

Գիտես. Մկրտիչը հոս էր։

—Ի՞նչ Մկրտիչ։

—Հոգաբարձուին եղբայրը։ Աչքդ լ՞յս. թաղային կիրակնօրեաց վարժարանի խնդիրը յաջողւելու վրայ է։ Անցեալ օրւան թաղական խորհուրդի մէջ ըրած աղմուկդ ազդեր է մեծապատիւներուն. խելքներին մտեր է, քիչ մը։ Շէ, դէշ է, կ'ըսեն. թող գան դաս տան, ինչ վնաս ունի. ծայրը ծախը

աւ չի կայ. աւելի աղեկ, թաղեցի անգրագէտներուն քիչ մը զրել կը սորւեցնեն, քիչ մը կրօնագիտութիւնը կը բացատրեն. կարելի է ժողովուրդը քիչ մը աւելի ջերմեռանգանայ. թէ չէ այդպիսով եկեղեցին սնդուկը շատ խեղճ վիճակի մէջ է։

Գէորգ լուց. ու իր աչքերը խորամանկութեամբ յառեց Բագրատին տեսնելու համար, թէ իր խօսքերը ինչ տպաւորութիւն պիտի ընեն անոր վրայ։

Բագրատ շրջունքը խածաւ. հանեց գլխարկն ու վերարկուն՝ միմնջելով.

—Ե՛, զարմանալու ոչինչ չի կայ. այդ մարդոց աջ կողմը վաշխառու է, ձախը՝ տիրացու։

Յանկարծ գէմքին մկանները ձգւեցան. սկսաւ խնդալ՝ կրկնելով.

—Նա, հա, հա. աջը վաշխառու, ձախը տիրացու։ Զէ, հաշիւնին շիտակ են տեսեր. թող հաշւեն ինչպէս որ կ'ուզն. մինակ մեզ թող չխանգարեն։ Կրօնագիտութիւնը բացատրել. հիսնալի գաղափար. խեղճ ժողովուրդ, աչքը բացած վայրկեանէն կրօնագիտութիւն են բացատրեր. և ինչու համար. հատ է փիլիսոփայութիւնը. որպէս զի եկեղեցին սնդուկը խեղճ վիճակի մէջ չի մնայ. սընդուկը. հա, հա, հա, սնդուկ. ահա այդ կրօնասէրներու էական կրօնը. Մտիր գիւղ, մտիր քաղաք, նայէ թերթերը, լսէ ձառերը, դամբանականները. ամեն կողմ նոյն եղանակը կ'երգեն. ամեն կողմ

աստոնք կրօնքի ու ջերմեռանդութեան անունով կը խօսին. բայց բառերը կամաց մը անդին հրե՛—ու տակէն պիտի ելնէ միշտ նոյն սնդուկը. այն, զանազան ձեւերու տակ. երբեմն աւելի կոպիտ՝ գրպանի ձեւ առած, երբեմն աւելի քաղաքակրթւած՝ նըւերներու, ձեւափոխութիւններու տակ. բայց մի՛շտ նոյն սնդուկը։ Վաշխառուներ, տիրացուներ։

Վայրկեան մը կեցաւ, մտածեց. ու յանկարծ դարձաւ ընկերոջը։

— Գէնրդ, ինձի բան մը պատմե՛. այսօր չափազանց յիմար տրամադրութեան մէջ եմ։ Երէկ իրիկուն թատրոնը ի՞նչպէս էր. շատ բազմութիւն կար. Գունօյի «Ֆառուստն» էր. չէ. Մարդարիտի դերը ով խաղաց. անցեալ օրւան իշխանուհին. կերևակայեմ շատ սիրուն երդած պիտի լինի. շան աղջիկը ի՞նչ մաքուր ձացն ունի, է։ Ազւոր աղջիկներ շատ կային. համ, քու աղջիկդ նորէն եկած էր. սա բեմին կից լոժին մէջ. կարմիր չփակով, կապոյտ ժապաւէններով, ճերմակ շրջազգեստով աղջիկը չի սցիշեր. «Ճիածանը», լսեցի, որ... ի՞նչ պիտի ըսէի. համ. տես, է, վազւան պատրաստելու դաս ունիմ դեռ. ժամը քանին է։ Գէնրդ, վառարանը այսքան չեն վառեր. քնացի՞ր ես. Գէնրդ. ի՞նչ կը խնդաս։

Սկսաւ երդ մը մուլյալ. անցաւ գրասեղանին գլուխը. գիրք մը բացաւ, քանիմը թերթ թըլդ-թատեց, դոցեց, դրաւ մէկդի, քաշեց թերթ մը թուղթ ու սկսաւ դրել։

Բայց առաջին բառին դէմ առաւ, ոչինչ չէր մտածեր. ձգւած, անդիտակից։

Գրիչը իրեն համար եռանկիւնիներ, քառանկիւնիներ կը գծէր անդադար մաքուր թղթին վրայ։

Թ.

Ամիսները կ'անցնէին իրարու ետևէ։

Թէև զեռ հազիւ վետրւարի կէսերն էր, սակայն արդէն սկսած էր գարունը տարօրինակէս կանուխ։

Այս այն տաքուկ, կակուզ, հեշտոտ, ցօղոտ գարուններու սկզբներէն էր, որ հարաւային ծովերը երբեմն կը նլւիրեն իրենց սիրած ցամաքներուն։

Երիտասարդներուն գործերը իրենց կատարեալ ընթացքին մէջն էին։ Դպրոցը՝ Բագրատի ողեորութեան ու գործունէութեան հնոցը՝ օր օրի կ'առաջանար։ Ուսուցիչներէն մէկ-երկու հատը գործին նըւիրւեր էին արդէն ու բոլորովին Բագրատին կապւեր. միւսները կամաց-ակամայ կ'աշխատէին լարւած աշխատանքով։ Աշակերտներու գէմքէն լժմրութիւնը փախեր էր. տեսակ մը թարմութիւն, կենդանութիւն մարդ կ'ըգգար, երբ ացի աղմկոտ շնչքէն ներս կը մանէր. ամեն կողմ խաղ ու աշխատանք։

Բագրատ հիմա զբաղւած էր գպրոցական մատենագարանի խնդրով, թէ աշակերտական և թէ ուսուցչական կրկին բաժինով. արդէն քանի մը անհրաժեշտ գրքեր ու թերթեր կ'ըստացւէին, բայց

այդքանովը հերիք չէր. դործը շնորհքով լնդարձակել կ'ուզէր. զեռ կը մտածէր դպրոցական մատենադարանին կամաց-կամաց թաղայինի գոյն տայ:

Բագրատի ու իր ընկերներու եռանդն ու աշխատանքը հոգաբարձուներու աշքին չէր վրիպեր. և լնդհանրապէս զոհ էին:

Երիտասարդներուն ամենէն աննպաստ տարրը թաղականներն էին, որոնք շատ ալ հաշտ աչքով չէին նայեր այդ նորելուկ «երեխաններու» ողերուած աշխատութեանը. մանաւանդ սաստիկ դժգոհ էին Բագրատի դրեթէ բոնի բերել արւած քանի մը ֆիզիքական ու քիմիական գործիքներէն, մողէլներէն, նկարներէն, որոնք «եկեղեցու սնդուկը շատ ծանրաբեռնած են», ինչպէս թաղականները կ'ըսէին:

Բաղրատ պահանջած էր նաև դպրոցին մէջ շէնքի քանի մը փոքրիկ փոփոխութիւններ տղոց առողջապահական տեսակէտէն. բայց այդ անկարելի էր եղած, որովհետև թաղականները այդ ստակով մտադիր էին պատարագիչ քահանային համար երկու ձեռք նոր շուրջառ կարել տան:

Դպրոցէն դուրս միւս գործերն ալ բաւական կարգի մտած էին:

Կիրակնօրեաց վարժարանը արդէն նոր-տարիէն պկած էր, ուր քսանի չափ մեծ մասով գաւառացի մշակներ կը սորւէին կարգալ-գրել, պարզ թւաբանութիւն ու բնագիտութիւն, գիւղական պահանջներուն անհրաժեշտ եղածին չափ:

Ասկէ զատ Բագրատ կ'ուզէր ժողովրդական դասախոսութիւններու շաբք մը բանայ, գլխաւորաբար երիտասարդներուն ազգելու ու բնագիտական ուղղութեամբ լնթերցանութեան դրդելու համար: Բայց թաղականները ոչ մէկ կերպ համոզւիլ չուզեցին. այնպէս որ այդ գաղափարը առժամանակ յետաձգւեցաւ. գոնէ այսպէս կ'ըսէր Գէորգ, որուն Բագրատ միշտ կը պատասխանէր.—

— Յետաձգւած—գետը ձգւած:

Գալով մանկական գրքերու հրատարակութեան փոնդի լինդրին, Թորոսեան ինքը յանձն էր առեր այդ գործը կերպ մը կարգադրէ. ինքը մէկ-երկու-քին հետ արդէն խօսած էր այդ առթիւ ու Բագրատին յաջող յոյսեր կուտար:

— Բարեկամն, քիչ մը քաղաքականութիւն բանեցնելու է այս տեսակ լինդիրներու մէջ: Մարդու երեսին պոռալով՝ ձեռքէն ստակ չառնւիր. կ'ըսէր Թորոսեան Բագրատի ուսին զարնելով:

Այս էր տղոց զուրսի կեանքը՝ գործի կեանքը. կար ևս ներսի կեանք մը. կեանք մը, որ իրենց տան չորս պատերուն մէջ կ'ըսէր ու հոն ալ կը վերջանար ամեն առաւօտ դպրոց երթալէն առաջ և ամեն իրիկուն դպրոցէն զալէն վերջը:

«Դուրսեցիներուն սենեակը» ոչինչ փոխած չէր: Միայն վառարանը այլ ևս չէր ճարճաթեր. և կարծես աշխատութիւնը քիչ մը աւելի պակած էր:

Բագրատ անգամ տունը այլ ևս համեմատաբար քիչ կ'ըզբաղէր:

Ընկերներ եղած ատենը նոյն աղմուկն ու իրարանցումն էր սենեակին մէջ. հիւր չեղած ատենն ալ՝ կամ տղայք աղջիկներու ու տիկնոջ քողըն էին, կմում անոնք տղոց սենեակը:

Գէորգի ներսի գործերն ալ պարզ էին, դուրսիններուն պէս: Սիրտը շշէնց եղած ատենը ելենին հետը կ'իշնար, կը վազվակէր, կ'երգէր, աղջիկը կը բարկացընէր. իսկ երբ սիրտը նեղանար՝ աղջկան թևէն բռնածին պէս դուրս կը փռքնտէր, երբեմն այն աստիճան կոպիտ, որ Բագրատ կը բարկանար ու կը յանդիմանէր.

— Վայրենի:

— Դուն ի՞նչ գիտես, է. այդպէս որ չընէի մինչև հիմա այլ ևս երես չէր նայեր:

— Վայրենի:

— Ըստանի: Նիտակը շատ աւելի գերադասելի է ինձի համար, որ վայրենի վագրի մը պէս փաթթւիմ ծառերու բունին, ճանկուտեմ, մուընչեմ ու վար ցատկեմ, քան թէ ընտանի կատւի մը պէս թողնեմ, որ աղջիկ մը ինձի գիրկը առնէ, մանրիկ մատիկներովը շոյէ գլուխս «փիսի», փիսի, աղւոր փիսին. ետքն ալ որ սիրտը նեղանաց «փիստ» գոդնոցը թոթւէ ու ինձի բազմոցի անդիթ անկիւնը նետէ: Այդպէս է, այդպէս, անդինս. չորս կողմէն նայէ, հերիք ճգնիա:

Կ'ըսէր, կ'առնէր գաւազանը ու դուրս կ'ելնէր: Ընդհանրապէս հիմա շատ դուրսն էր. կամ խաները, կամ Պերայի փողոցները:

— Մինչև իրիկուն հոգինիս կ'ելնէ. իրիկունները քիչ մը անուշ օդ ծծենք. կ'ըսէր «անուշ» բառը մասնաւորապէս շեշտելով:

Բագրատ թժէւ գոհ չէր Գէորգի խենթութիւններէն, բայց մէկ կողմէն ալ ուրախ էր. տունը ինքզինքը աւելի մենակ կ'ըզգար. և կարծես այդ իրեն բաւականութիւն կը պատճառէր:

Ինքն ալ իր մէջ փոփոխութիւններ սկսած էր նշմարել: Իր զբազմունքներէն դադար առած ամեն վայրկեաններուն գլուխս մէկ գաղափարի մը շուրջը կը դառնար—աղջիկ: Եւ այդ բառը, որ շատ փոքր հասակէն բովանդակ բանաստեղծութիւն մըն էր եղած իրեն համար, և որ վերջը իդէալականացած ու իր ապագայ կեանքի երջանկութեան պսակը կը պատկերացնէր, հիմա հետզհետէ նոր ձեւ մը, նոր գոյն մը կ'ըստանար: Հիմա այդ գաղափարը մարմին էր առած: Դրացի պատուհանէ մը երեցած մերկ կանաչի թև մը իրեն ցնցումներ կուտար. իր քովէն անցնող աղջկան մը երկար հիւսքը մագնիսի պէս հետը կը տանէր իր հայեացքը. թատրոնը իր թևին կից՝ անհանգիստ շնչող կնոջ կանական կուրծք մը տարօրինակ խոռվութիւն մը կը պատճառէր իր հոգիին: Երբ տունը Օդիւստան թևերուն մէջ առած կը համբուրէր՝ արեան յուզւիլը կ'ըզգար. երբ Լուի-

զի հետ դէմ դէմի ընթերցանութեան կը նստէր՝
գրքի բովանդակութենէն աւելի աղջկան շրթունք-
ներն ու ծնոտը իրեն կը հետաքրքրէին. և աղջիկը
երբ գաշնակի առջեւ կը նւագէր, ինքը անոր ծոծ-
րակի ճերմակ ու փափուկ մորթովը կը հիանար: Այդ
տեսակ վայրկեաններուն երբ աղջիկը իր խորունկ
ու թափանցող վճիտ աչքերը տղու դէմքին նետէր՝
սա ամօթ մը կըզգար, կը պատկառէր, ինքն ալ
որոշ չհասկանալով՝ ինչու:

Գործը այլ կերպ էր ելէնիին հետ: Յոյնուհին
հիմա սովորականնէն շատ յաճախ կը կենար Բագրատի
աշխատութեան սեղանին մօտ. երկար, անպէսք
հարցու մներու շաբքեր իրարու կը յաջորդէին, և Բագ-
րատ առանց ձանձրանալու կը պատասխանէր ատոնց՝
աչքերը գամած աղջկան կրծքի այն վերի, բաց,
փոքրիկ մասին, ուր խորհրդաւոր ակօսիկ մը իր
հետաքրքրութիւնը կը կարթէր: Աղջիկը հազար
դիրքեր, հազար ձևեր կ'առնէր անոր դէմ. կը խըն-
դար՝ երկու ձեռքերով պինդ իր մէջքը գրկած. եր-
բեմն կը յենւէր գրասեղանին, Բագրատի գիրը յու-
նարէնի կը նմանցընէր ու յունարէնով կարդալ կը
փորձէր. յիմար, անմիտ վանկեր դուրս կուգացին.
կը խնդար ինքը ամբողջ սեղանը իր լեցուն կրծքին
հետ ցնցելով. և այնքան դէպի տղան կը հակէր, որ
իր այտերուն տաքութիւնը անոր դէմքին կը զար-
նէր. այդ վայրկեաններուն Բագրատին կը թւէր, թէ
սենեակին օդը մէկն ի մէկ կը պակսէր:

Անգամ մը աղջիկը մազերը արձակ, թեւերը
մինչեւ ուսերը վեր ժողւած, չփակին կոճակներ մա-
սամբ միայն կոճկած տղուն սենեակը մտաւ ձեռքը
սանր մը բոնած, խնդրելով որ անոնց հայելիին
մէջը սանտրըւի. իրենը սրբելու համար վար էր
առնըւած ու անյարմար էր, ինչովէս ինքը կ'ըսէր:
Բագրատ թողուց ու գրել ձեւացուց. բայց չկրցաւ.
սիրտը կը նետէր. ու սկսաւ գողունի ագահութեամբ
նայել այն լեցուն ողորկ թեւերուն, որոնք շագանակի
առատ մազերուն վրայէն կը սահէին՝ մազի հեղեղատ
մը թափելով ուսնրուն, որոնք կէս մը կ'երեւային:
Բագրատ այնպէս խածաւ ձեռքի գրիչը, որ ճար-
ճաթեց: Հայելիին մէջէն աղջիկը ժամուն իրեն կը
նայէր: Բագրատ կարմրեցաւ, առաւ բառարան մը
ու սկսաւ արագ թղթատել. Բնէ կը փընտըռէր. ով
գիտէ. միայն այդ փընտըռառուքը շատ երկար տեեց,
մինչեւ որ աղջիկը ժպանելով ու աչքերը Բագրատին
յառած սենեակին հեռացաւ:

Այս բոլորը, ի հարկէ որոշ սահմանափակումնե-
րով, պատմեց Վասակին:

Վասակ խորհրդաւոր կերպով ժպտեցաւ ու պա-
տասխանեց.

—Գարնան հովերուն շնորհքն է, սիրելիս: Այդ
կ'ապացուցանէ, որ մարմինդ խելապատակէդ աւելի
խելացի է: Ահա այդ այն է, որը դուն և լնդհանրա-
պէս բոլոր բանաստեղծացածներդ սուրբ տենչ, երկ-
նային հուր, իդէալական յուզում, և այլն, և այլն

կ'անւանէք, որը բոլոր բանաստեղծները առաջըւնեցինչն էրիկուն երգել իրենց պարտքն են համարած, որը սակացն ամեն մարդ ալ ու ամեն անասուն շարունակ կ'երգեն, առանց բանաստեղծ լինելու, ի հարկէ քիչ մը աւելի գործնական եղանակով։ Հաղակալ, իդէալիստ, միամի՛տ, ողորմելի բարեկամն, ասոր մեր աշխարհքը կ'ըսեն սէր։ Եւ ոչ թէ քու ցընդի-փենդի վերացական փիլիսոփայութիւններուդ, ապուշախդէալական զգայնականութիւններուդ ու երազական ցնորքներուդ։

Բագրատ քովէն կը քալէր՝ առանց անոր ճառին կարեւութիւնն տալու։

Իր գանգին առակ հիմա մէկ մտածում մը միայն թուխս էր նստած։

«Աւրեմն ես Ելէնին կը սիրեմ, Ելէնին. Ինչ առատուց գաղափար. Ելէնիին սիրահարած. Ես զարմանք. չէ, այդ մարդը իրաւունք ունի—մենք բոլոր վին ծուեր ենք»։

❖.

Երկու-երեք օր վերջն էր։ Շաբաթ իրիկուն մը Դպրոցէն դարձին Բագրատ ելաւ Պերա։ Հիանալի օդ մը կար։ Գաղջ, դրգուղ, անուշ։ Ահաղին կինդանութիւն կը տիրէր մեծ փողոցի վրայ։ Բագրատ աշխոյժ շուրջը կը նայէր. կը դիտէր բազմութիւնը. կը դիտէր այն անվերջ գոյզերը, որոնք թև թևի ծիծաղելով, խօսակցելով իր դէմը կու գալին նեղ մայմէին վրայ։

Յանկարծ նախանձ մը մտաւ իր մէջը. ամենքը կեանք կը վայելէին, զւարթ, գոհ, զնյգ-զնյգ. իսկ ի՞նքը. ինչու ինքն ալ թեւ աղջիկ մը չունէր, որ առնէր տանէր դաշտերը գեղեցիկ վերջալոյսին դէմ, երեկոցեան զովութեան դէմ, կապոյտ ու ծիծաղկոտ երինքին դէմ։

Ու թեւ աղջիկ մը ունենալը իրեն պահանջ դարձաւ։

Շտապ քայլերով գնաց տուն։ Ելէնին ու տիկինը տանը մենակ էին։

«Դիպւածը ինծի հետ է» մրմնջեց Բագրատ։

Ու զառնալով կիներուն աւելցուց։

— Հիանալի իրիկուն է, Տիկին։ մարդ սենեակը մնալ չի կրնար. երթամ քիչ մը շրջելու։ Ելէնի, կարելի է միասին գալ կ'ուզէիք։

Աղջիկը ցնցւեցաւ։

— Ա, ամենացն սիրով. վայրկեան մը. զլսարկունեմ։

Ակնթարթի մը գործ եղաւ աղջկան արդ ու զարդը. ու երիտասարդին հետ զուրս ելան։

Այս առաջին անգամն էր, որ Բագրատ աղջիկներէն մէկուն հետ առանձին շրջելու կ'ելնէր. սորութաբար երեքով կամ չորսով կը լինէին։

Աղջիկը ուրախութէնէն ըրածը չը գիտէր։ Բագրատ ալ զւարթ էր. կը խօսէին, կը կատակէին, անցորդներու վրայ իրար ակնարկութիւններ կ'ընէն։ ու կը ծիծաղէին սրտանց, բարձրածայն։

Երբ շիտակ ճանապարհը ելան՝ Բագրատ առանց
այլքայութեան աղջկան թէւը խլածին պէս իր
թէւը անցուց։ Աղջիկը զարմանքէն ու բերկրանքէն
սկսաւ քրքջալ։

Բագրատ հիմա տեսակ մը խղճահարութեամբ
կը նայէր այն անզոյգ երիտասարդներուն, որոնք
քննող հայեացքով իրենց քովէն կ'անցնէին. իրեն
այնպէս կը թւէր, թէ իրեն կը նախանձէին. ու
այդ զգացումն հպարտ՝ թէթէ մը աղջկան թէւը
կը սեղմէր։

Աղջիկը կը պատասխանէր այդ սեղմումներուն.
ամբողջ կրծքովը կը փակչէր տղուն, ու այն տես ոկ
ակնարկներ կը շանթէր անոր աչքերուն, որ տղու
սրտէն սարսուռ կ'անցնէր։

Խօսելէ ու ք ոշելէ յոդնած հասան Շիշի. ու
մոտան պարտէզ մը։ Շուրջերնին նստելու յարմար
տեղ մը կը փնտռէին։

—Հան, հովանոցին մէջ թէ աւելի չոր է և
թէ աւելի առանձին. ըստ սպասաւորը խորաման-
կութեամբ ժպտելով։

Բագրատ աղջիկը հովանոցէն ներս մտցուց,
որ բաղեղներու դեռ անտերե թփերովը կէս մը
գոցւած էր։

Բերել տւին զարեջուր. սկսան խմել, խօսիլ
ու խնդալ։

Բագրատ կատակի համար հանեց աղջկան դաս-
տակէն սպարանջանը. իր թէւը անցնել փորձեց՝

չհասաւ. նորէն հազցուց աղջկայ դաստակին, դիտ-
մամբ զարդը կոճկելու երերտըկաց. և կոճկելէն վերջն
ալ անմիջապէս աղջկան թէւը չձգեց։

Արեւ արդէն մայր մտած էր։ Թանձր կապու-
թիւն մը արեւելքէն պարտէզին վրայ կը թափւէր։
Խոնաւութիւնը սաստկացած էր. ու պարտէզը եղող-
ները ներս ուստորանն էին մտած։

Աղջիկը յանկարծ ուաքի ցատկեց. ու մատովը
դուրսը ցոյց տալով—

—Տեսէք, տեսէք. հոս օրրան կայ եղեր. ըստւ:
Ա, օրրւիմ սիտի. եկէք ինձ օրրեցէք. աւելցուց
դլիսու քծնող շարժումով մը։

Դուրս ելան հովանոցէն։ Աղջիկը նստեցաւ օր-
րանին մէջ. Բագրատ դէմը կեցած օրրել սկսաւ.
նախ նստարանի փայտէն կը հրէր. բայց քանի սկսաւ
օրրանը ուժովնալ՝ տղան ստիպւած էր աղջկան ու-
քերէն հրէլու. և ամեն անզամ, որ անոր կէս-կօշիկ-
ներուն մէջէն դուրս սահող մանր ոլոքները կը բռնէր՝
ձեռքերը կը խլսիսըտացին։

Օրրանի պատճառած հովը թէթէ մը վեր
կ'առնէր աղջկան շրջազգեստը, որուն տակ սև եր-
կար գուլպաները ձերմակութեան մը մէջ կը կոր-
սէին։

Բագրատ օրրելը դադարեցուց։
—Ինչու չէք օրրեր, հարցուց աղջիկը։
—Կեցէք, միասին օրրւինք։
—Իրանւ. եկէք։

Ու աչքերը սկսան տարօրինակ ցոլք մը արձակել:

Օրբանը կեցաւ. աղջիկը մէկ կողմ քաշւեցաւ. Բագրատ նստեցաւ ու բռնեց պարաններէն. իսկ աղջիկը փաթթւեցաւ Բագրատին: Տղան ուժ տւառ ուքի մէկ-երկու հարւածով. օրբանը թափ առնել սկսաւ. ու Ելինին ալ ուժով փաթթւեցաւ երիտասարդին՝ գլուխը անոր կրծքին յենած:

Բագրատ դողաց. ուքը ուժով գետնին դէմ տւառ: Օրբանը ցնցումով կեցաւ: Աղջիկը զարմացած բարձրացուց գլուխը. ու միևնոյն ատեն զգաց երիտասարդի պինդ թերը, որ իր մէջքը կը փաթթէին և անոր շրթունքները, որոնք իր այտին յարեցան:

Իրար լնդդրկած, կթոս ուքերով դարձան տեղերնին:

—Ա, ես զիտէի, որ ինձի կը սիրես. կը հծծէր աղջիկը մարմրող համբոցըներուն մէջէն:

Իսկ Բագրատ ոչինչ չէր մոածէր, ոչինչ չէր լսեր: Իր առողջ, մաքուր, լեցուն արիւնը կեռար. ամբողջ մարմնով կը դողար ու բոլոր ուժովը աղջիկը գրկին մէջ կը սեղմէր:

Յանկարծ ձգեց աղջիկը թերւն մէջէն, ցատակեց ոտքի, դրաւ գլխարկը ու անոր ձեռքէն բռնած:

—Երթանք, երթանք. կը կրկնէր: Տնւն երթանք, հեռանանք:

Ելինին ինկած էր աթոռին, գլուխը ետ նետած:

շրթունքները բաց. թերը Բագրատին. թոյլ, ոնկամք ու շնչարդել:

Բագրատ թեռէն քաշեց, հանեց ոտքի, առաւ թերը, ու արագ վճարելով սպասաւորին՝ դուրս ելաւ պարտէզէն:

Նարժումը աղջիկը ուշքի բերաւ:

—Բագրատ. մրմնջաց ակռաներուն մէջէն, նայեցաւ տղուն ու անոր ձեռքերը սեղմեց:

Բագրատ արագ կը քալէր:

Նստեցաւ առաջին հանդիպած թրանւայը: Աղջիկը առանց տղու ձեռքը ձգելու կրթընցուց գլուխը անոր ուսին:

Թրանւայի միակ ուղեորը տաճիկ ծերունի մընէր, որու բարի դէմքին ներողամիտ ժպիտ մը կը խաղար քանի երկուքին կը նայէր:

Կէս ժամ վերջը իրենց ապարատմանի զանգը քաշեցին. դուռը բացւեցաւ. ու Լուիզ ժպտելով բարեկց:

—Այս որքան ուշացաք. մայրս ձեզի կ'լսպասէր. ըսաւ ուշադիր Բագրատին նայելով:

Բագրատ ձնշում մը ըզգաց Լուիզին հանդիպելէն: Անոր աչքերը իրենները փախցընելու կ'լստիպէին:

—Ինձի ինչու չէք բարեեր, պարո՞ն Բագրատ. հարցուց Լուիզ միամիտ ժպիտով մը:

—Կեցէք մէկ շնորհքով ներս մտնեմ. հազիւ վրայ բերաւ Բագրատ ու աղջկան պարզած ձեռքը թօթւեց: Ո՞ւր է Գէորգը:

—Եկաւ, ու նորէն դուրս ելաւ. Մանուկի կազինօն է. ըստ որ դուք ալ հոն երթաք: Բայց մի՛ երթաք, պարո՞ն Բագրատ. քանի դիշեր է իրարուհետ շնորհքով տեսակցած չունինք. այս դիշեր մենք ալ մենակ ենք. մայրս գործ ունէր—դուրս ելաւ. մեզի հետ անցուցէք այս դիշեր. եթէ կ'ուզէք ձեզի համար կը նւազեմ ալ ձեր սիրած կտորներէն.

—Այ՞, այ՞. ես ալ կ'երգեմ. մենք ալ միասին կ'երգենք, պարո՞ն Բագրատ. կը կրկնէր Օդիւստան տղու ձեռքերէն քաշելով:

Բագրատ ճնող զգացում մը ունէր մէջը. կ'ըգդար, որ ինքը իր աչքին առջև ինկած էր և աղջիկներու արտասանած իւրաքանչիւր սիրալիր ու միամիտ խօսքը իր այդ զգացումը աւելի կը շեշտէր. երբ Օդիւստան իր թեւերէն կը քաշքշէր՝ ինքը բնազդօրէն ետ կը քաշւէր լստ կարելոյն աղջիկը չի շօշափելու համար. ու Լուիզի աչքերուն մէջ նայելու կ'ամչնար:

«Ո՞չ, չեմ կարող տռնը մնալ» վճռեց ինքնիրէն: Ու բարձր աւելցուց.

—Ես ալ կ'ուզէի տունը մնամ այս իրիկուն, անկարելի է: Գէորգը անպատճառ տեսնելու եմ. գործ ունիմ: Գիշեր բարի:

Մտաւ սենեակ, առաւ հաստ վերտրկուն, շտապով հագաւ ու դուրս նետւեցաւ:

Երբ տան դուռը ետևէն գոցեց ու ինքը զինքը մենակ զգաց՝ խոր շունչ մը առաւ: Մանր-ծանր

սանդուղներէն իջաւ մտածկոտ. ու փողոցի դռան առջև կանգ առաւ:

«Ե՛, պարապ բաներու մասին մտածելու ախորժակ չունիմ» ըստ կամաց, ձեռքով մերժողական շարժում մը ըրաւ, գլուխը թոթւեց, պինդ մը հազաց ու հպարտ քայլերով փողոցը մտաւ:

Գէորգ երեք-չորս ընկերներու հետ կազինօն նստած կը խօսէր:

Բագրատը տեսնելու պէս տեղ բացին. ու խօսակցութիւնը տաքցաւ: Խնդիրը հրապարակի վրաց երեցած նոր վէպի մը մասին էր: Բագրատ իր բոլոր թափովը մէջ նետւեցաւ: Ամենէն շատ կը խօսէր, կը կատակէր, կը յարձակւէր աջ ու ձախ. կը ցատկէր մէկ նիւթէն միւսը, առանց միջոց տալու, որ լսութեան վայրկեան մը մէջ գայ:

Նատ ուշ էր, որ տուն դարձան. գարեջուրէն թեթև մը զլուխը կը դառնար ու չափազանց խօսելէն ձայնը մարեր էր:

ԺԱ.

Երբ աչքը բացաւ պայծառ առաւօտ էր:

Գէորգ հայելիին առջևը կեցած երկու ձեռքով կ'աշխատէր ընչացքներուն դէպի վեր ուղղութիւն տալու. և անյաջողութենէն զայրացած կը հայցոյէր:

Երբ երկուքն ալ արդէն հագած էին՝ Գէորգ կաթ ուզեց: Ներս մնաւ էլէնին կաթի ամանը ու բաժակներով ափսէն ձեռքը:

— Բարի լոյս. զիշերը ի՞նչպէս քնեցիք. հարցուց աչքերը Բագրատի կողմը ուղղելով։
Բագրատ ձայն չհանեց։

— Ամենափառաւոր կերպով. պատասխանեց
Գէորգ։ Իսկ դժւն։

— Ա՛, ես ամբողջ զիշերը չի կըցայ քնանալ.
ըստ աղջիկը աչքերը միշտ Բագրատին։

— Ինչո՞ւ. հարցուց Գէորգ անտարբեր՝ օձիքը
խողանակելով։

— Ես ի՞նչ գիտնամ։

Բագրատ նստած էր սեղանին տունկ, իսկ էլէնին դէմը կեցած կաթը կը լեցընէր։ Բագրատ սկսաւ դիտել էլէնիի երկար ու քիչ մըն ալ աղտոտ եղունկները. և ցիշեց որ ամբողջ նախորդ իրիկունը այդ մատներն էր սեղմած այնպէս պինդ-պինդ. նողկանքի պէս բան մը ըզգաց։

Իսկ էլէնին Գէորգի պահ մը սենեակէն ելնելէն օգտւելով՝ ընտանեբար մօտեցաւ Բագրատին, ծուեցաւ վրան, ու—

— Ինչո՞ւ չես խօսիր. ինչո՞ւ այդպէս լուրջ ես.
հարցուց։

— Ի՞նչ խօսիմ. պատասխանեց. Բագրատ. ու սկսաւ աղջկան դէմքի գծերը դիտել, որ տարօրինակ կերպով գուենիկ կը գտնէր։

Մինչ աղջիկը այդ յամառ նայւածքէն խրախուսւած ալ աւելի ծուեցաւ, ձեռքը տղու վիզը նետեց ու համբուրել կուզէր։ Բագրատ ուղղակի զըզ-

շանք զգաց այս անդամ. ուժով մը մէկ կողմ ծռեցաւ, ոտքի ցատկեց ու սկսաւ յուզւած-յուզւած շուրջն ու գրպանները որոնել։

— Ի՞նչ կը փընտըսես. հարցուց խեղճ աղջիկը շփոթւած ու ապշած։

— Թաշկինակս մւր դրի. ի՞նչ եղաւ թաշկինակս. Գէորգ, թաշկինակս մւր դրի. կը կրկնէր Բագրատ իրար ետևէ։

— Այդ ի՞նչ յիմար հարցում է. լսեցաւ Գէորգի ձայնը սենեակի սեմի վրացէն։

Բագրատ հազիւ քանի մը ումագ կաթէն խմեց,
«Ես գործ ունիմ» ըստ, Գէորգին հետ կիրակնօրեայ վարժարանը իրար հանդիպելու որոշումը տըւաւ ու գուրս նետւեցաւ։

Առանձին մնալու պահանջ մը կ'ըզգար։

Դեռ երկու-երեք ժամ կար մինչև իր գործին սկսելը։

Իջաւ կամուրջ, ու Ոսփոր մեկնող շոգենաւներէն մէկը մտաւ։ Մտաւ քովի երկու հոգինոց պղտիկ խցիկներէն մէկը ու վարագոյները քաշեց։

Շոգենաւը ճանապարհ ելաւ. անիւները ճիշտ իր խցիկին կից էին ու ահագին աղմուկ կը հանէին։

Բագրատ սկսաւ խորունկ մտածել։ Երկու հողի կար հիմա իր մէջը, որոնք իրարու հետ կը վիճէին։ կար հիմա իր մէջը, որոնք իրարու հետ կը վիճէին։ Եղածը վերլու ծելու պէտքը կ'ըզգար. իր գաղափարներուն մէջ երկութիւն կ'ըզգար, հոգեկան վիճակ-

ներէն ամենասոսկալին։ Ինքն իրեն հետ հաշութիչ կ'ուզէր։

«Եւ այն ալ այդ աղջիկը. կը մտածէր։ Այդ սովորական գեղեցկութիւնը, այդ հասարակ հոգին, այդ տափակ բանականութիւնը, որ երէկ Գէորգին հետ էր, այսօր ինձի, ու վաղը ով գիտէ որու։ Ինչպէս եղաւ այդ. միթէ երբ և իցէ լուրջ զգացում մը տածած եմ այդ աղջկան. զգացում. ոչ. բայց այն. այդ աղջիկը գրաւիչ ու սիրուն չէի գտներ. ուրեմն կը սիրէի. սէր. չէ որ Վասակը կ'ըսէ, թէ այդ է սէրը, իրաւ. չէ որ կ'ըսեն թէ սէրը կարճատե է, ու յագեցածին պէս կը մարի. իմա այն տարբերութիւնը ունէր, որ կէս ճանապարհին մարեցաւ. և այդ ալ զարմանալի չէ. չէ որ Վասակը կ'ըսէ, թէ ես բոլորովին ծուռ եմ մեծցած. չէ որ բոլոր նախապաշարումներս մէկ անգամէն գլխէս նետել չէի կրնար. նախապաշարումներս. ահա այս աչ նախապաշարում մը, որ ամօթ կ'ըզգամ ինքս ինձմէ, ես ալ չգիտեմ ինչու. ծնւռ կրթութիւն, ծնւռ իրաւ է։ Այն, նախապաշարումներ են պարզապէտ այս բոլորը, բոլոր իմ ձգտումներս, անուրջներս, իդէալներս և այն սէրը, որ այնչափ երկար ժամանակ երազած եմ. միս, այն սէրը, այն սէրը...»։

Կախեց գլուխը տիրութեամբ ու մնաց անշարժ։

«Ի՞նչ։ բացականչեց յանկարծ. ցընցըւեցաւ, շոկըւեցաւ, բայցաւ փոքրիկ լուսամուտը, աշ-

քերը յառեց ծովի խուսափող փրփրոտ ալիքներուն ու նորէն մոտածել սկսաւ.

«Ի՞նչ. այն սէրը, այն բոլորը, որ ինձի համար սուրբ էին, այս բոլորը նախապաշարումներ են. նախապաշտմ. և միս է սէրը, համ, որ երէկ իրիկուն կար և որ այս առառու ցիշելու կ'ամչնամ. ոչ. այս ամօթը նախապաշարում չէ. ոչ ալ իմ զգացումներս նախապաշարում են. ատոնք բնութեանս՝ էութեանս խորքերէն կուգան։ Գեղեցկութեան տիպար մը ունենալը, քու էութեանդ ամէնէն աւելի յարմարող զոյդ մը վնտուելը և այդ էակին տեսականօրէն կատելու տենչը սեռի պահպանման ամենաէական պայմանն է. ատոնք բնական պահանջներ են մեր մէջ. այդ զգացումներէն առաջնորդւիլը հրէշութիւն չէ. հրէշութիւնը ինքզինքը բռնաբարելն է. հրէշութիւնը իմ երէկ գիշերւանը ըրածս է, զուցէ. և անշուշտ ատոր համար է, որ հիմա կ'ամչնամ։ Աղջիկ մը որ չեմ սիրեր, գէպի որը ոչ մի մասնաւոր կապ չեմ զգար և որ ոչ մի կերպով ինձի համար չէ. և այդ տեսակ աղջկան մը լանջին վրայ մարմրել. ինչնու. որովհետեւ աղջիկ է, որովհետեւ մի՞ս ունիր Բայց ինչպէս եղաւ, որ այդ աստիճան սահել կարողացաց. այդ ալ ուարզ է. գրգռնում, արւեստական գրգռում. ուրիշ ոչինչ. շրջապատղներս այն մսի երգը կրկնեցին ականջիսակ. այդ է սէրը, ըսին. ու անչափ կրկնեցին, որ ես առանց հաւտալու կարծես հաւտալ սկսայ. ինձի-

Հրէշ, ծուռ, անքնական անւանեցին, որովհետև ֆիզիքական ու հոգեկան զգացումներս դեռ չփուան իրենց ներդաշնակող էակ մը և ես առանց կարեռութիւն տալու կարծես սկսաց կարևորութիւն տալ այդ ծաղրին. այդ խնդիրներու վրաց մտածել սկսաց շարունակ, զրգուեցի ուղեղս, դուցէ գարունն ալ ինձի օգնեց—և ահա ըրած էի արդէն առաջին քայլը. և այդ հերիք էր: Խմ ճաշակիս հակառակ, օրգանիզմիս բնական ձգտումներուն հակառակ, բնաղդիս հակառակ, հոգեկան պահանջներուս ու իդէալներուս հակառակ՝ հարկադրեցի ինձի այդ աղջկանը փաթթւելու. ահա թէ որն է ծուռթիւնը, անքնականութիւնը, հրէշութիւնը...»:

Ծոգենաւը կը յառաջանար, մէ՛կ եւրոպական, մէ՛կ ասիական ափին մօտենալով: Երբ մօտեցաւ ն. գիւղի նաւահանգստին՝ Բագրատ դուրս ցատկեց իր խցիկէն, ելաւ նաւամատոցց, աշխոյժով բարեեց հոգաբարձուներէն մէկը, որ շոգենաւ կը մտնէր ու սկսաւ արագ-արագ զէպի վարժարան քալել, ուր կ'ըսպասէին իր մօրուքաւոր աշակերտները:

Բագրատի քայլւածքը վստահ էր. զէմքը պայծառ. կ'երեւէր, որ իր որոշումը տւած էր արդէն: Երեկոյեան ուշ ատեն միայն տուն վերադարձաւ:

Դուռը բացողը Ելէնին էր:

—Մեր սենեակը մարդ կայ:

—Ո՞չ:

—Հետա եկէք:

Աղջիկը ուրախութեամբ ու վախով հետևեցաւ երիտասարդին:

—Ելէնի, կարծեմ ինձի կը սիրէք. ըսաւ Բագրատ առանց յառաջաբանի: Բայց պարզապէս խենթութիւն է ձեր ըրածը. իմ խելքս բոլորվին ուրիշ գործերու է: Դուք ինձի համար միշտ քրոջ պէս էք եղած. եթէ կուզէք որ ասկէ վերջն ալ այլպէս շարունակւի՝ աւելորդ բաներ մի մտածէք: Գիտցած եղէք, որ ես ձեզի երբէք սիրած չեմ. այս կ'ըսեմ, որ չլինի թէ ինձի սիսալ հասկընաք. ես ձեզի քրոջս պէս կը յարգեմ:

—Բայց երէկ գիշեր այս ատեն. հարցուց աղջիկը յուղումէն կողացող և արտասուքէն ուռած ձայնով մը:

—Ը'ը'ը'... երէկ: Երէկ ես գործով մը չափազնց ուրախացած էի, և չափէն քիչ մը աւելի խմած. շիտակը աղէկ միտքս չէ, թէ ինչ միայն այսքանը կը յիշեմ՝ կարծեմ ձեզի համըրի. միայն այսքանը կը յիշեմ՝ կարծեմ ձեզի համըրի. Է, վեսս չունի. եկէք անգամ մըն ալ համբուրեմ. դուք բարի աղջիկ էք:

Թեթև մը գրիեց, շրթունքներէն համբուրեց, դրաւ նորէն գլխարկը ու դուրս:

Սենեակի սեմին վրան էր, որ ետևէն լսեց աղջկան հեծկութեքը:

Սոսկալի խղճահարութիւն մը իր սիրաը խածաւ. շտապեց. անգամ մը մտածեց ետ դառնաց: ալ ուշ էր. արդէն ետևէն գոյցած էր տան դուռը:

Մութ սանդուղի գլխին ակընթարթ մը կանգ
առաւ:

«Խեղճ աղջիկ, խեղճ աղջիկ» կը կրկնէր ակոա-
ներուն մէջէն՝ երկու ձեռքով դէմքը գոցած:

«Գուցէ ան ինձի պչրանքէ աւելի լուրջ զգա-
ցումով մը կը սիրէր. ա, ինչ իրաւունքով խաղացի:
իր սրտին հետ. բայց, է. եղաւ. մէկ անգամէն կըտ-
րելու էր. լաւ ըրի. սակայն չափազանց կոշտ եղաւ
այս. խեղճ, խեղճ ելէնիս. ա, ով գիտէ ինչպէս
կուլայ հիմա. ա, հրէշ, հրէշ. արդեօք կ'արժէմ
այդ աղջկան արցունքը. է...»:

Ու սկսաւ արագ-արագ վար իջնել:

ԺԲ.

Կամուրջին վրայ Գաարը-դիւղ տանող շոգե-
նաւներու նաւամատոցին մօտ՝ կաղինօյի բաց պա-
տուհանին առջելը նատած՝ Վասակ քառորդի մը.
չափ էր մէկ աջ կը դառնար Պոլսի կողմը, մէկ ձախ՝
Դալաթիա. ու անհամբերութիւնէն ոտքերը կ'երեր-
ցընէր:

Կիրակի էր, ու կէս օրի մօտ. ապրիլի արեւ
Ոսկեղջիւրի կոհակներուն հետ կը խաղար:

Վասակ յորանցելով վերցուց սեղանի վրայի
հայերէն լրագիրներէն մէկը. աչքէ անցուց ու նե-
տեց անդին:

— Տորիչելեան դատարկութիւն, մարլտալով:
Առաւ Պարիզեան պատկերագարդ թերթ մը.

առաջին երեսի զունաւոր պատկերը ոճրագործի մը
կալանաւորումն էր, վերջին երեսինը՝ շոգենաւի մը
Ատլանտեանի ջրերուն մէջ ընկղմիլը:

Երկար ուշադրութեամբ դիտեց բոնըւած ոճ-
րագործի կատաղի դիմադժերը. ու սկսաւ համեմա-
տել անդին խեղալըւող աղջկան մը յուսահատ զի-
մագծերուն հետ:

«Նունշանորդին, ի՞նչ նմանութիւն. կը մտածէր:
Աչքերուն բացւածքը, բերնին քովի ծալքը, ոռու-
գերուն լայնացումը, բռունցքներուն գալարումը.
նոյնը երկուքն ալ: Խեղճ աղջիկ, անմե՛ղ զոհ. բայց
ես ինչո՞ւ աղջիկը մեղքըցայ. աւանդական, դասա-
կան արտայացութիւն, ուրիշ ոչինչ. է, մեր զգա-
ցումներն ալ արդէն դասական քլասիկ են դարձեր:
Աչ. ես աւելի ոճրագործը կը մեղքնամ. մէկը մարդ-
կային հոսանքին մէջ խեղալըւոն է, միւսը ուարզ
ջուրի. մէկին տանջանքը կէս ժամ առաջ հազիւ
սկսաւ ու քանի մը վայրկեանէն կը վերջանայ.
միւսը տանջանքը սկսած է զուցէ արդէն ծնած
օրէն և դեռ ով գիտէ որքան ալ տեսելու է բանտե-
րու, շղթայակիր տաժանանքներու մէջ. մէկին մա-
հացընողը կոյը դիտածն է. իսկ միւսինը մե՛նք՝
մեր ընկերութիւնը իր ծռութեամբ, իր բրաւ-
թեամբ, իր վայրենի օրէնքներովը ու անբնական
կաղմութեամբը: Խեղճ մարդ:

Նոյն միջոցին դաւազան մը երկընցաւ պա-

տուհանէն ներս ու լրագրի տակէն թեթև հար-
ւած մը տըւաւ:

Վասակ գլուխը բարձրացուց:

— Բագրատը դեռ չեկամւ. հարցուց եկողք:

— Ո՞չ: Հնա եկուր, Գէնրդ. նայէ այս պատկերը.
ինչ է այս:

— Ոճրագործ մը կարծեմ:

— Ոճրագործ. ինչ է ոճրագործը: Ինծի լսէ.
երկաթուղին կապեր են երկու գծերու մէջ. ոչ
դուրս կրնայ եներ, ոչ ներս. հիմա երեակայէ լո-
կոմոթիւլ. հնն լեցւած է ջուրը. տակն ալ անընդ-
հատ քարածուխը կը վառեն. արդ ինչ պիտի լինի
հետեանքը. ջուրը կը գոլորշիանայ. գոլորշին բան-
արւած է. ինչ պիտի ընէ. ուզէ-չուզէ պիտի պտո-
ցընէ չափւած, ձեած ու յարմարցուցած անիւները.
և երկաթուղին առաջ կ'երթայ իր գծերուն վրայ:

— Ե՛, ինծի մեքենաբանութիւն դաս կուտաս,
ինչ է:

— Ինծի պատասխան տնւր. հիմա այդ լոկոմո-
թիւլ այդ պայմաններուն մէջ, երբ իր գծին վրայ
գտնըւող մարդու մը մարմինը մէջէն կէս կ'ընէ,
ոճրագործ է:

— Սակայն այսօր նորէն շատ յիմար օրերէդ է,
ըստ երեսյթին:

— Յիմար, այնպէս չէ, ըստած յիմար է:

Աւ սկսաւ խնդալ բռնազրուիկ, կեղծ ծիծաղով
մը. յանկարծ ծիծաղը ընդհատեց ու վրայ տըւաւ.

— Իսկ դուն յիմար չես, հմ, երբ այս
իւեղձ մարդը ոճրագործ կ'անւանես: Անսիրտ, նա-
խապաշարւած, կարճամիւտ: Ահմ այս այն լոկոմո-
թիւն է, որ վայրկեան մը առաջ քեզի նկարագրեցի,
մեր մարդկացին սահմանափակ մտածումներով ասոր
համար տնտեսական գծեր ենք շիներ, ուրկէ ոչ մի
կերպ դուրս ենելու կարող չէ. խեղճի մէջը լեցու-
ցեր ենք բոլոր հարստանալու, ինքը տէր լինելու,
ինքը ուրիշներու վրայ տիրելու, ինքը ուրիշները
մնշելու, աշխատցընելու, հարստահարելու հակում-
ները, գաղափարները, փափազները. արդէն կրակը
բնականէն մէջը կայ՝ անօթութիւնը. և խեղճ մե-
քենայ. ուզէ-չուզէ առաջ պիտի երթայ. ճանապար-
հին վրայ մէկ ուրիշ մարդ է պառկած. կտրէ պիտի
մէջէն ու անցնի. կրնայ շեղիլ մե՛ր, լսէ, մե՛ր իսկ
շինած, շիտկած, պնդացուցած գծերէն. ոճրագործ,
հմ. խեղճ մեքենայ:

— Ե՛յ, ես քու մեքենայիդ ալ խէրը կ'անիծեմ,
քու ալ, ոճրագործիդ ալ. անդին նետէ սա լրա-
գիրը:

Պոռաց Գէորգ զայրացած, խլեց անոր ձեռքէն
թերթը ու նետեց հեռաւոր մարմարէ սեղաններէն
մէկուն վրայ:

— Դուն ինծի այն ըսէ ժամը քանիին է շո-
գենաւը:

— Զիտեմ. արդէն մէկ հատ եկաւ ու դնաց:
Սպասելէ ձանձրացայ. արդէն ձեզի հետ ճամբաց

ելնելը լսենդութիւն է ինքնին. ուր էիր մինչեւ հիմա:

— Բարեկամ, մենք քեզի պէս հով կլլող չենք. չգիտես, որ լսանը մեկ-բրկու հացրենակիցներուս հետ կը պարապիմ:

— Իրաւ. ես մոռցեր էի. ի՞նչ կը սորւեցնես, ամօթ չլինի հարցնելը:

— Միասին կը կարդանք. կը բացատրեմ, կը հասկըցնեմ, որով թէ ընթերցանութեան սէր կուտամ և թէ առիթ կը գտնեմ ոգեսորւելու ու անոնք ալ ոգեսորելու ինծի ամենէն աւելի հետաքրքրող ինսղիբներովը. հիմա Ծերենցի «Երկունքը» կը կարդանք միասին:

— Միայն, ի սէր Աստծու, զգմւշ. չլինի յանկարծ մուկ մը ծնէք. ըստ Վասակ չար ու չոր ծիծաղով մը:

Տեսակ մը զայրոջթ կ'ըզգար Գէորգի դէմ:

Ինքը անկէ շատ աւելի զարդացած, հասուն ու փորձւած լինելու էր. բայց անոր վրայ վստահութիւն մը, ոգեսորութիւն մը, իր ըրածին ու թողածին վրայ հաւատք մը կար, որ Վասակ իր մէջը չէր տեսներ:

Նախանձի պէս բան մը կ'ըզգար. ու այդ զգացումը ծաղրով լսեղել կ'ուզէր:

— Բարեւ ձեզ, տղայք, լսւեցաւ Բաղրատի զւարթ ու սուր ձայնը:

Պինդ մը սեղմեց երկուքի ձեռքը ու ինկաւ

աթոռի մը վրայ. ժպիտը շրթունքին, քիչ մը գունատ. գո՞ն ու յոդնած մարդու մը բոլոր արտաքին արտայայտութիւններով:

Բաղրատի հետ էին ուրիշ երկու երիտասարդ ուսուցիչներ ևս, որոնք անոր հետ կիրակնօրեայ վարժարանը կ'աշխատէին:

— Խէր լինի, Բաղրատ. ըստ Գէորգ: Այսօր շատ ուրախ կ'երենաս աչքիս. երկի օդէն է. այսպէս պայծառ օր:

— Դեռ գուն ճամբան տեսնելու էիր անոր ոգեսորութիւնը. նկատեց հետի երիտասարդներէն մէկը:

— Լաւ, ի՞նչ է պատահեր:

— Յովիաննէս աղբարը կը ցիշեմ, Գէորգ. ինքը մէջ նետւեցաւ Բաղրատ: Սա քառասունոց աղպապեղ մօրուքով միշտ լոիկ մարդը. ցիշեցիր:

— Է՞. Բարքը:

— Այսօր գասէն ետքն էր. գուրս պիտի ելնէի. կամաց մը ընծի մօտեցաւ ու մէկ կողմ քաշեց: Տարօրինապէս յուզւած էր. բան մը պիտի ըսէր, բայց կը քաշւէր: «Ո՞նչ ունիս, Յովիաննէս աղբար» հարցուցի: «Ի՞նծի ներէ, պարո՞ն. պատասխանեց. գուք ու ձեր ընկերները այնքան բարի էք, այնքան սիրով և սրտով մեզի հետ կ'աշխատիք, որ ես կ'ամշնամ. ըրածնուդ տակէն ոչ մէկ կերպ ելնել չեմ կրնար, գիտեմ: Գիտեմ, որ նւէր չէք առներ. բայց այս նւէր չէ. արդէն ձեզի համար ոչինչ ալ

չարժեր. իսկ ինձի անոր համար թանկ է, որ աղջիկներնիս ձեռքի բանածն է. զեռ երկրէն երէլ ստացայ. մի՛ մերժիր, պարմն. ինձի շատ կուրախացնես: Խեղճի ձայնը կը դողար և ձեռքը, որ այս թաշկինակը ինձի էր պարզած: Ախ, Գէնրդս, չեմ կրնար նկարագրեր, թէ ինչ զգացի այդ պարզ ու անկեղծ զգացումի, այդ քնքոյց արտայայտութեան դիմաց. յուզումէս ինչ ըսելս չգիտէի. ծերուկի ձեռքը սեղմեցի պինդ մը, թաշկինակը առի, հազիւ շնորհակալութեան մէկ-երկու բառ արտասանեցի ու փախաց սենեակս: Պահ մը վերջը պատուհանէն տեսայ, որ ծերուկը դպրոցի քարէ սանդուղներէն վար կիշնէր. ախ, Գէնրդ, տեսնելու էիր դէմքը. չգիտեմց երբ այդ դէմքի արտայայտութիւնը կը ցիշեմց ուրախութենէս ինչ ընելս կը մոռնամ. գոհութիւնց բերկրանք, հակարտութիւն, խանդաղատանք. ամէն բան կար այդ դէմքին վրաց դրոշմւած: Ինձի այնպէս կուգայ, որ չի լւած, չի տեսնւած բարիք մը գործած եմ. Բնչպէս ըսեմ. այս զգացումը չի բացարւիր. բոլոր մինչև հիմա ունեցած աշխատանքս վարձատրւած է կարծես. ոչ միայն այդ. զեռ կարծես վրաս պարտք դրւա՛ծ է զեռ շատ ու շատ աշխատելու. ահա այս թաշկինակով:

Ու թոթւեց թաշկինակը. փաեց ծունկերուն վրայ:

— Բագրատ. նկատեց Վասակ բոլորովին լուրջ դէմքով: Պահէ այդ հիմա. երբ օր մը սիրուհիէդ

օ-դը-քոլոնի մէջ թաթիւած մետաքսէ թաշկինակ մը նուշը ատանաս՝ ատոր քովիկը կը գնես:

— Պանրաքս լինի. ցանկացածդ այդ լինէր. պատասխանեց Բագրատ ժպտելով:

Վասակ յօնքերը կիտեց. ծաղրը չէր դիպած. կուզէր անպատճառ կերպ մը Բագրատը խածնէ, անոր այդ ուրախութիւնը թրւնաւորէ:

— Կամ եթէ կուզէս՝ ես քեզի ոսկեզօծ շրջանակ մը գնեմ. առ թաշկինակը մէջը դիր ու սենեակիդ պատէն կախէ, պատւի վկայականի մը պէս:

Բագրատ նայեցաւ Վասակին. նորէն թեթև մը ժպտեցաւ. ու սկսաւ ու շագրութեամբ թաշկինակը ծալլել իր ծալքերուն վրայ:

— Տեսնեմ անգամ մը. ըսաւ Վասակ՝ ձեռքը երկնցնելով:

Բագրատ թաշկինակը քիթին տանելով.

— Ի՞սկ հայու քիթի համար է չափած. ըսաւ Վասակ թաշկինակը քիթին տանելով:

Բագրատ մէկնիմէկ ոսքի ցատկեց ու կտրուկ շեշտով մը, որ դիմադրութիւն չի վերցներ:

— Զի համարձակիս. պուաց երեսին:

Վասակ սկսաւ բարձրածայն խնդալ ու ծաղրաբանելով ալ թաշկինակը ետ արւաւ:

Շոգենաւը սուլեց:

Ելան տոմակ առնելու:

— Ինձի նայէ, Բագրատ. ըսաւ Վասակ անոր թել մտնելով: Այդ քու ըրածիդ ցիմար զգայնո-

տութիւն կ'ըսէն. աղայ-մարդուն այդ տեսակ վար-
մունք չի վայլեր. պէտք չէ, որ հիստերիկ ազջկան
մը նմանիս. ամօթ է:

Բագրատ հպարտ ու արհամարտ ձեռքի շար-
ժում մը ըրաւ. ու առաջ անցաւ դէպի տուսակ
գնելու պատուհանիլը:

Պիտի երթային Գատը-դիւդ, Սարգսի տունը:

ԺՊ.

Շոգենաւը Ոսկեղիւրէն ելած՝ դէպի Մարմա-
րա կը ծըռւէր:

Տղայքը վեր ելած բաց օդի տակ կը խօսակ-
ցէին ու կը դիտէին շուրջը:

Բագրատ քաշւեր էր հովէն պատսպարւած ան-
կիւն մը ու կծկըւեր.

Վասակ՝ կռնակը միւսներուն՝ Բագրատի քովը
ոտքի վրայ կ'եցած ակնապիշ ծովուն ջուրը կը դի-
տէր:

Կը մտածէր:

— Բագրատ, ամենեին մտածե՞ր ես, թէ անձ-
նըւիրութիւն ըսւած բանը քանի փարա կ'արժէ.
Հարցուց յանկարծ լուռւթիւնը խզելով:

— Այսօր ինձի հանդիսաւ ձգէ. քիչ մը տկար
եմ, կարծես. քեզի հետ գլուխ դնելու բնաւ տրա-
մադրութիւն չունիմ:

— Չէ, կատակը մէկդի. լուրջ կը խօսիմ:

— Լսմծդ ինչ է:

— Լսէ: Մենք կեանք առած ենք ապրելու հա-
մար. և ամենէն առաջ մենք մեզի համար. էակի մը
դոյութեան ամենակական խնդիրը ինքըզինքը
պահպանելն է. զիսութեան այսօրւան հաստատւած
ամենապարզ ճշմարտութիւնն է այս. արդ՝ երբ
մէկը կ'ենէ և իր գոյութիւնը արհամարելով, իր
կեանքի խորհուրդը անգոսնելով՝ իր բնական աճումն
ու զարգացումը կը նւիրէ ուրիշ անհատի մը հան-
գլստեան, և կամ—որ աւելի է—որ և է գաղա-
փարի մը իրագործման՝ այն ատեն այդ ձեր ուղեղ-
ներու տրամաբանութեամբը կը լինի ինքնազոհու-
թիւն, անձնուիրութիւն. այնպէս չէ: Սակայն, ըսէ,
հիմա այն բնակման եղաւ. կեանքի, գոյութեան պայ-
մաններուն համեմատ եղաւ. իսկ այս մէկը կարծեմ
չես կրնար մերժեր, որ ինչ բնութեան հակառակ է՝
այն սխալ է, ծուռ է, անբարոյական է: Ահա քեզի
պարզ ճշմարտութիւն մը, որ վերջապէս պէտք է
ըմբըռնես:

— Ոլիմպոսի աստւածները քեզի խելք տան:

— Օրինակ. երեակայի, որ աշխարհիս մէկ ան-
կիւնը պատերազմ է ծագած. և կըուի պատճառ ալ
զնենք ամենէն ազնիւ համարւած բաները. օրինակ,
իրենց յաջորդ սերնդին տնտեսապէս ու բարոյապէս
աւելի հանդիսաւ պայմաններու մէջ դնելու փա-
փագը. և ենթադրենք—որովհետև ամեն անհեթեթ
բան ալ կարելի է ենթադրել—որ բոլոր զինւոր-
ներն ալ այդ գիտակցութեամբ ճշմարիս որ տո-

գորւած են, և ոչ թէ ճառերու, երաժշտութեան
ու օղիի գոլորշիներուն տակ պարզապէս մեքենա-
յացած. և ահա հարիւր հազարներով կ'երթան թնդա-
նօթին բերանը, կը մեռնին, կ'ոչընչանան, կամ
ինչպէս դուք կ'ըսէք՝ կը զոհւին. շատ լաւ. հիմա
այս ձեզի համար աննման դիւցազնութիւն մըն է,
առաքինութեան վերջին խօսքն է, այնպէս չէ. իսկ
չնախապաշարւած դատողի մը համար: Մտածէ. այդ
զոհւող հարիւր հազարներն ալ նոյն կեանքը ունին
ու գոյութեան ալ նոյն իրաւոնքը, ինքը և ասոնց
զոհողութենէն օգտող յաջորդ հարիւր հազարները.
Բ'նչ հաշիւ է այդ և Բ'նչ բարոյականութիւն. Կի-
րակոսը մեռցընենք, որ Թորոսը ասլրի. այդ գոր-
ծին մէջ շիտակը ես ոչ մի բարձրութիւն, ոչ մի
ազնըւութիւն չեմ տեսներ: Եւ անմիջապէս մարդ-
կութեան օգտի տեսակէտէն ալ դատելով՝ այդ Կի-
րակոսները գուցէ շատ ու շատ առողջ էին ու մարդ-
կութեան շատ աւելի պիտանի, քան քու Թորոս-
ներդ: Գիտես, այս պատմութիւնը ինչի՞ կը նմանի.
ամենամեղմ համեմատութեամբ 100 գրամ ածուխ
վառեցինք 100 գրամ նոր ածուխ պատրաստելու
համար: Ամենամեղմ կ'ըսեմ, որովհետեւ արդէն
պատմութեամբ ապացուցւած Փակտ մըն է, որ պա-
տերազմներու մէջ ոչնչացող սերունդը թէ Փիզի-
քապէս և թէ բարոյապէս շատ աւելի բարձր է
եղած, քան այդ զոհողութիւններէն օգտող յաջորդ
սերունդը:

— Դեռ չըլլմընցամբ:
— Առնեմ ուրիշ օրինակ մը: Մարդ մը, որ
առողջ է, խելօք է, որ կարող է կորովի սերունդ-
ներ առաջացընելկ'ելնէ ինքզինքը կը թուլացնէ,
իր ջղացին դրութիւնը կը խանգարէ, թոքերը կը
փտտեցընէ. և գիտես ինչու. որպէս զի քանի մը
սմքած, մէծ մասով սպիրոփի տիրապետութեան
վայրկեանին կեանքի կանչւած քանի մը ողորմելի
արարածներուն կրթութիւն տայ. հա, հա, հա.
կրթութիւն, կը լսես, բարոյապէս, ֆիզիքապէս ու
մտաւոր. հիմա այս անձնըւիրութիւն, ինքնազոհու-
թիւն է, չէ. սակայն բնակմն է: Եւ վերջապէս
Բ'նչ օգուտ. մի՛ մոռնար, որ այդ մարդը դրամ մը
իրական օգուտ չի կրնար տար իր ողորմելի սա-
նիկներուն, որոնք արդէն ախտն ու փչացումը ի-
րենց արեանը մէջն ունին. ու փչանալու են վերջ
ի վերջոց, ինչ ալ որ լինի:

— Կիցնուք. միայն հոգիդ սիրես վերջ տուր:
— Բայց Բ'նչ հեռուները կ'երթամ: Առնենք
այսօրւան քու գէպքդ. էշի պէս ամբողջ շաբաթը
Վաշլսատիս. — աշխատանքդ ալ աշխատանք լինի.
ինչ և է, հիմա այդ ձգենք. — այն փոշիներու, այն
խմբուքի, այն հոտած տղոց մէջ...

— Հոտածը դու ինքդ ես:
— Նայէ, արդէն գոյնդ-մոյնդ թուեր է, վաղը-
միւս օր բժիշկները աւետելու են, որ թոքերուդ
ճիւղիներուն մէջ անկոչ բացիներ իրենց գանց

դրեր են. իսկ դուն գեռ ունեցած մէկ խեղճուկ կիրակիդ ալ կ'երթաս նորէն կը զոցւիս այն անպիտան սենեակներուն մէջ ու ժամերով շունչ կը հատցընես. Այն ալ ինչու. 4- 5 մարդու մէկ երկու կատրիկ բան պիտի սորւեցընես. այդ մարդիկն ալ այլչափ բան թող պակաս զիտնան, ինչ կ'ենէ. կամ թէ մենք որ մէկ երկու բան աւելի ենք սորւեր շատ մեծ խեր մը տեսեր ենք: Բայց չէ. ծիծագելին որն է. այդ բոլոր իշացին աշխատանքէն վերջը՝ դիւղացին իր պարզ տրամաբանութեամբը ուզեր է քեզի կերպ մը վարձատրէ, ու առեր թաշկինակ մը բերեր է. բարով վայելես. իսկ դժուն. շըւարեր, յուզւեր, տակնուվրայ ես եղեր. ինչու. որովհետեւ շաբաթներով կրած չարչարանքիդ փոխարէն 20 փարանոց լաթի կտոր մը ստացել ես. հա, հա, հա. յիմարութիւն յիմարութեանց. չէ, արդէն այդ յիմարութիւններու սատանան է:

Բագրատ ժամեցաւ. իսկ Վասակ շարունակեց.

— Այս այդ է ձեր անձնը իրութիւնը, ինքնազոհութիւնը, գերագոյն առաքինութիւնը, բարոյական գագաթնակէտը, ես ինչ զիտնամ. արդէն դուք տմեն յիմար բանի համար տակառներով բաւեր ունիք. մինչդեռ միւս կողմէն ծշմարիտ, իրական բաներու անունը անգամ տալու կը վախնաք, կամչնաք: Եթէ ինծի մնայ՝ այդ բոլոր բառերը կը չնջեմ բառարանէն և ատոնց տեղը կը զրեմ պարզ ծշմարտութիւնը. ոչ թէ անձնը իրութիւն, այլ

պարզապէս էշնահատակութիւն: Վերջապէս աչքերդ բայց, ինքդ երեսցները վերլուծելու վարժուէ, և ոչ թէ պապիկէդ ու թոռմըշտած վարժապետէն սորւած անհեթեթութիւնները անդադար կրկնէ. և այն ատեն պիտի տեսնես որ հազար անգամ կարգացած ու բիւր անդամ լսած ամենապարզ համարած ծշմարառութիւններէդ, իդէալներէդ, զաղափարներէդ մեծագոյն մաս մը ձմերուկի ջուր է, որ թէւ անուշ է, բայց փոր ուռեցընելէ զատ՝ ոչ մի սնունդ չունի:

— Վերջի ըսածներդ սկզբունքով կ'ընդունիմ: Բայց ինչ կը վերաբերի անձնըւիրութեան, Վասակ, մենք իրար չենք կրնար հասկընար. պարապ տեղը շունչ կը հատցընես. մէկ կէտ մը կայ, որ դուն չես ըմբընած, և ըմբընելիք ալ չունիս: Սիրելիս, այն բոլոր դժւարութիւնները, որ դուն հաշւեցիր, ես այդ բոլորէն հաճոյք կ'ըզգամ: մի՛ կարծեր թէ աշխարհի մէջ մարդ մը դանըւի, որ իշ կամքովը իր հս-ին ահաճոյ բան մը լնէ. եթէ կ'ընէ՝ անպատճառ աւելի մեծ հաճոյքի մը յոյսը ունի: Իմ ըրածս ուրիշներու կրնայ անձնըւիրութիւն թւիլ բայց ինծի համար պարզապէս իմ էսութեանս հաճոյքն է: Ուրիշներու բարձրացսան նպաստած լինելու. մարդկացին յառաջդիմութեան ասեղի խթան մըն ալ ես արւած լինելու, իմ ըմբընածս իմ նմանիս ալ հազորդելու, կեանքի, գործի, շփման ու կրտի մէջ լինելու գիտակցութիւնը ինծի համար

շատ ու շատ աւելի մեծ հաճոյք ունի, քան ուրիշ հազարաւորներու պէս ուտել, խմել ու հարստանալու ետեւ վագիլը. ամեն մարդ իր հաճոյքին. ուրիշ ոչինչ իսկ թէ այդ հաճոյքը իմ ուժերս կ'ըսպառէ՝ ատոր պէտք չէ որ զարմանաս. բնութեան մէջ հաճոյք ու սպառում մի՛շտ ձեռք-ձեռքի են. յիշէ օրինակ սէրը Հաճիք. ահա հնա է մեր բաղիսման կէտը: Մենք իրարմէ տարբեր կերպով կը մտածենք ու տարբեր կերպով ալ կ'ըզդանք:

Բայց մեր օրգանիզմները նոյն են. ես ալ, դուն ալ նոյն կենդանական սեռի միենյն դասին կը պատկանինք. և գիտապէս անկարելի է, որ նոյնակազմ օրգանիզմներ իրարու տրամագծօրէն հակառակ կերպով իրենց ուժը արտայացնեն. ուրեմն պարզ է, որ այս երկու կերպ մտածումներէն ու զգացումներէն մէկը հիւանդ է:

— Իրաւունք ունիս. մեզմէ մէկը հիւանդ է. բայց ով. անկեղծ խօսելով՝ չեմ կրնար ըսեր. գուցէ գուն. բայց գուցէ և ես, կամ գուցէ երկուք ալ: Եւ քանի որ վերջապէս կտո մը գտանք, ուր երկուք ալ իրարու համաձայն ենք, եկանք կանդ առնենք. գլուխս ցաւել սկսաւ:

Վասեկ սկսաւ դիտել Բագրատի թեթև մը գժունած այտերը, ցոլուն աչքելը. և տեսակ մը յուզում զգաց. կարծես կարեկցութիւն, կարծես պատկառանք, կարծես համբուրելու փափագ մը, կարծես նախանձ:

Եաքը քայլ մը հեռացաւ, մինչև մէջքը շոգենաւի եզրէն վար կախւեցաւ ու աչքերը շոգենաւի անիւներուն հանած փրփուրին ու տակնուվայութեանը յառած նորէն թաղւեցաւ մտածումներու մէջ:

«Հաճիք...» կը մտածէր:

ԺԴ.

Սարգսի տունը Գատը-դիւղի նաւամատոյցէն շատ հեռու չէր:

Հազիւ սպասաւոր մանչը գուռը բացաւ, «Ո՞ Գէորգ թոքերու բոլոր ուժովը՝

— Սերգօ, պոռաց:

Ու վերէն լսեցաւ Սարգսի առողջ ձայնը.

— Եկացք առ իս ամենայն վաստակեալք և քեռնաւորք, և ես հանգուցից զձեզ. զի գինին իւր քաղցր է և խոհարարս մեծհոգի:

— Կեցցէ մեր տիրացուն. պատասխանեց վարէն վասակ:

— Ո՞ր ծակն ես մտեր. կ'ըսէր Բագրատ սանգուղներէն վեր ելնելով:

Եւ հինգը մէկէն մտան սենեակ մը, որ մանչը խնդալով մատնանիշ ըրաւ:

Անկիւնը, պատուհանին քով, խոշոր գրադարանի մը առջեւ, զեռ գիշերագդեստով՝ Սարգիս նշանած կը գրէր:

Երբ տղայքը միասին ներս խուժեցին, գլուխը

քիչ մը ետ դարձած ու ժպատելով՝ ըստ։

— Հա, վանդալներ. քիչ մը խոլօք նստեցէք։
հիմա կը վերջացընեմ, հիմա։

Ու սկսաւ արտագրել զրւածքի մը վերջին տողերը։

Բագրատ ծռեցաւ ու անոր ուսերուն վրային
կարդալ սկսաւ։

Տղայքը բազկաթուներու մէջ ինկած կ'ըստա-
սէին։

Իսկ Վասարի ձեռքերը ետին կապած՝ կեցած էր
Սարգսի գրադարանին առջև. ու գրքերուն կողերը
կը կարդար.

— Կիկերոնի «Ճառ յաղակս բարեկամութեան».
անթիքա։ Միիթար Այ... այրիիթ... վանցի. հըմ,
հայրենակից է երեխ. վանցի։ «Հացի խնդիր» լաւ։
Որնան, ուհ, գործը մեծցաւ։ «Տնտես-ա-գիտու-
թիւն»։ այս մոլորւած ոչխարը հոս ի՞նչ գործ ու-
նի։ Սպէնսէր։ Լասարի... լաստիվ՛որ... լաստիվերտ...
իտալացի լինելու է։ «Ողիսական», Պուլեան, Շահ-
ազիզ, Զորա. վայ, վայ, վայ, բանաստեղծներու
կծիկը քակեցաւ։ «Փիլիսոփայութեան պատմու-
թիւնը մինչեւ...»։ հըմ։ «Կրօնքներու ազդեցու-
թիւնը ընկերական», հըմ։ Մանկավարժական...
անաման...»

Բացաւ բերանը ու սկսաւ խոշորաձայն յորան-
ջել։

Ամենքը միաբերան խնդալ սկսան։

Սարգիս արագ վերջակէտ մը դրաւ, գրիչը
նետեց ու ցատկեց ոտքի։

— Տղայք, կարդամ յօղւածո՞ւ լսեցէք։
— Յօդւածդ մեր փորը չի կշացըներ. անօ-
թի ենք մենք, բարեկամ. նկատեց Գէորգ։

— Խնչի՞ մասին է. հարցուց Վասարի։ Նորէն
կամ վարդապետ, կամ վարժապետ. ուրագ բան։

— Ոչ. քաղաքակրթութեան գարգացման վրայ
ակնարկ մըն է. սպատասխանեց Սարգիս։

— Հըմ. ի՞նչ խոշոր վերնագիր. վախնամ քա-
դաքդ իր դռներէն դուրս ենէ։ Կարգա նայինք։

— Զէ, չէ, վերջը։ փորերնիս անօթի է. կրկնեց
Գէորգ։

— Կեցէք. միայն սա վերջին կտորը կարդամ։
ամբողջի մասին գաղափար մը կը կազմէք։ Կեցէք,
ուրկէ էր. հա.

Ալյապէսով քաղաքակրթութիւնը ծլաւ Ասի-
ացի հողին վրայ. հնն ուժ առաւ, հնն ոտքի ելաւ,
հնն ըրաւ իր առաջին քայլերը։ Ասորեստանցիք,
բաբելացիք, պարսիկները, հնդիկները, հրէան ու
փիւնիկեցիք, այլև քաղցէացիներու ծնունդ եգիս-
տացիք՝ ահա այն աղգերը, որոնք հիմք դրին մեր
արդի ընկերական ու քաղաքական ամեն վիճակնե-
րուն։ Երբ թագաւոր, զինւորական հաստատուն կա-
ռավարական ձեւեր, դիր ու դրականութիւն, ար-
հեսաներ և արւեստներ, առևտուր, երբ այս բոլորը
արդէն ւնէր Ասիան, անդին Եւրոպան ճահիճներով

ու անտառներով ծածկւած վայրի բնութիւն մընէր դեռ, ուր վայրենի ցեղեր կը թափառէին։
 «Բայց եկաւ ժամանակը՝ Ասիան կատարած էր իր առաջին գործը, ալ հողը յոդնած էր, ու հանգստի պէտք ունէր իր ուժերը վերստին ժողւելու համար։ Եւ քաղաքակրթութիւնը անցաւ Եւրոպայի սիմէն ներս. ու ծլաւ Եւրոպան իր անտառներէն. մեծյաւ, զօրացաւ ու հասաւ արդի տիրող բարձրութեան. և հիմա ալ ան իր կարգին յոդնած է. ու հանդիսաւ կը պահանջէ։ Քաղաքակրթութիւնը նոր, թարմ ուժերու պէտք ունի, երկար դարեր հանգըստացած, կամ բոլորովին չգործածւած հողի։
 «Եւ ահա քաղաքակրթութիւնը Եւրոպայէն ալ սկսաւ չըւել. Այսկ կողմէն դէպի նոր. Աշխարհ, միւս կողմէն դէպի իր հին Ասիան։ Սիրիր, Հնդկաստան, կեդրոնական Ասիա Երկաթուղիներ կը վազեն արդէն. Զինաստանի դարեռը պարիսպները սկսած են կործանւիլ. Ճապոն մը աշխարհ եկաւ. Պարկաստան շուտով պիսի ցնցըւի, և քաղաքակրթութիւնը նորէն Ասիայինն է։
 «Եւ ասիական դեռ շատ մը ազգեր նոր պիտի սկսին իրենց գործունէութիւնը մարդկային զարգացման սանդուղին վրա։ Ամբողջ միլիոններ կան—մենակ Զինաստան 400 միլիոն ունի, — որոնք քաղաքակրթութեան համար քրտինք պիտի թափեն։
 «Եւ միւսներուն հետ՝ այսքան դարեր համբերութեամբ սպասող ու յամառութեամբ ոչնչացման

դիմադրող մեր փոքրիկ ժողովուրդէն ալ իր կոյս ու շղթայւած ուժերուն գործածութիւնը պիտի ստանայ։
 «Ան ալ վերջապէս պիտի թափէ իր քրտինքը քաղաքակրթութեան համար։
 — Բուաւո, պոռաց Գէորգ։
 — Նիք է. նկատեցին երկու երիտասարդները։
 — Ի'սկը լրագրի յօդւած. Ժամանակ։
 — Բայց ես կ'ուղէի, որ այդ քաղաքակրթութիւնը գէթ մէկ-երկու բառով նկարագրէիր. ըստ Բագրատ մտածկու։
 — Այսինքն, հարցուց Սարգիս։
 Բագրատ քիչ մը ճակատը շփեց. ու սկսաւ խօսիլ.
 — Ա', կ'երեակացեմ ես այդ քաղաքակրթութիւնը։ Ասիայի մէջ ամեն բան խոշոր է, վեհ, լայն, լնդարձակ. հոս ալ չեն լինիր Եւրոպական քաղաքակրթութեան պղոտիկ իննդիրները. կուր ու աւերտում նախապատմական բաներ կը դառնան. բոլոր ազգերը կապւած իրարու. բնական սերու կապերով միացն ընդհանուր բարեկեցութեան համար կ'աշխատին՝ իւրաքանչիւրը իր տեղական-ազգային ունակութիւններուն համեմատ։ Արդի տնտեսական կեանքի անհաւասարութիւնը, հարստութեան անհաւասար բաշխումը, աշխատանքի ու վարձի անզուգակութիւնը, գործաւորական պայքարները և այլն ապագայ պատմութեան ուսուցչապետէն ժա-

մեր պիտի խլեն իր ունկնդիրներուն քիչ-շատ հաս-
կանալի լինելու համար: Մեր կրօնքը, մեր բարոյա-
կան գաղափարները, մեր ընտանեկան կեանքը նա-
հապետական պիտի անւանւին. մեր գրականութիւնը՝
մանկական. մեր գիտութիւնները ու արհեստները՝
առաջին խարխափումներ: Ելեքտրականութիւնն ու
մագնիսականութիւնը, օրինակ, կրակէն հասարակ,
առօրեաց գործածութեան տարրական բան մը պիտի
դառնան. և նոր հնարեած հազորդակցութեան մի-
ջոցները «հեռու» բառին գաղափարը անըմբոնելի
պիտի դարձնեն. Օդն ալ պիտի հնագանդի մարդու
կամքին. ստորջրեաց անտառները, ընդծովեաց բնու-
թեան հիմնալի տեսարանները այն ժամանակւայ
տուրիստներու սիրեկան ու շատ յաճախւած վայրերը
պիտի լինին: Ապագայ գիտնականները նողկանքով
պիտի կարգան մեր արդի դատարաններուն, պատիժ-
ներուն, բանդերուն ու գլխատութիւններուն նըկա-
րագիրը. ճիշտ այնպէս, ինչպէս հիմա մենք հաւա-
տաքնութեան էջերը կը կարդանք: Եւ ապագայ
կինը իր կոչման ու զարգացման բարձունքէն բէրէք
պիտի անւանէ մեր արդի սալոններուն տիկինները:
Եւ այս բոլորը այս հողին վրայ, ուր մենք հիմա
մեր ողորմելի պայմաններուն մէջ քարշ կու դանք:

Լոեց: Լուած էին պահ մը միւսներն ալ:

Սարգիս, նիւթով գրաւեած, Բագրատին բան
մը ըսել կ'ուզէր, Վասակ մէջ նետեցաւ.

— Ե՛, մենք հոս քարո՞զ մտիկ ընելու եկանք:

— Անօթի՛ ենք. պոռացին Գէորգ ու միւս երկու
երիտասարդները միաբերան՝ Գէորգի տըւած նշանին
վրայ:

— Հիմա, հիմա, սովեալներ. յայտնի է, որ
վարժապետ էք, է. պատասխանեց Սարգիս. և —

— Դայն տըւաւ սպասաւորին. ու վա-
նեցւոց բառբառով քանի մը հրամաններ աւելցուց:

ԺԵ.

Պլղտիկ սենեակ մըն էր ճաշարանը:

Պլղտիկ ալ սեղան մը, մաքուր սփռոցով ու
սպասներով, որուն շուրջը շարւեցան երիտասարդ-
ները:

Գիւղական սովորութեամբ ընտրըւեցաւ սեղանի
իշխան: Զայներու սուար մեծամասնութիւնը ին-
կաւ Վասակի վրայ, որ բաժակներու բաղխմամբ իր
պաշտօնին գլուխը անցաւ:

Սկիզբները խօսակցութիւնը աւելի լուրջ էր.
և բոլորն ալ աւելի ուտելով էին զբաղւած: Բայց
իշխանի հրամանով իրար յաջորդող կենացները
զլուխներու մթնոլորդը փոխեց: Ու իրար ետէ հո-
սող ճառերն ու ոգեւորումները հետզհետէ բովան-
դակութեամբ պղտիկնալ, ծաւալով մեծնալ սկսան:

Երգերը խռպոտեցան. ծափերը ուժովցան: Գէ-
որգ գիւղական քանի մը ձեւեր պարեց:

Սարգիս երդեց դաւառական լէլէ մը. Գէորգ
յուղումէն կուլար. Վասակ իր լայն աթոռին մէջ

փուած անմիտ ժպիտով մը կը խնդար. Բագրատ
տխուր էր:

Երբ սրախօսութիւններուն տոպրակը սպառեցաւ, երբ ձայները բոլորովին մարեցան, և երբ փոքր սենեակին օդը ալ նեղ գալ սկսաւ. Սարգիս առաջարկեց երթալ Մօտա ծովեզը:

Ծովի շունչը ամենքը կազդուրեց. աղօտած հայեացքները պայծառացան. ու սովորաբար այդ տեսակ խենթ վայրկեաններուն յաջորդող ծիծաղելի լրջութիւն մը թառեցաւ վրանին:

Գէորգ կեանքի մասին կը փիլիսոփայէր.

— Ի՞նչ է մեր կեանքը. կ'ըսէր: Ի՞նչ անմիտ բան է մարդու կեանքը. այսօր կ'ուտես, կը խմես, կը խնդաս. ու վաղը այլ ևս չի կաս. թնչ անխորհուրդ բան. հէ, տղայք, թնչ է այս կեանքը:

— Այս կեանքը. պատասխանեց Վասակ քմծիծաղ: Այս կեանքը զեռօններու շարք մըն է, որոնց մէկն կ'ելնենք միւսին մէջը մտնելու համար:

— Շատ փիլիսոփայական. նկատեց Բագրատ:

— Շատ ցինիկ, աւելցուց երիտասարդ ուսուցիչներէն մէկը:

Իսկ Սարգիս իր յօդւածէն դրդււած կը տրամաբանէր. մարդկակին յառաջդիմութեան խոշընդուեղող պատճառներուն վրայ:

Բագրատ ինքը հինքները հետզհետէ աւելի ու աւելի անհանգիստ կ'ըզգար, թէեւ ձայն չէր հաներ:

Մինչ այս՝ կամուրջ մեկնող վերջին շողենաւի-

ժամանակը մօտեցած էր:

Սկսան նաւամատուց շտապել:

Սարգիս Բագրատի թեր մատա. ու երկուքով միւսներէն քանի մը քայլ ետ մնացին:

— Ինձի նայէ, քանի միոքս է չմոռնամ. սկսաւ Սարգիս: Երէկ ձեր թաղականներէն հաստափորը տեսայ. գանգատիլ սկսաւ նորէն: «Քու մարդդ մեզի սուղի կը նստի»՝ կ'ըսէ: «Ի՞նչ կայ» ըսի: «Հինգ-վեց ամսըւան մէջ մէկ երկու տարւան ծախք ընել տըւաւ. այս ճանապարհով դործի տակէն չելնըւիր» կ'ըսէ: Ես ալ սկսայ փաստաբանել, թէ տղայ կը թելը դիւրին բան չէ. թէ առանց այդ ծախքերու շնորհքով դպրոց չի ստհնիր. և այն. ինչ և է, գլուխը իւղեցի ու գնաց:

— Եէ. այդ պատմութիւնը կարծեմ նոր չէ. ըսելիքդ թնչ է:

— Սիրելիս, այզուկս անհոդ լինել անկարելի է. քիչ մըն ալ կարեւորութիւն տնւր այս խնդիրներուն. շատ վերանալն ալ բան չէ:

— Ի՞նչ կ'ըսէս, մարդ Աստծու. թնչ վերանալ, թնչ վարանալ. դործիք պէտք էր՝ դործիք առի, գիրք պէտք էր՝ գիրք բերել տւի. չընէի. թաղականներու քէֆին չէ եկեր. թնչ ընեմ. ես այդ առաջւնէ գիտէի. բայց ամեն կերպ աշխատեցայ ու յաջողցուցի. և ասկէ վերջն ալ ընելիքս այդ է. այդ մարդոց ուժով դործ տեսնել տալու է, ուրիշ նար չի կայ:

— Բայց ինձի լսէ. այդպէս խենթ-խենթ գործ գլուխ չելներ. վերջը բոլորովին կը խրտնին. կամաց-կամաց գնա, որ տեղ հասնիս:

— Է՛, նորէն միջնադարեան դասողութիւններ. կամաց-կամաց: Հերիք որքան կամաց-կամաց. այնքան ենք կամաց զացեր մինչև հիմա, որ վերջապէս առանց նկատելու բոլորովին կանգ ենք առեր: Քիչ մը շարժւելու է, շտապելու է: Հերիք կամաց-կամաց. քիչ մըն ալ արագ-արագ:

— Եատ արագ վազողը շուտ շնչասպառ կը լինի: Թող լինի լինչ որ լինելու է: Թող վազենք լինչքան որ կրնանք. երբ շնչասպառ լինինք մեր յաջորդները կը վազեն: Զիաւոր սուրհանդակը, որքան յաճախ ձին փոխէ, այնքան արագ իր նպատակիւն կը հասնի:

— Է՛, քեզի հետ խօսելը պարապ բան է: Բայց այդ փիլխօփայութիւններէն անդին քիչ մըն ալ գործը մտածէ: Քիչ մըն ալ որ լարես, քեզի կը հրաժարեցնեն, ու լմնցաւ:

— Խերերնին անիծեմ. ինձի աշխատելու տեղ կը պակսի:

— Բայց այսչափ որ աշխատեցաք:

— Ի՞նչ... Ովէ է, տեսնեմ, ինձի ճամբու դնողը. չեն համարձակիր:

— Հիմա քեզի ճամբու դնող չի կայ, բայց ամէն գործի գէշ կողմն ալ մտածելու է:

— Զգէ, եղբայր, յոռետեսութիւններդ: Հիմա

աշխատինք, քանի որ բան չիկայ. երբ գայ՝ կը մտա. ծենք: Ամպ չեղած տեղը կարկուտէն վախնալը ցի-մարութիւն է:

— Բայց այդ աստիճանի լսւատես լինելն ալ բան չէ:

— Ես իմ ասողիս կը հաւտամ:

— Հաւտամ ինձի, քու այդ բաց, անհոգ, ինք-նավստահ բնաւորութիւնող քեզի շատ չարչարանք պիտի պատճառէ:

— Առանց չարչարանքի կեանքը համ չունի:

— Սակայն իզուր, աւելորդ չարչարանք:

— Քու այդ ըմբռմամբ կեանքի բոլոր յուղումները, մաքառումները աւ ելորդ են լինելու. սակայն, ըստ, այդ աւելորդ անւանած յուղումներէդ զատ կեանքը ուրիշ լինչ հաճոյք ունի:

— Օդէ խօսքեր. ալ ըսելիք չունիմ: Փալք. շոգենաւդ մեկնելու վրայ է:

Բայց հազիւ նաւամատոցի տախտակամածի վրայ սոք դրին, որ շոգենաւը բացւեցաւ:

Միւսներն ալ, որ կ'ըշապակին, ետ նայեցան. ու իրարու հարցական հայեացք մը նետեցին:

— Է՛, աւելի լաւ. գիշերը ինձի կը մնաք. բացականչեց Սարգիս ուրախացած: Գէորգը ծոցս կ'առնեմ, ուրիշ անկողին մըն ալ ունիմ, ձեզմէ երկուքին կուտամ: մնացած երկուքն ալ բան մը կ'ընենք: Դէհ, քալեցէք երթանք. այս լաւ եղաւ:

Տղայքը նորէն իրարու նայեցան ու Բագրատին:

Բագրատ լուս մեկնող շոգենաւին կը նայէր:

— Քալէ. ըստ Սարգիս թևէն քաշելով:

— Ո՞չ. ես տուն երթամ պիտի. զիշերը պատրաստելու գործ ունիմ. վաղ առառու ալ շատ կանուխ դալոցը պիտի գտնվելիմ. հոգաբարձութեան նախագահը տեսնելու եմ. քանի մը մանր գործեր կան կարգադրելու. որ մնայ՝ ալ խերը տես:

— Վազ անցիր. կը կրկնէին միւսները: Այս օր ալ թող այսպէս անցնի:

— Ո՞չ. կարելի չէ. ես մակոյի մը կը բռնեմ ու կ'երթամ:

— Խենթ ես. արդէն մթնելու վրայ է. ծովս ալ անհանդարտ. նկատեց երիտասարդ ուսուցիչներէն մէկը:

— Մութը ինձի ինչ. ծովս ալ ինձի չի բռներ. չէ, երթամ պիտի: Նաւավար, պոռաց ծովեղը դառնալով:

— Ե՛, ան որ գլուխը բան մը դնէ՝ այլ ևս համոզել կարելի չէ. բայց այդ յիմար բնաւորութիւն է. ըստ Գէորգ զայրացած:

Նորէն քանի մը փորձեր ըրին համոզելու. Բագրատ չհամաձայնեցաւ. թոթւնց անոնց ձեռքերը ու մոտ մակոյիք:

Ընկերները բաւական երկար նաւամատոցի վրայ կեցած թաշկինակ կը շարժէին:

Բագրատ կը պատասխանէր:

— Կամ այդ տղու դլուխը դրումի կուտով է

շեցւած, և կամ... կամ, ինքս ալ չգիտեմ ինչ ըսեմ. մոմուաց վասակ:

— Երթանք. կրկնեց Սարգիս:

Ու խումբը իր կոնակը դարձուց ծովին, ուր դեռ աւին կուտար Բագրատը տանող մակոյին փոքրիկ առագաստը:

ԺԶ.

Մակոյիը արդէն ծովուն բացերն էր: Հճն, ուր Ոսկորի հոսանքը Մարմարացի ալիքներուն հետ կը գրկըւի:

Նաւավարը թողած էր թիերը ու առագաստը կը կաւավարէր, իր պաշտօնը յանձնած Աւ-ծովէն փչող պազ հովերուն:

Մակոյիը կը սուրար՝ ջրի ծծերուն վրայէն, որոնց պտուկներէն կաթ-փրփուրը կը ծորէր:

Մակոյիը կը սուրար՝ թեքւած դէպի ձախ: Երկու մատ միայն կը զատէր ջուրը նաւակին եղերքէն:

Բագրատ բնազգաբար աջ կողմը յենած կը դողար հովէն. զնւր կծկիլ կը ջանար իր վերարկուի ու դլխարկին եղերքներուն տակ:

Աչքերը շեշտ նաւակի եղերքէն վազող ջրին յառած՝ կը մտածէր:

Ահա մատ մը միայն մահէն հեռու, մատ մը միայն: Հովի քմահաճոյքէն աւելի ուժգին շունչ մը, աւելի կամայական ու մեծկակ ալիք մը, նաւագարի կողմէն սխալ մը—և վերջացաւ. վերջացաւ

այս կեանքը իր բոլոր անուրջներով, տենչերով, նպատակներով, գործունէութեամբ, զգացումներով։ Զգալու գործել. ահա կեանքը, կենդանութիւնը, մեր նիւթի կենդանական յատկութիւնը։ Երկու-երեք ափ ջուր թռքերուն մէջ—ու նիւթը կորսնցուց արդէն իր այդ յատկութիւնը։ չնչին անկանոնութիւն մը ելեքտրական մարտկոցներու շղթային մէջ—ու ան ալ դադրած է ելեքտրականութիւնը արտադրելէ. ճիշտացդպէս մարտկոցներու շղթայ մը չէ և մեր մարմինը, ուրկէ կենդանական ուժը կը հոսի՝ ելեքտրականութեան ալդ հարազատ քոյրը, որ հոգի կ'անւանենք. է, ինչ խեղճ բան. և մենք, որ այնքան հըպարտ ենք մեր հոգիովը, մեր հոգեկան կարողութիւններովը. իրաւ, որ ծիծաղելի է. ստամոքսի, սրտի, թռքերու, ջիղերու ու մկաններու հանգոցէն կազմած ելեքտրական մեքենայ մը, որ կը հպարտանայ։

Վայկեան մը ջիղերը դադրեցան գործելէ. աչքերը անշարժ սևեռած մնացին ջրի ուռեցքներուն վրայ, մինչեւ նորէն շողած մտածումը իր գանդին տակ։

«Մահ. ի՞նչ յիմար բան, ի՞նչ գռեհիկ, ի՞նչ հասարակ. և մենք կը վախնանք, կը սոսկանք անկէ. ինչու. որովհետեւ վախցուցեր ենմեզի, ճշմարտութիւնը ծածկեր են մեզմէ, նախապաշարեր են մեզի։ Մահ. ի՞նչ է այդ. քիմիական պարզ բազայրում մը. հին մոլէքիւներու իր ատոմներուն վերլուծւիլը»

այդ լուծւած ատոմներէն նոր կազմութեան մոլէքիւներ վերաբազրելու համար. նոյն տարրերու քիչ մը տարբեր կապակցումը, ուրիշ ոչինչ։ Խակայդ գործողութիւնը միթէ ամեն վայրկեան մեր մէջը արդէն չի կատարւիր. արտաշնչւած օդի իւրաքանչիւր ումզը, քրտինքի ամեն մէկ կաթիլը միթէ մեռած հիւլէի մը յուղարկաւորութիւնը չէ. միթէ մեր իւրաքանչիւր մտածումը, իւրաքանչիւր շարժումը միլիոնաւոր մասնիկներու մահան արդիւնքը չէ, և մենք կը վախնանք այդ մահէն, կեանքի այդ անբաժան լնիկերէն. քիմիական այդ փոփոխութիւնն, որ փոխանակ փորձի սրւակի մը մէջ կատարւելու, մեր մարմնին մէջը կը կատարւի։

«Մահ. մեր օրգանիզմի այդ ամբողջական փոփոխումը հետաքըբեր է. իրաւ. բայց ահաբեկի՞չ երբէք։ Օրինակ, ինչ հետաքըբեր բան, ենթադրենք, որ այս շուրջս կաքաւող ալիքներէն մէկը յանկարծ կրքոտեցաւ ու մեր մակոյկը գրկել ուղեց. ի՞նչ կը լինիմ ես. երեկի, քիչ մը կը տապլատիմ, ի՞նքը զի՞նքս ազատել կը փորձեմ. հետզհետէ աղի ջուրը կը մտնէ թռքերս ացցելութիւն մը տալու ու հոն կը տեղաւորւի. մինչդեռ այդ գրաւած գաւառէն օդը սիրուն պղպչակներով ղեպի վեր կը վազէ բանաստեղծօրէն, ես կը բռնեմ յատակի ճամբան. ճշմարիտ որ հետաքըբեր է լինելու. կ'ըսն վերջին վայրկեանին մարդ իր ասլրած կեանքի զրաւիչ զըրւագները կը լիշէ, օրինակ իր առաջին սէրը. և այդ

վերցուշներն ալ կը դնեն կեանքիդ վերջակէտը. ու
լմնցաւ. այլ ևս չի կայ իմ ևեսը. այդ խոշոր
բարդ ևես. էն ուրիշ աւելի տարրական միլիարդներով
ևես եր կը բաժնըւին, մէկ մեծ մասն ալ ուրիշ
ևես-երու մէջ գործելու կերթայ մնունդի ձևերուն
տակ: Եւ կամ, ով դիտէ, յարմար կաւային տղմի մը մէջ
կը խրիմ. և հոն կը մնայ անսպարտ երեմն իմ ևես-ը
կազմող մարմինը. կը մնայ հոտ միլիոնաւոր դարեր.
և յանկարծ օր մը մեր մարդկային սեռէն առա-
ջացած աւելի գերագոյն կենդանական հասարա-
կութեան մը մէկ անհատը կը գտնէ ինձի,
դուրս կը հանէ ինձի տիղմէն գիտական բոլոր
զգուշութիւններով ու կը տանի իրենց մու-
զէումը ցոյց տալու իրեններուն այն նախապատմա-
կան ևմարդա կոչւած կենդանիին մէկ նմուշը: Մեղք
որ այն ատեն զգալ չեմ կրնար. թէ չէ, ով դիտէ,
որքան հետաքրքիր բաներ տեսնել կրնայի. մեղք:
«Բայց, է, հերիք մահւան մասին մտածեմ.
քանի որ կապրիմ թող կեանքը ինձի հետաքըր-
քըրէ: Ա՛, ինչպէս տաք է. կարծես գլուխս կ'այրի.
ով դիտէ, ինչպէս զով է հիմա ծովուն մէջ, ծովուն
տակը. հոն ալ կեանք կայ, չէ. հետաքրքիր էր ան-
գամ մը այդ կեանքովը ապրիլ ջրի կեանքով, ջրի
տակի ձորերուն ու լեռներուն մէջ. ա, ինչ սիրուն
կը լինէր ձուկ ծնած լինէի. իմ հայրենիքս երկու
ընդունեայ քարաժայուերու իրարու յենած կէտը
լինէր, ուր սեղերու տրցակ մը զով ջրին մէջ կ'ե-

րերայ, ա, ինչ հիանալի բան կը լինէր. միայն սիրուն
ձուկ մը լինէի, մանաւանդ ուժեղ ձուկ մը, որպէ-
հետեւ հոն ալ բնութեան օրէնքը նոցնն է. գեղեցիկն
ու ուժեղն է աէրը: կը զարնէի ճկուն պոչս ջրի ծա-
լերուն, կը վազվըտէի աւազին, խիճերուն ու քո-
րայներուն մէջ. վերէն ինկնող լոյսի ճառագայթ մը
վրայիս թեփերը կը փայլեցնէր. և ես քծնանքով
կը սլանացի էգերու քովէն, կը քսւէի անոնց ու հա-
զար շարժումներով անոնց սիրտը կը գրաւէի. տես,
հոն արուներ ալ կան, որոնք էգերուն մօտենալ կը
յանդնին. ի՞նչ. երբէք, ու կ'ըսկսի մարտը, մրցումը.
այն սլարդ ու սովորական էզի համար մղւած կոխւը,
որ մարդիկ վերի աշխարհին մէջ իբրև գեղարւեստի
հրաշալիք ամեն գիշեր կը խաղան թատրոնի բեմին
վրայ, իսկ ամեն վացրկեան կեանքի բեմին վրայ: Եւ
վերջապէս ինչո՞ւ համար է կեանքը իր ուտելու,
յոգնելու, խարելու, ստելու, բարկանալու, սիրելու,
սպաշտելու, զոհւելու, հնարելու, մտածելու և ուրիշ
հազարաւոր գործողութիւններու նրբութիւններովէ.
միայն մէկ բանի մը համար. որպէս զի ևաճիմ. աճիմ նախ ինքս իմ մէջս. և երկրորդ աճիմ ինձմէ
դուրս՝ էզի մը արգանդին մէջը զարգացող էակին
մէջ: Սնանիլ ու սերել. ահա բոլորը. բայց ինչո՞ւ.
հա, հա, հա. այդ ինչո՞ւն. ի՞նչ ցիմար ու հետաքր-
քիր արարածներ են այդ մարդ ըսւած կենդանի-
ները. և ի՞նչ բաղդաւոր եմ ես ձուկ ծնած լինե-
լուս: Ի՞նչ սլարդ ու բնական կեանք. երբ անօթգ

եմ՝ կ'երթամ կըուելու. եթէ յաղթեմ՝ կ'ուտեմ՝ թէ յաղթլւիմ՝ կ'ուտւիմ. երկու դէպքին ալ բնութիւնն է որ կը շահի. երբ ուտելով կը զարգանամ՝ մէկ զաղափար մը միայն ինծի տիրել կ'ըսկի. սիրել. և ով է այդ զայրկեանին որ ինծի հետ մրցել ուզէ. կ'ամ ես եմ աւելորդ, կ'ա՛ ան. բայց միշտ աւելի առողջ ու աւելի ուժեղ տարրն է, որ սերունդը կը շարունակէ. Է, ի՞նչ բնական բան ձուկ լինելը...»:

—Պարմն, քիչ մը մէջտեղը նստեցէք. լսւեցաւ նաւավարի ձայնը:

Բագրատ երազէ արթնցածի պէս նայեցաւ շուրջը. ու մեքենաբար հրամանը կատարեց:

Հիմա այլ ևս չէր դողար. ընդհակառակը արտասովոր տաքութիւն մը կ'ըզգար մարմնին վրայ:

Մտած էին Ոսկեղջիւրի բերանը: Խոշոր շոգենաւ մը յաղթ գնացքով քովերնուն անցաւ ետեւէն լայն շերտ մը ալիք, փրփուր ու ջրի ակոսներ թողնելով:

Այդ ջրերի մէջ մտաւ և Բագրատի նաւակը:

Բայց ի՞նչ ջուրի շերտ. ճերմակ կանացի կուրծք մը, որ անուշ կիրք մը կը յուզէ. կուրծք մը, որ ժանեակներու ծակոտիկներէն երեսիդ կը ժպտի:

Ու Բագրատ սկսաւ այդ փարթամ կուրծքը դիսել ու անրջել: Ա, ի՞նչպէս երջանիկ կը լինէր եթէ հիմա այդ տեսակ կուրծք մը իր թևերուն մէջ, իր լանջին տակը դգար. և զոյտ մը աղջկացին:

շրթունքներ, վարդի զոյտ թերթերու պէս, իր շըրթունքներուն փակչէին, ու ինքը ծծէր, ծծէր, մեղսի մը պէս, ամբողջ կենասունակութիւնը այդ վարդիթերթ շրթունքներուն, այդ շուշանէ լանջին. բոլոր քնքշանքը այդ աղջկացին էութեան, բովանդակ բոցը այդ իգացին ես-ին:

Նաւակը մօտեցաւ եգերքին:

Բագրատ դուրս ցատկեց: Ոտքի վրայ կենալ չէր կրնար: Կրթնեցաւ նաւակը կապելու ցիցին: Թեթև մը գլուխը կը դառնար:

«Ոինի հիւանդ եմ. մտածեց: Հիւանդ. բայց ովէ առողջը. մենք մեր կեանքին մէջ երբ ենք առողջ. «էսկուլապին աքաղաղ մը մորթեցէք». հա, հա, հա. խեղճ Սոկրատ. երևի, ան ալ հիւանդ էր, որ կեանքը հիւանդութիւն անւանեց: Բայց պէտք է տուն երթալ:

Կեանքի բովանդակ ձգտումով մը ամփոփեցաւ, ու սկսաւ քալել: Առաջին քայլերը կթոս էին. յաջորդները աւելի ամրացան: Իր շարժումը հիմա ահագին ջղացին աշխատանք մը դարձած էր. իր ամբողջ մտածումը սկեռւած էր իր քալելու գործողութեանը վրայ:

Շուրջը բաւական բազմութիւն կար: Քանի մը խանութներէ լամզերու լոյսը լայն շերտերով սանդղաւոր փողոցին վրայ կը փուէր:

Բագրատ դիւցազնական, գերմարդկացին գործ մը կատարողի վճռականութեամբ ու գիտակցութեամբ

կ'ելնէր ամեն մէկ ոտքէն վեր:

Իր փողոցի անկիւնն էր հասած: Ժպտեցաւ ու շունչ առաւ: Եւ կարծես թուլցաւ մէկէնիմէկ. զլուսը նորէն պտոյս դալ սկսաւ:

«Ո՛չ, պէտք է ես տուն հասնիմ». վճռեց ու նորէն սկսաւ քալել. առաջ առանց ոչինչ տեսնելու, վերջը լարեց աչքին ջիղերը. իրենց տան ճակտի լապտերը ճանչցաւ... սկսաւ վազել. գոնէ այնպէս կը կարծէր թէ կը վազէ. մուաւ բաց դռնէն ներս. սեմի վրայ նստած դռնապանի բարելը չլսեց. մադլցեցաւ սանգուղներէն վեր. ինքն ալ չգիտէր ինչ պէս ճիշտ իրենց տան դիմացը կանգ առաւ մեքենաբար, քաշեց զանգակը, «հասայ» մրմնջեց, ուժերը սպառեցան, ձեռքը երկնցուց դռան օղակը բռնելու, և...

ԺԷ.

...Եւ ճակտին վրայ ողաղթաց բանի մը շոշափումը զգաց. ու կամաց մը թարթիչները իրարմէ բաժնեց:

Խիստ աղօտ լուսաւորութեան մը մէջ առաջին տեսածը կեսմերկ թէ մըն էր, իր դէմքին, իր լանջին բոլորովին մօտիկ. զարմացաւ. բացաւ աչքերը, թարթեց ու դիտեց:

Ճերմակ հագուստի մը թեթև ծալքերուն մէջ, մազերը ուսերէն լանջը թափւած իր վրայ էր ծըռւած՝ աղջիկ մը.

«Հրեշտամկ», մոտածեց Բագրատ:

Աղջիկը ժալուեցաւ. ու տեսակ մը յուզւած.

— Ի՞նչպէս էք. ինծի կը ճանչնամք. հարցուց:

Զայնը ծանօթ էր. ու դէմքը աւելի ևս:

Բագրատ սքանչացած նկսաւ դիտել:

Աղջիկը լուռ, ծպտուն, գթոս արտայացտութեամբ հակած տղու վրայ՝ զոյտ ձեռքերը անոր ճակտին, ուր Բագրատ պաղութիւն մը կ'ըզգար և ուրկէ պղտիկ հոսանք մը աչքին քովէն առու եղեր այտին վրայ կը վազէր:

Բագրատ համկլցաւ ամեն բան:

— Ինծի չէք ճանչնար. կրկնեց աղջիկը տըլութեամբ:

— Լուիզ. Մրմնջեցին տղու շրթունքները:

— Ա՛, անցաւ, անցաւ. բացականչեց աղջիկը ուրախութեամբ ու երկու ձեռքերը ճակտի զեղոս լաթէն հեռացընելով՝ քնքշութեամբ մը բռնեց աղու տաք այտերը՝ աչքերը միշտ անոր աչքերուն զամած:

Իր տաք այտերը այդ թաց ու փափուկ շօշափումն տարօրինակ հաճոյք մը զգացին. և Բագրատ աչքերը դոցեց այդ հաճոյքը երկար վայելելու համար:

Վարկեան մը միայն:

Բացաւ աչքերը. ու այն խառնակած մազերն էին իր վրայ, նոյն սիրուն դէմքը, նոյն քնքոյց հայեացքը:

— Մէկ տեղերնիդ կը ցաւի, թհյլ էք. ա, եթէ
զիտնաք որչափ մեզի վախցուցիք: Բայց ալ անցաւ.
անցաւ. կ'ըսէր աղջիկը:

Այդ հոգածու շեշար, այդ աղօտ մթութիւնը,
ինքն իր անկողնին մէջ բոլորովին ուժասպառ, ու
այդ սիրուն աղջիկը իր բովանդակ խնամքովը իր
վրայ հակած, առանձին, անհուն գուրգուրանքով.
այս բոլորը տղու կատարելապէս թուլցած ջիղերը
աւելի թուլցուցին:

Երթունքները շարժեց. կ'ուզէր շնորհակալու-
թեան, երախտիքի բառ մը ըսէ. բայց շրթունքները
միայն—

— Լուիզ, Լուիզ կրցան մրմնջել ու նորէն սեղ-
մըւեցան:

Լուիզ այս անդամ ցընցըւեցաւ, աւելի մօ-
տեցուց դէմքը ու ինքն ալ եղակի—

— Ի՞նչ կ'ուզես. ի՞նչ ունիս. հարցուց՝ ամբող-
ջովին յուզւած:

Բագրատ ոչինչ չի պատասխանեց. ժպտեցաւ.
ու միենոյն ժամանակ արցունքի քանի մը շիթ դուրս
սահեցան աչքին անկիւնէն ու դեղին հետ խառնը-
ւելով դէսի վիզը հոսեցին:

Աղջիկը ուշադրութեամբ ձեռքի թաշկինակովը
սրբեց այդ հոսանքը՝ ըսելով.

— Ալ անցած է, ամեն բան անցած է. բժիշկը
ըսաւ, եթէ մինչև առաւօտ տաքութիւնը իջնէ,
ոչինչ վտանգ չի կայ: Իսկ հիմա 39-ն է միայն.

աւելցուց աղջիկը՝ տղու թելին տակէն ջերմաչափը
կէս մը դուրս քաշելով:

Տղան ժպտեցաւ. նորէն աչքերը գոցեց ու ալ
չբացաւ.

Ենչառութիւնը ծանրացաւ ու կանոնաւոր-
ւեցաւ:

— Բագրատ, ըսաւ աղջիկը կամաց մը: Ու
իսկոյն—

— Քնացաւ. աւելցուց:

Ամբողջ դողդոջուն պահ մըն ալ անշարժ դի-
տեց տղու վառւող, գրաւիչ դէմքը. յանկարծ դո-
ղաց, կարմրեցաւ, քիչ մըն ալ ծուեցաւ ու շրթունք-
ներովը դիսպաւ տղու այրըւող շրթունքներուն:

Տղու նուրբ ընչացքները քսւեցան աղջկան վե-
րին շրթունքին. աղջիկը անուշ խտխտանք մը ըզ-
գաց. ամըչցաւ. ու մէկէն ետ քաշեցաւ:

Գնաց պատուհանին մօտ, ճակատը դրաւ ապա-
կիին ու անշարժ մնաց:

Կը մտածէր. չէր մտածէր՝ կ'երազէր, ոչ, կը
խաղար:

Պզտիկ, բանաստեղծական փունջ մըն էր այդ,
որ ան իր երեւակայութեան մէջ կը փընջէր ու
կ'աւրէր ու նորէն կը փընջէր:

Ոիրուն, փոքրիկ փունջ մը: Երկու կաթիլ ար-
ցունք, փափուկ ժպիտ մը, խորունկ նայւածք մը,
քնքշութեամբ արտասանած երկու վանկ ձայն, որ
իր անունը կը կազմէին և... և գողցըւած համբուրիկ

մը։ Փոքրիկ, բանաստեղծական փնջիկ մը։ անհունք երջանկութեան աշխարհ մը։

Աղջիկը սարսռաց, ու ձեռքը մեքենաբար վերին շրթունքին տարաւ. կարծես հոն բան մըն էր մնացեր։

Ու դեռ ձեռքը շրթունքին կամաց մը ետդարձուց գլուխը ու նայեցաւ անկողնի բարձերուն, ուր տղու ճակատն էր. թաց լաթը դեռ վրան։

Իսկոյն մոռցաւ ամեն բան. չիշեց հիւանդը. արագ մօտեցաւ տղուն, վերցուց լաթը ու քովը գտնւող պնակի մէջէն նոր մը առաւ ու երիտասարդի ճակատին զրաւ։

Տեսակ մը ամօթով նայեցաւ տղու դէմքին. ու անմիջապէս մօտեցաւ սեղանին, ուր լամպն էր դրւած՝ լրւամփոփով ծածկւած. առաւ իր ձեռագործը սեղանի վրայէն ու կ'ուզէր բանի. բայց հազիւ մէկ-երկու շարժում ըրաւ, որ ձեռքերը ձեռագործին հետ դէպի ծունկերը սահեցան. գլուխը կրթնցուց բազկաթոռի մէջքին ու սկսաւ ուսումնասիրել լուսամփոփի վրայի ծաղիկները. ծաղիկները իրար ձուլեցան, խառնւեցան ու... ու փունջ մը կազմեցին. փոքրիկ, բանաստեղծական փունջ մը, բայց ոչ ծաղիկներու։

Կը մոտածէր. չէր մոտածեր՝ կ'երազէր. ոչ, կը խաղար։

Իր պզտիկ փունջն էր նորէն, որ ան կը փնջէր ու կ'աւրէր ու նորէն կը փնջէր։

Այն դիշեր բաւական ուշ վերադարձած էր տուն Լուիզ իր մէկ գրացի բարեկամուհիի քովէն. ու տուն մտնելուն պէս ամէն բան տակն ու վրայ էր գտած. Բագրատ պառկած էր 40 աստիճանը անց տաքութեան մէջ, ուշքը կորսնցուցած, ու բժիշկը գլխուն մօտիկ։ Իրեն պատմեր էին, որ տղան դռան մէջ էին գտեր, գիտակցութենէ զուրկ, ու չափազանց վախցեր էին։ Լուիզ, երբ այդ բոլորը լսեց, ինքն աւ յանկարծ գունատեցաւ, զնաց գաղտուկ ումազ մը ջուր խմեց, բայց ոչ ոքի բան մը չըսաւ։

Բժիշկը պատմիրեր էր զեղերը ու մեկներ՝ հրամայելով, որ իրեն իմաց աան, եթէ տաքութիւնը աւելնայ։

Լուիզ ու Էլէնի միասին հակեր էին հիւանդը մինչև կէս գիշեր. առքութիւնը ընդհակառակը սկսած էր նւազիլ. ու տղան միշտ կը քնանար։ Լուիզ ու զարկած էր Էլէնին պառկելու, պայման դնելով, որ մէկ-երկու ժամ վերջը արթընցընէ Էլէնին ու ինքը պառկի։

Նատոնց անցած էր պայմանին ժամանակը. բայց Լուիզ հիւանդի անկողնէն հեռանալ չէր ուղած։

Իսկ հիմա ինքն ալ չզիտէր այդ հիւանդի սենեակը լին զիւթանք մը ստացեր էր։

Հիւանդը թեթէ մը հառաջեց։ Աղջիկը իր անրջանքը վրայէն թոթւեց, մօտեցաւ անկողնին. քրտինքի մանր կաթիլներ պատեր էին դէմքը։

«Աղէկ էս. մրմնջեց. մեղմով սրբեց դէմքը. թաց
լաթը ճակտէն անդին նետեց. ու ալ նորը չի երաւ:

Դուրսը լոյսը սկսած էր բացւիլ: Արդէն շա-
տոնց իվեր լսած էր իրենց դրացի տան բակէն աք-
լորներուն կանչը:

Լամպը մարեց. ու վարագոյրներէն մէկը բա-
ցաւ, ուրիէ լոյսի զւարթ շերտ մը ինկաւ անկողնին
վրայ:

ԺԷ.

— Պիեռ չարթընցաւ. հարցուց էլէնին ներս
մոնելով:

— Անդամ մը աչքը բացաւ ու ինձի ճանչցաւ.
հիմա քրտընած է ու տաքութիւնը քիչ մըն ալ
իջած:

— Ինձի ինչու չարթնցուցիր:

— Անուշ քնացեր էիր՝ սիրտ չըրի. իմ ալ
քունս արդէն փախեր էր:

Քիչ մը վերջը ամենքը արդէն ոտքի վրաց էին
տան մէջ. ու սկսած էր կեանքը. և արդէն արեն
ալ բաւական բարձրացած էր, որ զուռը զարկին:

Վասակն ու Գէորգն էին, որ առաջին շոգե-
նաւով իջած էին կամուրջ և հոնկէ ալ տուն հան-
գիպած մէկ-երկու գիրք, ցուցակ ու քանի մը պէտ-
քի բաներ առնելու: Անոնց հաշւով Բագրատ արդէն
դպրոցը լինելու էր:

Դուռը բացաւ էլէնին, ու անոնց աղմկոտ բա-

րեխն դէմ ցուցամատը դրաւ շրթունքին, ու—
—կամաց. Բագրասով հիւանդ է. հծծեց:
— իրաւ. հարցուց Վասակ տարակուսանքով:
— Սատկի թող. այնքան ըսինք, որ գիշերը եւ
չգառնայ. բացականչեց Գէորգ խոշոր քայլերով դէ-
պի սենեակը ուղղւելով:

Բայց հազիւ ոտքը սեմին ներս դրաւ, տեսաւ
դեղերով շրջապատւած անկողինը, ու անկողնին
մէջ հիւանդի թեթև մը արժգունած դէմքը, որ
խենթի պէս—

— Բագրամտ. սղուաց ու նետւեց դէպի անկո-
ղինը:

— Կամաց. ինչ կը պոռաք. արթընցընէք պի-
տի. ձեռքը դէմ տեաւ կուիզ խստութեամբ:

Գէորգ կանդ առաւ. ու անդամ մըն ալ հի-
ւանդը դիտեց:

— Ի՞նչ տեսակ ընկեր էք դուք. ըսաւ կուիզ
դառնութեամբ: Եթէ գիշերը մեռնէր՝ տեղեկութիւն
անգամ պիտի չունենայիք:

Գէորգ փոխանակ պատասխանելու՝ գլուխը կըր-
թընցուց մահմակալի երկաթին ու սկսաւ լալ:

— Առ քեզի ապուշ մըն ալ. մէջ նետւեցաւ
Վասակ:

Եւ դառնալով աղջկան սկսաւ ամէն բան հար-
ցնել բժիշկի մը մանրամասնութեամբ. և երբ ամեն
բան լսեց,—

— Ե՛, բան չիկայ. արդէն քրտներ է. մէկ-երկու

օրէն ինծմէ ալ առողջ կը լինի. եզրակացուց։
Լուիզ վերջին անդամ մը հայեացքը հիւանդի
դէմքէն սահեցնելով՝ սենեակէն ելաւ։ Գործին եր-
թալու էր։

Երբ Բագրատ քիչ մը վերը աչքերը բացաւ՝
իր ընկերներն էին դիմացը, որ կը կատակէին։

—Բաղնիքդ անուշ. ըստ Վասակ։

—Անդիի աշխարհքէն ինչ նորութիւն. ըստ
Գէորգ և մէկէն «վախ Բագրատս» պուաց, փաթթը-
ւեցաւ վիզը ու սկսաւ համբուրել։

—Անդին կորսըւէ, խելան. կ'ըսէր Վասակ։ Քու
գըգւանքներդ անոր քրտինքը չեն չորցներ. փոխնորդ
բեր։

Բագրատ ժպտեցաւ. քանի մը բան հարցուց. Գէորգին անմիջապէս դպրոց երթալ ստիպեց, քանի
մը կարգադրութիւններ ըրաւ. ու այդչափ խօսելէն
յոդնած։

—Ահ, գլուխս կը ցաւի. աւելցուց։

—Քիչ մըն ալ խօսէ՝ կ'անցնի. նկատեց Վա-
սակ։ Իր վիճակին չնայիր՝ դպրոցը կը մտմտայ. ահա
այդ տեսակ են ձեր բոլոր գործերը։

—Գէորգ, այս մարդն ալ հետդ տան, թէ
չէ վրաս նորէն քրտինք կուգայ. ըստ Բագրատ թոյլ
ձայնով մը ու ժպտելով։

Վասակ բարձրաձայն սկսաւ խնդալ.

—Կ'երթամ, կ'երթամ. միայն պայմանով մը,
որ քնանաս. իրիկւան դէմ նորէն կու գամ։

Ըստ ու Գէորգի հետ դուրս ելաւ սենեակէն։
Միջանցքին մէջ Գէորգ, Էլէնիի թեւէն բռնե-

լով—

—Ընկերս աղէկ նայէ, թէ չէ... ըստ սպառ-
նալից մատը վրան թոթւելով։

—Դուք դացէք ձեր քէֆին պտըտեցք, վերջն
ալ եկէք հրամաններ տըւէք. «աղէկ նայէ». քեզի
պէս։

—Սա աղջիկներու լեզուն նայէ. դարձաւ Գէ-
որգը Վասակին։

—Զեռքիրնին մանչ է ինկեր. թեւէրնուն տակը
ալ ձմերուկ կը սղմի. եղաւ պատասխանը։

Բագրատ երբ նորէն արթնցաւ կէս օրի մօտ էր։

Ինքը աւելի հանդիսաւ էր. ու զլիսու ցաւը
անցած, միայն ամենաթեթև շարժումէն զլիսու պտոյտ
կ'ըզգար։

Էլէնին ու տիկինը շրջապատեցին անկողինը.
Քիչ մը խօսեցաւ, զեղ ու սնունդ առաւ. ու նորէն
աչքերը գոյցեց։

Բայց ալ չէր քնանար։

Առաջին անդամ շնորհքով յիշեց նախորդ օրը,
նաւակը, վերադարձը, շատ ուզեց իր տենդի ատենէն
բան մը յիշէ՝ չաջողեցաւ. յիշեց և իր զարթնումը.
ու սրտի կծկում մը ունեցաւ. այն սիրուն աչքերը,
այն ժպտուն դէմքը, այն հոգածու փափուկ թեւը.
միրազ մը կարծես, աղւոր, աղւոր երազ մը։

«Ես ինչու քոյլ մը չունիմ. մտածեց յանկարծ։

Ա', ինչպէս պիտի սիրէի, ինչպէս պիտի փայփայէից
ինչպէս պիտի երջանկացընէի. ա, քոյր մը Ռ' Ո՛վ
դիտէ ինչ երջանիկ են եղբացները. սիրուն, քըն-
քուշ, խելացի աղջիկ մը, որ շուրջս թռվուար, որու
քընքըշանքն ու փափկութիւնը սիրոս փափկէր,
որուն համար ամեն բան զոհէի, որուն հպարտու-
թիւնը ես լինէի. ես՝ իր եղբացը. եղբաց...

Ա', ինչպէս կուզէի, որ օրինակ Լուիզը լինէր
այդ քոյրը. ա, ինչպէս կուզէի իր վիզը փաթ-
թըւիմ, գգւեմ, համբուրեմ, ըսեմ, որ..., ինչ, ինչ
ըսեմ... ըսեմ, որ իմ քոյրս է, որ ես չափազանց...
չափազանց կը սիրեմ, որ....:

Դուան սոնիին ճոինչը Բագրատին աչքերը
յանկարծ բանալ տրւաւ:

Բագրատի սիրու մէկէն սեղմլւեցաւ ու զզաց
որ ամբողջ արիւնը դէմքը ելաւ:

Դուան մէջ Լուիզն էր, որ դեռ գլխարկը
գլխին, ձեռնոցներով, հովանոցը ձեռքը, թևին տակը
մէկ-երկու նոտայի տեարերն սեմն ներս էր ծռած
ու տղան կը նայէր:

—Ա', արթնն էք. բացականչեց աղջիկը ու
մօտ եկաւ: Ե՛, ինչպէս, հանգիստ էք հիմա. բայց
հոս ինչպէս մուայլ է. վարագոյները ինչու չեն
բացեր. ֆհւյ, անշնորհք էլէնի:

Զեռքի եղածները աթուին վրայ նետեց, վա-
զեց վարագոյները բացաւ, բացաւ և օդանցքներէն
մէկը: Սենեակը պայծառացաւ: Արագ եկաւ նորէն

Բագրատի քով, ու սկսաւ արագ-արագ ու աշխառժով
խօսիլ.

—Նեղենիդ արդէն առիք. Ինչ ըսաւ բժիշ-
կը. բան կերպ. դէմքերնիդ ամենեին հիւանդի դէմ-
քի չի նմանիր. քնացած էիք մինչեւ հիմա. ա, Աստ-
ւած իմ, այս ովկէ շտկեր ձեր բարձը. այդպէս ծնւռու:

Բագրատ ոչինչ չէր պատասխաներ. սքանչացած
կը նայէր աղջկան ու անոր ձայնը իրեն անուշ երգի
մը պէս կուզար:

Տղու մը պէս թողուց, որ իր բարձերը շտկէ,
կանոնաւորէ, իր մազերը կարգի բերէ, ուսերը զգու-
շութեամբ ծածկէ: Եւ երբ ամեն բան վերջացու-
ցած այդ սեւ ձեռնոցով թաթիկը ետ քաշւել
կ'ուզէր՝

—Ա', օրինորդ, որքան բարի էք. հծծեց տղան.
ու զեռ քանի մը բան ըսել կ'ուզէր, որ սեւ ձեռ-
նոցով եկաւ թառեցաւ իր շըրթունքներուն վրաչ
ու ձայնը արգիլեց: Վերջը այդ նոյն թաթիկի ցու-
ցամատը բարձրացաւ աղջկան շրթունքին:

—Սանւս. խօսիլը հիմա ձեզի արգիլւած է.
մանաւանդ այդ տեսակ պարապ խօսքերը: Գիտեմ,
սարսափելի արգիլք. այնպէս չէ. չի խօսիլ, չվիճել,
չշարժըւիլ. Ճիշտ ձեր վրաց չափած. ձևած բաներ:
Դէ, դուք հանգիստ կեցէք. ես երթամ արագ պա-
տառ մը բան ուտեմ ու դամ:

Ըսաւ, ժպտեցաւ ու գուրս նետւեցաւ սե-
նեակէն ուրախ, զըւարժ. և միւս սենեակներէն դեռ-

իր ձայնը կը լսէր, ուր մօրը հետ կը խօսէր։
Բագրատ աչքերը դոց՝ անշարժ պառկած էր.
իսկ իր աչքերուն դէմ կեցած էր աղջիկը շինած,
աշխոյժ, յարդէ զլիսարկին տակէն մազերու վնջեր
դէմքին թափած. և, ա, այն ուր ձեռնոցներով մա-
տիկները, որոնք իրեն մազերը կը շտկէին, լոռ-
թիւն կը հրամացէին, օդին մէջ կ'ելւէջէին ու իր
շրթունքներուն կը թառէին։

Բագրատ իր կրծքին տակ փափուկ հեշտանք
մը կ'ըզգար։

ԺԹ.

Բագրատ երեք օր անկողին մնաց՝ շրջապատ-
ւած իր ընկերներէն ու աղջիկներէն։ Ընկերները
իրիկունը, աղջիկները՝ ցորեկը։

Այդ օտար ընտանիքին իրեն ցոյց տւած
խնամքն ու հոգածութիւնը այն աստիճան ազգած
էր անոր թուլցած ջիղերուն, որ մէկ երկու անգամ
գաղտուկ լաց էր եղած։

Բագրատի մահճակալին քովի աթոռը երբէք
պարապ չէր մնար, երբ տղան արթուն էր։ Կամ
օգիւսուան էր հոն, որ կը շաղակրատէր, կը խնդար,
կը խաղար. կամ էլէնին, որ մէկ կողմէն իր ձեռա-
գործով կ'աշխատէր և միւս կողմէն կը խօսէր տղուն
հետ։

Էլէնիի վարմունքը հիմա չափազանց զսպւած
էր դէպի երիտասարդը։ Յայտնի իրիկունէն վերջը

խեղճ աղջիկը կրկին մէկ-երկու անգամ փորձած էր
բագրատին մօտենալու, անցածի մասին խօսելու։
բացց նագրաա իր ծիծադկոտ արտաքինին հակա-
ռակ այնպիսի չոր դիրք մը բռնած էր անոր դէմ,
որ աղջիկը բնաւ չէր համարձակիր աւելի ընտանի
քայլ մը լնելու։ Սկիզբները կարծես թէ տխրած
էր. սակայն ոչ երկար. սկսած էր նորէն Գէորգի
հետ շատ իյնալ. և իրու պաշտօնական նոր ան-
դամ աւելցած էր Վասակը, որ ամէն երթալ-
գալուն խօսքի կամ ձեռքի կտտակ մը անոր չէր
զլանար։ Նիմա աղջիկը բագրատէն տեսակ մը ամօթ,
հակակրանք, վախ կ'ըզգար։ Նիւանդի անկողնին
քով սիրուը կը սեղմըւէր, ու ներքին մեծ հաճոյքով
էր, որ տեղը միւս աղջիկներուն կը յանձնէր։

Բոլորովին այլ էր տեսարանը, երբ այդ աթո-
ռին վրայ լուիզն էր։ Իր դասի զբաղումներէն զատ
ցորեկները ամէն ժամանակ անոր մօտն էր՝ ձեռա-
գործը կամ դիրք մը ձեռքը։

Եւ լուիզ դժգո՞ն չէր իր այս նոր պաշտօնէն։
Այն առաջի կիրակի իրիկունը, երբ Բագրատ
նկեր ու իրենց սենեակը վարձեր էր՝ լուիզ գո՞ն էր
մնացած։ «Շնորհքով տղայ է» մտածեր էր. շնորհքով
քառակին մէջ հաճելիի գաղափարէն բաւական մեծ
մաս մը դնելով։ Տղայքը եկած էին, սկսած էր
խենթ, աղմկոտ կեանքը. և Բագրատի արտասովոր
տիպարը սկսած էր օրի աղջկան աւելի շնորհ-
քով երևիլ։ Երիտասարդի արտաքին կազմը, անոր

զըւարթ լրջութիւնը, միամիտ ու մաքուր կատակեները, ոգևորութիւնը, մոտաւոր բարձրութիւնը, եռանդը—այս բոլորը սկսած էր աղջկանը աղդել։ Երբ երբեմն միասին կը կարդային առանձին՝ այդ առանձնութենէն աղջիկը հաճուք կ'ըզգար, անոր ֆրանսերէն ընթերցումը շատ կը սիրէր։ Երբ դաշնակի վրայ անոր ներկայութեան բան մը նւագէր ինքն ալ կ'ըզգար, որ իր գարնւածքը կարծես տարբեր շեշտ մը կ'առնէր։ Միասին քանի մը պտոյտներ ունէին ըրած միւսներին հետ։ Ճանապարհին պզախկ դէպքէր էին պատահած հագրատի կողմէն, մեծմասով պատահական կատակներ, ազդ բոլորը աղջիկը յաճախ կը ցիշէր ու իր մէջը մեկնութիւններ կուտար. կը ցիշեր ուրիշ շատ մը չնչին խօսքեր ու շարժումներ, որոնք իրեն համար նշանակութիւն մը առած էին. կը ցիշէր երբեմն-երբեմն տղու նետած խորունի, դիտող աչքերը, որոնք իր մարմնի այս ու այն մասերուն կը գամնէին յամառութեամբ. այդ վայրկեաններուն աղջկան կրծքին անուշ ու ամօթխած սարսուռ մը կ'անցնէր։ «Ենորհքով տղայ»-ին շատ շուտով «ազնիւ տղայ է» յաջորդած էր. և այդ «ազնիւ» բառը Լուիզի համար թուխս նստած հաւին կը նմանէր, որու փետուրներուն տակ ջերմութեան մէջ պահւած են ամէն տեսակ ընտիր յատկութիւն. ներու ձուերը։

Հիմա, որ մօտ վեց ամիս անցած էր, արդէն ալ դադրած էին համակրական ածականները, որու

փոխարէն համակրանքը ինքը չափազանց աճած էր տերեւներ ու ծիլեր տւած. կը մնար ծաղիկը. և իրիկուն մը այդ ծաղիկն կոկոնն ալ բացւեցաւ։ Բագրատ տարօրինակ ուրախ էր այն իրիկունը. ամբողջ օրը տանն էր եղած. մինչև իրիկուն ծիծաղ, խօսք ու կատակ. իսկ իրիկունը իւր գւարթութեան ու զղակի ցիմար շեշտ մը աւելցած էր. կը վազէր, կը ցատկէր, աղջիկներուն հետ կը պարէր. հոգեկան տարբեր վիճակներ կը ներկայացնէր. օրինակ՝ ապուշ, հեշտանք, կատաղութիւն, զայրոյթ, վախ. ատոնց թւին և սէր. իր սիրուհիի գերին համար ընտրեց Լուիզը. աղջկան կից քանապէցին վրայ կէս մը նստած, կէս մը գետինը չոքած՝ կրքի ուժգին թափերով կը փաթթըւէր անոր ծունկերուն, կը գալարէր մէջքին, կը քաշէր թևերէն, կը սեղմէր լանջին, կը սեղմէր անոր ձեռքերը ճարճատելու չափ պինդ՝ ու իր բոցոս աչքերը կը շանթէր աղջկան աչքերուն. մէկ ալ կը թուլնար, կը փափկէր, պաղատանքի նւազ ակնարկներ կը գամէր աղջկայ հայեացքին, քծնանքով կը փարէր անոր մարմնին, կը շոցէր ձեռքերը, դէմքը կը յենէր անոր կախած զլիսուն։ Եւ հագրատ ներկայացումը աւելի կատարեալ ընելու համար պիտի համբուրէր ալ վերջապէս, եթէ Լուիզ յանկարծ ոտքի չելնէր ու տեսարանը չընդհատէր։ Ամենքը կը խնդային իհարկէ. և շուտով անցան ուրիշ խաղերու։ միայն Լուիզ այլևս ցրւած էր։ Երբ իր սենեակը առանձնացաւ

պառկելու՝ սկսաւ արագ-արագ մեքենաբար հանւիլ-
վայրկեան մը ակնապիշ դիտեց իր մերկ ծոցը, մերկ
թևերը, որոնց վրայ իր մազերը եկեր թափւեր էին-
մոքերը ցրիւ, զգայարանները հրահրած, շնչառու-
թիւնը անկանոն. դիտեց վայրկեան մը. ու յան-
կարծ Բագրատու փսփսաց, իր մերկ թևերովը իր
բաց լանջը գրկեց, ինկաւ անկողնին վրայ ու
դէմքը բարձին մէջը թալեց:

Եւ այդ գիշերէն ալ Բագրատոն էր իր ամ-
բողջ մաածումը. թէւ ոչինչ չէր ցոյց տար արտա-
քուստ՝ իր զգայնութեան չափ ալ հաւասարապէտ
հալարու: Այդ հպարտութիւնը միայն անզամ մը
թուլցաւ հիւանդին անկողնին քով. երբ տղան ջեր-
մին ու ճերմակ բարձերուն մէջ աւելի հրապուրիչք
անոր անկողնին քով մինակ, անոր նացւածքին ջեր-
մութեան տակ ընկնւած, գութի, սիրոյ, պաշտպանի
խռոն զգացումով մը բըռնկած, առանց մտածելու,
առանց իր կամքին համբոյը մը զողցած էր տղու-
շրթունքէն:

Եւ հիմա, երբ Բագրատի անկողնին քովը նս-
տած՝ կը կարգար բարձրածայն, կամ աշխատութիւն-
մը ձեռքը անոր հետը կը խօսէր, միշտ խոյս կու-
տար աչքերը այն շրթունքներուն նետելու, թէւ
անհուն հետաքրքրութիւն մը իր ակնարկը այն կողմ-
կը քաշէր:

Անկողնի բարձերու վրայէն աղջկան ու տղու-
մէջ եղած խօսակցութիւններն ալ աւելի ու աւելի

հետաքրքիր կը դառնացին, աւելի մասնաւոր, աւելի
մտերիմ: Աղջիկը ամբողջ քնքշանք էր ու գութ. և
երիտասարդը ենթարկւած անոր բաց վարմունքին.
անձնըւէր մտերմութիւնը հետզհետէ սկսաւ իր
սիրտը անոր բանալ. կը խօսակցէին այնտեսակ
բաներու մասին, որ Բագրատ ոչ ոքի խօսած չէր.
կը պատմէր աղջկան իր մանկութենէն, իր դպրոցի
կեանքէն, իր այն ժամանակւայ զգացումներէն. կը
նկարագրէր իր մայրը, որ հազիւ պատանի մը
կորսնցուցած էր. կը խօսէր իր արդի ձգտումներուն,
նպատակներուն վրայ. իր երազները, իր յոյսերը
անոր կըստերագծէր: Խակ աղջիկը կը լսէր ականջ
կտրած, ինքն ալ կը հարցնէր, ինքն ալ կը պատմէր:
Ամեն մէկ նոր քայլ ուրիշ մը իր ետևէն կը քա-
շէր. մտերմութիւնը կ'աճէր:

Հիւանդութեան երրորդ իրեկունն էր: Գէորգ
Սարգսի հետ գուրս էր ելած. տնեցիք դուրսը
ամենքը իրենց գործին էին: Լուիզ ու Բագրատ
առանձին էին նորէն: Դուրսը թէւ մթնած էր ար-
դէն բաւականին, բայց Բագրատի կամքով լոյս չէին
վառած սենեակին մէջ:

Ու այդ մութին մէջ երկուքը իրարու քով կը
խօսէին նորէն՝ կը փսփսացին. և երկուքն ալ գոհ
էին այդ մութէն, այս վըսպըսանքէն:

Բագրատ իր ներկայի մասին կը խօսէր, իր
ընտանեկան սլայմաններու մասին, որ այսպէս վեր-
ջացուց.

— Բայց ամեն բանէ աւելի քրոջ մը պակասն է, որ ինծի միշտ զդալի է եղած. սիրով, քնքուշ, խելացի աղջիկ մը. բնութիւնը զլացած է ինծի այդ. և ատով շատ մեծ բան է զլացած:

Բագրատ այս բառերը յուզումով էր արտասանած:

Աղջիկը կարծես կ'ըմբըսնէր այդ բառերուն ետեի իմաստը և մութին մէջ իր աչքերը տղու աղոտ երեցող դէմքին յառած պահ մը լոեց. ու յանկարծ ինքն իր ձայնէն վախնալով ըստ:

— Սակայն, պարոն Բագրատ, աշխարհի մէջ քիչ մը ուրիշ կերպ քոյրեր ալ կան, որոնք քրոջ մը չափ, գուցէ և աւելի կրնան սիրեր. եթէ բնութիւնը հարազատ քոյր մը ձեզի զլացած է, այդ երկրորդ տեսակը չկարծեմ որ զլանայ. երեի այդչափ խիստ չլինիր:

— Այն, իրաւունք ունիք, այդ կողմէն գանգատելու տեղ չունիմ. մանաւանդ այս վայրկեանիս:

Կամաց մը աղջկան դրկէն վերցուց անոր ձեռքը ու սեղմեց:

Եւ այլ ևս ոչ ան թողուց և ոչ աղջիկը ետքաշեց:

Եւ երկուքն ալ մութի մէջ մնացին լուռ ու անշարժ, իրարու ձեռք սեղմած:

— Օրի՞րդ, ընդհատեց վերջապէս Բագրատ լոռութիւնը: Օրի՞րդ, չդիտեմ ճշմարիտ՝ ինչպէս յացտնեմ ձեզի իմ զդացումներս. դուք այնչափ բարի եղաք

դէպի ինծի, այնչափ աղնիւ, այնչափ...

— Բայց, պարոն Բագրատ, նորէն, նորէն. ընդհատեց աղջիկը երիտասարդին խօսքերը՝ միշտ անոր ձեռքը սեղմելով:

Բագրատ ոչինչ չըստ. շարժում մը ըրաւ, քաշեց աղջկան բռնած ձեռքը, քիչ մըն ալ վեր ու պինդ մը իր շրթունքներուն փակցուց:

— Ի՞նչ կ'ընէք. Ի՞նչ կ'ընէք. կը կրկնէր խեղճ աղջիկը յուզւած ու այլայլած փափսուքով մը:

Ու քաշեց ձեռքը ազատեց. ելաւ ոտքի:

— Ալ երթամի:

— Նեղացածք, օրի՞րդ:

— Նեղանմամ. Ես. ինչու. ալ երթամ. ոչ, ամենեին. բայց ալ երթամ. կմկմաց աղջիկը կցկտուր, մտացիր, ձայնը դողդոջուն:

Ու դուրս ելաւ:

Բագրատ պառկած էր անշարժ, թեւը պարզած անկողինէն դուրս ճիշտ այն դիրքով որ աղջիկը իր ձեռքը ազատած էր:

¶.

Բագրատ երկու շաբաթւան չափ սովիպւեցաւ տունը մնալու, թէև արդէն անկողնէն ելած էր: Վերջերը մէկ-երկու անգամ կ'ուզէր դպրոց երթայ չի թողուցին. ինքն ալ համոզւեցաւ, որ կարող չէր. թոյլ էր դեռ:

Այդ միջոցէն օդաւելու համար կարդաց բնախօ-

սական նոր ֆրանսերէն գիրք մը, ու քանի մը ամսէ իվեր դիզւած մանկավարժական թերթերը, որոնց ամենաէական յօդւաձները միայն աչքէ անցնելու ժամանակ ունեցած էր մինչեւ այն ատեն:

Այլ և քանի մը օտար հեղինակներու հետևելով՝ սկսաւ կազմել բնական գիտութիւններու դասաւանդման մեթոդիկը:

Յոդնած ատենները աղջիկներուն հետ կը զւարձանար: Կ'երթար Լուիզի սենեակը ու դաշնակ նըւագել կուտար. կը խօսակցէր տիկնոջ ու ելէնիին հետ. կամ կը խաղար Օգիւստայի հետ: Եւ երբեմն այնպէս ինքը զինքը մոռցած խաղին կը նըւիրւէր, որ բոլոր տնեցիներու զարմանքն ու ծիծաղը կը շարժէր միանդամայն:

— Տարօրինակ տղայ է. կը մրմնջէր տիկինը:

— Ա, ի՞նչափէս կը սիրեմ քեզի. կը կրկնէր Օգիւստան տղու հասակն իվեր ցատկելով:

Որուն իբրև սպատասխան տղուն համբոցը կը յաջորդէր միշտ:

— Քրոջս շատ երես կուտաք. կը նկատէր Լուիզինքն ալ իր նկատողութենէն կարմրելով:

Բագրատ կը ժպտէր աչքերը Լուիզի աչքերուն շեշտելով. ժպիտ մը, ուրկէ աղջիկը կը սարսար հաճոյքի դողով մը:

Աերջապէս երկու շաբթի մըն էր, որ Բագրատ արտի անհամբեր սեղմումով ուղը դպրոցէն ներշդրաւ:

— Տեսուչը... շշուկ մը անցաւ դասարանէ դասարան:

Շուտով զարկին հանգստի զարկը. և Բագրատ պաշարւած էր իր աշակերտներէն. մեծ ու սպտիկ — ամենքը ուրախութիւն մը ունէին իրենց դէմքերուն. ամենուն բան մը ունէր ըսելու Բագրատ: Աւելի մեծերը շուրջը բոլորած կը խօսակցէին պատանեկան վստահ ու ջերմ շեշտերով, որոնց Բագրատ երբեմն կը հակառակէր, երբեմն կը համաձայնէր. ու վէճը նոր ոգեսրութիւն կ'ստանար:

Երբ իր սենեակը քաշւեցաւ ու գրիչը ձեռք առաւ նկատողութիւն մը յուշատերին մէջ անցնելու, գրել չկրցաւ. ձախ ձեռքով գոցեց դէմքը ու պահ մը անշարժ մնաց:

«Ի՞նչ հաճոյք այսչափ մաքուր, թարմ, քնքուշ, առողջ ուժերէ սիրւիլը, ասոնց ներշնչելը, անոնցմէ ներշնչւիլը: Մարդկութեան ամենափափուկ մէկ մասի հոգին փունջի մը պէս մաքիդ թելովը կապած սրտիդ մէջը ունենաս. ինչ ուժ, ինչ վստահութիւն կ'ըզգաց մարդ. սիրւիլ, ա, ինչ ուժ:»

Մէկէն ոտքի ցատկեց. գասի գանգը ուըւած էին:

— Ահազին ժամանակ կորաւ. արագ. մը մնջեց ինքն իրեն, քանի մը նկար, քարտէզ մը ու գիրք մը թեւին տակը զարկած՝ դասարան վազեց, ուր տեսչի դասերուն կարօտցած սիրուն գլուխներ անհամբեր կ'ըսպասէին:

Երբ զանգը դասի վերջը աղբարարեց՝ Բագրատ

յիշեց որ դասարանն է. խօսքը կտրեց, բարեկեց ու գուրս ելաւ։ Ամբողջ դասարանը պահ մը լուռ էր զեռ բոլորովին. ոմանք նոյն խակ բարեկի համար ոտքի ելնելու մոռցան։ Բագրատ ինքն ալ ինչ եղածը չէր հաւկընար. միայն կըզդար, որ երբէք այդ աստիճանի ոգեորւած չէր. անհուն հաճոյք մը կը ծաւալէր ջիղերուն մէջ։

«Այսօր գործ մը տեսայ» հծծեց ինքնավատահ ու ուսուցիչներու սենեակը մտաւ։ Հոն տաք խօսք էր բացւած վարչական խնդրի մը վրայ. ոտքով դիսով վէճին մէջը նետւեցաւ. և երբ քիչ մը վերջը ուսուցիչները ցրւեցան իրենց դասարանները՝ Բագրատ ուժասպառ ակընթարթ մը շունչ առնելու համար նստեցաւ։

— Է՛, դուն անխելք ես. տես, նորէն բոլոր արիւնդ գլուխդ է զարկեր. ըստ Գէորդ յանդիմանելով։ Քիչ մըն ալ ինքը զինքինքդ խնայելու ես։

— Հիմա ինքը ինք խնայելու ժամանակ չի կայ. պատասխանեց Բագրատ ու սանդուղներէն վար վազեց։

Գէորդ պահ մը շեշտակի նայեցաւ անոր ետեւէն. ու ինքն ալ իր գործին շտափեց՝ մռլտալով։

— Զէ. չափազանց ազնըւութիւնն ալ անազնը. ութիւն է։

Եթէ ամբողջ օրը Բագրատ ոգեորութիւն էր, ամբողջ իրիկունն ալ զայրութի մարմնացումը եղաւ։

Տղոց արձակման առենն էր, որ Բագրատ նամակ մը ստացաւ թաղին եպիսկոպոսէն, ուր քանի մը

չնչին պատճառ մէջ բերելով կիրակնօրեայ վարժարանը այլ ևս դադարեցընել կը պատւիրէր։

— Խ՞նչապէս, ի՞նչու պոռաց Բագրատ. ու շունչը շիտակ եպիսկոպոսի բնակարանը առաւ։

Եպիսկոպոսը մէծ քաղաքավարութեամբ ընդունեց հիւրը. սկսաւ հետը խօսակցիլ դպրոցի, օդի, ազգային խնդիրներու ու եկեղեցիին մէջ կանանց հանած աղմուկի մասին։ Բագրատ այդ բոլորէն ոչ մի համ չառնելով՝ խօսքը անմիջապէս իր իննդրին դարձուց։

Հոգեորականը երկար յառաջաբանով մը կիրակնօրեայ վարժարանին պէս հաստատութեան մը կարեսութիւնը ապացուցանելէն, իր դէպի այդ գործը ունեցած ամենամեծ համակրանքը յայտնելէն, իր տրտմութեան չափը բացատրելէն վերջը՝ աւելցուց թէ այդ գործի շարունակութիւնը թոյլատրելու անկարող է։

Բագրատ զուր մէջ բերւած չնչին պատճառները կը ջրէր, զուր եպիսկոպոսը համոզել կը ջանար, զուր գործին անմեղ ու օգտակար կողմերը կը շեշտէր։

Սրբազնը տղու բոլոր ըսածները գրեթէ ամբողջովին կընդունէր, մէշէմէջ շողոքորդիչ խօսք մը կը թուցընէր Բագրատի հասցէին, բայց և այնպէս միշտ կը պնդէր, թէ խնդիրը իրմէ անկախ է և թէ թոյլատրելու անկարող է։

Բագրատ ոչինչ չէր հասկընար. Զուր կը հարցնէր, թէ ուրկէ է ուրեմն այդ արգելքին պատճառը.

հոգևորականը միայն ցաւակցական խորհրդաւոր շարժում մը կ'ընէր ու այդ հարցին վրացէն միշտ լոռու. թեամբ կ'անցնէր. միշտ աւելցընելով, թէ գործը հիանալի էր, թէ բոլոր թաղեցիք գոհ էին, թէ ինքը չափազանց կը ցաւի այսպէս լինելուն:

Բագրատ ծուռ-մուռ ճանապարհներու անվարժ սկսաւ տաքնալ, և իր բոլոր փաստերը, ջրումները անգամ մըն ալ կրկնելէն վերջը՝ աւելցուց.

— Սրբազն հայր, ինձի կը մնայ միայն ենթադրել, որ այս գործին մէջ քմահաճոյք մը կայ. իսկ այս տեսակ գործերու մէջ անհատներու քմահաճոյքը ամենաանարդ ու ամենազգւելի բանն է, հասարակական գործը քմահաճոյք չի տանիր:

Սրբազնը երկար սիրուն մորուքը շոյեց. շըրթունքը կամաց մը խածաւ ու երկար, ներող ժպիտով մը պատսսխանեց.

— Եատ միամիտ ես, զաւակս, ի՞նչ քմահաճոյք կընայ լիներ այս գործին մէջ. և ով կը համարձակէր իր քմահաճոյքով այդ սուրբ գործը վասնգելու. միթէ ես կը թոյլատրէի՞. չէ, զաւակս, անհոգ եղիր:

Բագրատ ինքը զինքինքը ու տելէն ոտքի ելաւ.

— Բնականաբար աշխատանքը այլ ես դադրածէ. մեղքը պատճառ եղողներու վզին. միայն ես այս հանելուկը լուծեմ պիտի, սրբազն հայր:

— Ի՞նչ հանելուկ, որդեմակս. երթաք բարով, Աստւած օրհնէ:

Պատասխանեց սրբազնը, բայց հազիւ հագրատ ոտքը սեմէն դուրս էր հանած, որ եպիսկոպոսի շրթունքներէն ժպիտը անցայտացաւ, ու բարկութեամբ շարունակեց.

— Սա լակոտի լեզուն նայէ. նոր հաւեր են ելեր երկաթէ ձուեր կ'ածեն: Աներես, ես գիտեմ ինչպէս քու ոտքը հոսկէ կը կորեմ: Ապերախտները. եկեղեցին առակները կ'ուտեն, եկեղեցականներու երեսէն քանի մը ոսկի կ'առնեն ամսական և գեռ... ապերախտները. ոչշ ծանեաւ չմսուր իւր, և Խորայէլ զծէր իւր ոչ ծանեաւ». «Եւ ապերախտութիւն տանն Խորայէլի կերաւ...»

Հոս իր հատւածը ընդհատեց, երկու անգամ ամուր զարկաւ իր առջել սեղանի վրայ դրւած զանգակը և բարկութեամբ ներս մանող ծառացի երեսին պոռաց.

— Ինձի սուրբ մըն ալ:

ԻԱ.

Կաբաթները իրար ետևէ կը գլորէին: Եւ զպրոցին մէջ ամէն բան ըստ սովորականին առաջ կ'երթար կարծես. միայն ի ներքուստ բաւական բան փոխւած էր:

Բագրատի ծախքերէն ու անոր ինքնիրդլիսութենէն արդէն իսկ դժգոհ թաղականները՝ եպիսկոպոսի ակնարկութիւններու ազդեցութեան տակ բոլոսի ակնարկութիւններու ազդեցութեան տակ:

լորովին հակառակ խօսել էին սկսած երիտասարդին դէմ:

Եպիսկոպոսին սենեակը, թաղացին խորհրդառանը հիմա շատ կը խօսւէր դպրոցի անկարգութեան, տղոց երես ենելու, եկեղեցի շատ չի յաճախելու, ուսուցիչներու ամսականներու շատութեան, դպրոցի մէջ կրօնական առարկաներու թուլալու, ջերմեռանդութեան, հնազանդութեան ու խոնարհամութեան պակասմանը վրայ:

Թաղականներէն մէկը, որ անցածները ով զիտէ ինչ պատահմամբ դպրոց էր մտեր ու անկիւնը դըրւած մարդկացին կմախք ուը, քանի մը մարդակադմական քարտէզներ ու նկարներ էր աեսեր, զայրացած կ'եզրակացնէր.

— Զէ. մեր դպրոցը աւրլւեցաւ. մեր տղայքը կ'անբարոյականանան, կ'անաստածանան այս շէնքին մէջ. ազգը մեզմէ հաշիւ պիտի պահանջէ վերջը. չէ, այս այսպէս չլինիր:

Պալով հողաբարձուներուն, որոնք մեծ մասով երիտասարդ մարդիկ էին, և որ սկիզբները մեծ ջանքով աշխատած էին Բագրատին օգնելու՝ տեսակ մը բնական կամուրջ դառնալով անոր ու թաղականներուն մէջ, հիմա արդէն թուլցած էին: Մէկ մասը աւելի թաղականներու մտածման եղանակին էր հակած. միւսները աւելի Բագրատին մօտ ու աւելի գործէն հասկացող՝ թափ էին տւեր ձեռքերնին ու գացեր իրենց առեւտրական մթերանոցը —

— Այս ժողովրդի համար աշխատելը չարժեր: պարապ բան է, զործ առաջ չերթար՝ տրամաբանելով:

Այս դպրոցի սեմին վրայ խաղացւած կատակերգակ ողբերգութիւնը չուշացաւ իր ազդեցութիւնը դպրոցին մէջն ալ ցոյց տալու:

Ուսուցիչներէն ոմանք, որոնք ծուլութեան ու իրենց քեֆին լինելու վարժւած էին, հիմա շատ կը նեղւէին դպրոցի արդի խիստ կարգապահութենէն ու այդ լարւած տեսչի կողմէն միշտ հսկող աշխատութենէն, բայց հացի խաթեր կը լուէին. լաւ գիտէին, որ Բագրատի կողմէն խօսք մը հերիք է իրենք դպրոցին դուրս նետելու համար. մանաւանդ որ արդէն ինքնին մեծ համակրանք մը չունէին հոգաբարձուներու առջև:

Եւ հիմա ատոնց քիթին շատ շուտով հասաւ բարերար անհամերաշխութեան հովերուն շունչը: Թէև մանր, բայց այնտեսակ դէսկքեր պատահեցան դպրոցին մէջ, որ Բագրատ անսովոր անհանգստութիւն մը զգաց:

Մինչեւ որ օր մը եկաւ Սարգիս ու այդ ձեռքի տակէ խաղացւած բոլոր աղտօսութիւնները Բագրատի առջև մերկացուց:

Երիտասարդը իր դէմ լարւած այդ գծուծ ու պզտիկ դարանները երբ լսեց՝ իր առաջին զգացումը զզւանք եղաւ, ու իր առաջին մտածումը՝ թքնել այդ բոլորին վրայ ու հեռանալ: Բայց, —

— Ի՞նչ. աւելցուց իսկոյն: Առաջին հանդիպած

դժւարութեան դէմ վատութեամբ խոյս տամ: ամենին. կուիմ պիտի ու ան պատճառ մաքրեմ պիտի դպրոցը այդ խեղկատակներէն: Ես գիտեմ ընելիքս. ամօթ ինձի, եթէ այդ անպիտաններու խերը չանիձեմ:

Ու սկսաւ խորհիլ ձեւք առնելիք միջոցներուն վրայ, անոնց ոտքը դպրոցէն կտրելու վրայ, իր վարմունքին մէջ մոցընելիք փոփոխութիւններուն վրայ:

—Այն, սիրելիս, այն. կը կրկնէր Սարդիս: Խորամանկութիւն, քաղաքագիտութիւն, կեղծաւորութիւն պէտք է քիչ մըն ալ. ուրիշ կերպ գործը չի քալեր. ես քեզի քանի անգամ ըսի:

—Թո՞ղ խրատներդ. ինձի այն ըսէ՝ կրցմը հասկընար, թէ ինչու արգիլեցին կիրակնօրեայ դասերը:

—Միամի՛տ. ատկէ պարզ ի՞նչ կայ. նախանձ. կը ճանչաս այդ բառի արտայացտած աղտօս իմաստը: Թաղին մէջ վրադ սկսեր էին շատ խօսիլ, մանաւանդ համակրանքով խօսիլ. իսկ թաղին մէջ «ազդեցիկներէն» ոմանց այնքան ալ հաճելի չէր այդ. այսօր կիրակնօրեայ դասերը ձեռքէդ առին, վաղը բոլորովին պոչդ հոսկէ կը կտրեն, ու լըմնցաւ դնաց. իսկ դուն դեռ կը կարծես, թէ միայն քու պարզասիրտ ազնութեամբդ գործ պիտի շարունակես. Աստած քեզի խելք տայ:

Բագրատ այս բոլորէն բաւական կոտրւած էր. միայն ոչոքի ոչինչ ցոյց չէր տար. նոյնիսկ ինքնիրեն խոսանվանիլ չէր ուզեր:

Դպրոցը զգուշ ու աչալուրջ դիբք մը բունած էր: Եւ այս հանգամանքներուն մէջ իր հոգիին միակ ուրախութիւնը կուիզն էր:

Կուիզ ու Բագրատ հիմա իրարու համար ամէն քան էին, թէև արտաքուստ ոչինչ փոփոխութիւն մուած չէր իրենց յարաբերութեան մէջ: Տղու հիւանդութիւնէն վերջը այդ ընտանիքի ու երիտասարդներու մէջ եղած կապը այն աստիճան սերտացած էր, որ Բագրատի ու կուիզի չափազանց մոերմութիւնը այնքան ալ աչքի չէր զարներ:

Մայիսի ու յունիսի սիրուն օրերն էին: Գէորգ ու Բագրատ, երբեմն մենակ, երբեմն աղջիկներուն հետ իրիկունները պտոյտներու կ'ելնէին շարունակ: Կ'երթացին բաւական հեռուները, նիշլիի կողմերը, դաշտերուն մէջ: Կը ինդացին, կը կատակէին իրարու հետ, ու օր ան յոգնութիւններէն հանգիստ կ'առնէին:

Յաճախ կ'իջնէին ծովեղը. երբեմն նաւակ կը նասէին լուսին գիշերները: Բագրատ ու Գէորգ կը թիւավարէին. ծիծաղ, երգ ու խօսւածք կը խառնըւէր թիերու ճողբիւնին. ու ծեր նաւավարը նաւակին քիթը քաշւած կը խնդար «Ճահիներուն» վրայ:

Քանի մը անգամ աւելի հեռաւոր պտոյտներու ալ գացին. իսկ Պերայի մօտակաց պարտէզները արդէն սովորական էր դարձած:

Այս շրջագայութիւններու ատեն Գէորգի զոյդը

միշտ էլէնին էր, Բագրատինը Լուիզ. Օդիւստան հաս-
նողի թեէն կը կախւէր:

Ու այդ թե թե ի մշտական երթևեկը, ամառ-
ւան զըւարթ, ծիծղուն վերջալոյսին մէջ, կամ
լուսնի կէս-մութին, երբեմն ալ սև խաւարին մէջէն.
այդ անփերջ ցած խօսակցութիւնները իրարու սեղ-
մըւած' Բագրատին և Լուիզին ախորժելիէն աւելի
քան մըն էին:

Իրարու ամեն բան պատմել պարոքի պէս բան
մը դարձած էր արդէն: Լուիզ իր դասերէն, իր յա-
ջողութիւններէն, իր ճգտու մներէն կը խօսէր. Բագ-
րատ իր օրւան դպրոցի կեանքը կը նկարագրէր, իր
դիտաւորութիւնները, իր փափագները, իր նպա-
տակները կը նկատէր:

Մերթ, թէե սակաւ, բոլորովին առանձին աչ
պտոյտի կ'ելնէին երկուքով: Ու այդ իրիկունները
սովորաբար աւելի սրտի խնդիրներուն շուրջը կը
դառնար խօսակցութիւնը:

Աղջիկը կը նկարագրէր իր սրտի յուզումը, իր
հոգիին սպառումի վիճակը, իր զգացումներուն մե-
նութիւնը: Տղան կ'ակնարկէր իր ապրելու անհուն
պապակը, իր սիրոյ ծարաւ հոդին, իր կեանքի տեն-
չանքը:

Ու այս բոլորը տարօրինապէս յուզւած, պարզ
ու անփեղջ շեշտով մը, որ տեսակ մը խոստովա-
նանքի գոյնը կ'առնէր կարծես:

Իրիկուն մը տուն կը դառնային. առանձին էին

բոլորովին: Բագրատ կը խօսէր դպրոցի մասին ոգե-
ւորւած ու տաք-տաք:

Աղջիկը երկար խօսելէն, հարցընելէն, լսելէն
վերջը՝ յանկարծ նկատեց.

— Գիտէք, պարմն Բագրատ, դուք ձեզի չա-
փազանց կը չարչարէք. այդ չափը լաւ չէ իմ կար-
ծիքովս:

— Սակայն այդ իմ գործն է, օրինարդ:

— Ե՛, ամեն մարդ ալ գործ ունի: Բայց դուք
կարծես բնաւ չեզի համար չեք ապրիր:

— Անտարակոյս, որ ինձի համար չեմ ապրիր:

— Որո՞ւ համար ուրեմն:

— Իմիններուս, գործիս ու իդէալներուս համար.
սակայն այդ բոլորի համար ապրիլը արդէն ինձի
համար ապրիլ ըսել է:

Այդ փիլիսոփայութենէն ես բան չհասկըցայ.
բայց պէտք է որ դուք ձեզի քիչ մը խնայէք,
պէտք է որ քիչ մըն ալ ձեզի մտածէք ու... ու
ձեզի շրջապատղները. աւելցուց որչափ կարելի
արագ:

Բագրատ Ժպտեցաւ:

Ինչէն կը կարծէք որ չեմ մտածեր:

— Ես Բնէ գիտնամ. ըսաւ աղջիկը գլուխը կա-
խելով:

Սակայն իսկոյն զլուխը բարձրացուց ու աչքերը
տղուն յառեց:

Երկուքն ալ կանդ առին պահ մը. ու իրարու

նայեցան։ Բագրատ սղմեց աղջկան թել իր թեխն
տակ ու երկուքն ալ ժպտեցան։
Հսու երեսյթին այսչափով ալ վերջացաւ։
Բայց Բագրատ գիշերը անկողնին մէջ համգիստ
մնալ չէր կրնար. մէկ աջ կը դառնար, մէկ ձախ։
«Կը սիրէ. տարակոյս չի կաց կը սիրէ ինծի.՝
կը կրկնէր մաքի մէջ։ Իր խօսքերը, շարժումները,
ձայնը, ակնարկը բոլորը կը մատնեն այդ. վատահ եմ.
և անշուշտ ան ալ վստահ է, որ ես ալ ինքը կը սի-
րեմ, կը սիրեմ. այդ հիշ ըստաւ. Երբ սկսաւ այդ.
մէկէնիմէկ. հիւանդութեանս ատեն քանի մը իննամք,
վերջն ալ քանի մը մտերիմ խօսակցութիւն ու ա-
տոնց գումարը արգէն սէր. ես այդ աղջիկը սիրեմ։
Զէ որ մինչեւ վերջին ատենները մեր մէջ ոչինչ
լուրջ կապ չէ եղած. իրաւ, այդ աղջիկը ես միշտ
համակրած եմ. երբեմն մօտը վայրկեանի յուղումներ
ալ ունեցած եմ. միշտ զրաւիչ զտած եմ. բայց ու-
րիշ աւելի լուրջ զգացնում մը. լուրջ. բայց ինչ է
այդ լուրջը. իր տեսքէն յուղիւ, իր մոտերմու-
թենէն հաճոցք զգալ, մօտը լինել ցանկալ, սրտանց
համակրել. ինչ աւելի լուրջ։

«Ե՛, խելքս բան չի կարեր. մտածեց միւս կող-
մին վրաց դառնալով։ Այսքանը ինծի պարզ է, որ
այդ աղջկան հետ խօսիլը ինծի անհուն հաճոցք
կը պատճառէ, սիրտս կը թեթեցընէ, իր մարմնի
ինծի հպումէն անուշ զող մը կ'ըզգամ, ժպիտէն
կ'ոգեռուիմ, ու ուրախ եմ այն գաղափարով, որ

միշտ իմ մտսին կը մտածէ, որ ինծմով չափազանց
հետաքրքրւած է. ոչ, կ'ուզեմ որ միշտ այդպէս
լինի դէպի ինծի, կ'ուզեմ որ ինծի սիրէ, սաստիկ
սիրէ. որ գրկեմ, սեղմեմ կրծքիս, սեղմեմ շրթունք-
ներուս. Լուիզ...»։

Ու բոլոր ուժովը բարձր գրկած գէլքին կը
սեղմեր։

Ի՞.

Օրւան դասերը աւարտած էին. ու տղայքը ար-
ձակւած։

Բագրատ մենակ իր դպրոցին մէջ ու սենեակը
քաշւած օրւան ցուցակները, հաշիւը, նկատողու-
թիւնները աչքէ կ'անցնէր։

Քանի մը նկատողութիւն ալ ինքը աւելցուց,
քանի մը բան գրեց, մէկ-երկու թուղթ ստորագրեց։
Հանեց ծոցէն փոքրիկ տետրակ մը՝ քանի մը տող
գրեց։ Վերջը ժողուց բոլոր տետրակներն ու թուղ-
թերը լցուց գզրոցը ու կզմեց։

Երբ սոտի ելաւ ու արդէն գուրս ենել կ'ու-
գէր, դուռը զարկին։

—Մանէք։

Դպրոցի դռնապանն էր, որ ետ քաշւելով ճամ-
բայ ուրւաւ Վասակին։

Դուռը գոցւեցաւ։

— Բան, խէր լինի. դռն ալ մեր դպրոցը. բա-
ցականչեց Բագրատ։ Այս ինչ մէծ պատիւ է մեզի։

Դժբաղդաբար քիչ մը ուշ. արդէն դպրոցը արձակւած է. բայց ինչու այլպէս լուրջ ես:

— Լուրջ. ամենեին: Ինձինայէ. սիրտս քիչ մը նեղ է այսօր, ծաղբել կ'ուզեմ մէկը, կատակել կ'ուզեմ: ես զիտեմ, որ դուն չափազանց ոգևորւիլ գիտես, եկայ բեզի քիչ մը խօսեցընեմ ու միամտութեանդ վրայ խնդամ:

— Այդ որչափ տղնիւ ես, որ միայն կարծիքներուս վրայ խնդալու համար այսչափ ճանապարհ քալեր ես:

— Լաւ, այդ հաճոյախօսութիւնները մէկդի. շիտակ գործին անցնինք:

— Քեզի չեմ հասկընար. քալէ երթանք. աղատ օդ շնչելու պէտք ունիմ. ճաշէն մինչւ հիմա դպրոցին մէջն եմ:

— Զէ. նստէ քիչ մը. հանէ զլսարկդ. երկար չի տեեր: Միայն բոլոր միամտութիւնդ, փիլիսոփայութիւններդ, բանաստեղծական յափշտակութիւններդ, լեզւիդ բոլոր ճարտարախօսութիւնը միասին ժողով. այնպէս ըրէ, որ որչափ կարելի է վրադ շատ խնդացընելու առիթ տաս. ուրիշ խօսքով ոգևորւէ:

— Եթէ բոլորովին խենթեցած ալ չես, գոնէ արդէն ճանապարհ ելած ես. տարակոյս չի կաց:

— Ե՛, այդ նորութիւն չէ: Միայն հիմա իմ միակ փափազն է ապացուցանել, որ բոլոր մարդիկ ալ խենթ են, որ ուրիշ կերպ ալ անկարելի է. և որ դուն այդ խենթերուն մէջ ամենէն վտանգաւոր տե-

սակէն ես, որովհետեւ ամբողջ սերունդ մը կ'ապականես:

— Եզրակը, քալէ երթանք գարեջուր մը խմենք. կարելի է քիչ մը հովերը փոխւին:

— Լսէ, Բագրատ. դուն ազնիւ տղայ ես. յիմար ես ըսել կ'ուզեմ. արդէն այդ երկուքը նոյնանիշ գաղափարներ են. և զգացումներդ կեղծել չգիտես. որովհետեւ ուրիշները կը կեղծեն զգացումնին՝ անոր համար ալ մարդ սրտանց խնդալ չի կրնար. իսկ քուամն ըսածդ քու մտածմունքդ է, որով արտասանած քոլոր յիմարութիւններդ ինձի զըւարճութիւն կը պատճառեն:

Այս խօսքերը այնքան լուրջ դէմքով ու ձայնով մը ըստած էին, որ Բագրատ տեսակ մը վախ զգաց. մօտեցաւ Վասակին ու մտերմօրէն հարցուց.

— Ի՞նչ ունիս, Վասակ, քեզի բան մը պատահեր է:

— Ինձի բան մը պատահեր է. համ, համ, համ. չէ. ինձի պէս մարդուն բան չի պատահիր:

Ու սկսաւ խնդալ բոնազբօսիկ, ջղացին ծիծազով մը:

Եւ աւելցուց.

— Ինձի նայէ. դուն աշխարհը կը սիրես, չէ. հիմա ես քեզի կ'ըսեմ, որ այդ աշխարհ ըսածդ անխորհուրդ, ապուշ բան մըն է, որ ոչինչ հրապոյը չունի, որ ինքնին ամենաշանկալի համարւած բաներն անդամ միայն կեանքի տաղտուկը աւելի շեշտելու,

պատրանքներու բեռին վրայ պատրանք մըն ալ աւել-
ցընելու համար են հնարևած:

—Գլուխդ վկայ:

—Լոէ: Դուն կեանքը կը սիրես, չէ. հիանալի
կը գտնես: Լաւ, արդ քեզի կը ըսեմ, որ այդ կեանք
ըսւածը ամենէն անմիտ, ամենէն տիսմար քիմիական
բաղադրութիւնն է, որ բնութիւնը իր ձանձրոյթի
վայրկեանին է շաղւեր: Այնու բան մը այդ կեանքը.
ձանձրալի, չնչին հոգերու անվերջ շղթայ մը. հո-
գեկան բարդ հիւանդութիւն մը, մարմնական հիւան-
դութիւններով ստորակիտւած, միջակիտւած և վեր-
ջապէս վերջակիտւած: Մեր ուրախութիւն, հեշ-
տանք, զըւարճութիւն անւանած բաներն ալ մեծ,
խոշոր անիմաստութիւնը աւելի բէլյեֆ ցոյց տալու
համար են աշխարհ եկած. իսկ երջանիկ բառը ուղ-
ղակի ապուշութիւն բառի քարրիքատուուն է: Հայա
հոգի ըսածնիդ. մեր մարմնի մէկ կտորը, որու միակ
պաշտօնն է զգալ, թէ այս բոլորը որ կայ՝ բացար-
ձակ աղարապութիւն մըն է:

—Գլխուդ պէս:

—Դէ. ես քու ճառիդ նիւթը տըւի. հիմա դուն
ըսածներս հերքել սկսէ ու ես ծիծաղիմ:

Բազրատ գլուխը կախ քանի մը անդամ սե-
նեակի երկայնքովը գնաց ու եկաւ. ու վերջը շիտակ
վասակի գէմը կանդ առնելով ծանր-ծանր ըսաւ.

—Բոլոր ըսածդ կէտ առ կէտ զուտ ճշմարտու-
թիւն է:

—Ի՞նչ, ուրեմն դուն ալ այդ կարծիքէն ես. և
այլպէս հանդմրտ. պոռաց վասակ՝ կատղած ոտքի
ցատկելով:

—Սպասէ. նախ իրար հասկընանք: Դուն քու
եզրակացութիւններդ հանելու ատեն միայն քու սե-
փական կեանքդ աչքի առաջ ունիս. գուցէ ուրիշ
կերպ ալ կարելի չէ: Բայց խնդիրը հոն է, որ դուն
կեանք չունիս. քու կեանքդ ապրելու սխալ ձև
է. քու ամբողջ ըսածդ այդ սխալ կեանքի բացարձա-
կապէս ճիշտ նկարագիրն է, միայն երբէք բնական
կեանքի. դուն կեանք չունիս. դուն չես ապրիր:

—Հա, հա, հա. իրաւ որ այդ բոլորը շատ
հետաքրքիր է, կատակերգութիւնը սկսաւ. շնորհա-
կալ եմ: Անշուշտ բացարելու պատիւը սիտի ընես,
թէ ինչպէս է, որ դուն կապրիս, և ես չեմ ապրիր:

—Նատ պարզ, որովհետեւ ամեն տեսակ վայելքէ
զրկած ես ինքըզինքդ:

—Այսինքն:

—Ինձի նայէ. ապրիլ կեանք վայել լսել է:

—Միթէ:

—Կեանք վայել. կը հասկընաս. վայել. ով
կեանքը չի վայել՝ ան չապրիր. ով համոյք չունի
ան կեանք չունի: Դէ, ըսէ տեսնեմ, որն է քու հա-
մոյքդ, ուր է քու համոյքդ: Բնութեան զիմաց աչ-
քերդ գոցեր ես. դուն բնութիւնը կը ճանչնաս գըր-
քերէն, ուրիշ խօսքով բնաւ չես ճանչնար, որով և
չես սիրեր. բնութիւնը քեզի համար համոյք չունի:

Նմանապէս քեզի համար հաճոյք չունի և գեղար-
ւեստը, նրաժշութիւնը ականջներուդ համար գո-
յութիւն չունի. նկարի մը առջեւ կը յորանջես. բա-
նաստեղծութիւնը, գեղեցիկ դրականութիւնը քեզի
համար ծաղրի առարկայ է միացն, ու թատրոնը
բումբեր ցոյց տալու տեղ. գեղադիտական զգացումը
կը հեղնես, ճաշակը կ'արհամարես. ճաշակը. կեանքը
ճաշակելու կարողութիւնը. ինքդ քու հաճոյքիդ աղ-
բիւրը ձեռքովդ կը խցես:

Վասակ, ոտքը ոտքին վրայ նետած, թեւըը
գլխուն տակը դրած, անշարժ ու ժաղտերես կը նայէր
հագրատին:

Բաղրատ շարունակեց:

—Այդ բոլոր դրկանքներուն հետ ինքը զինքինքդ
կը զրկես նաև սէրէն, սիրելու վայելքէն, բնական
սիրոյ ճաշակումէն: Այդ բնական սիրոյ յատուկ եղած
փափկութիւնները, նրբութիւնները, զգայնոտու-
թիւնը, յուզումները, վախերը, կատաղութիւնը,
ոգեսրութիւնը—այ այդ բոլորի քիթին կը խնդաս
դուն. և այդ հաճոյքներու ահագին դէզի փոխարէն
կը բաւականանաս միայն սիրոյ մէկ որոշեալ ֆաղովը.
և սիրոյ այդ մէկ որոշեալ ֆաղը, որ դուն ֆիզի-
քական կանւանես, քեզի չի տար ամբողջովին իրեն
յատուկ եղող հաճոյքը, որովհետեւ բռնի կերպով ան-
ջատած ես իրեն յարակից միւս ամեն անհրաժեշտ
հողեկան պայմաններէն. որովհետեւ անգոսնած ես
զդացումներու բնական զարդացման աստիճանաւո-

րութիւնը: Այդ անբնականութիւնն է որ քու բաղդդ
բութ կերպով կ'ըզգաց և զուն զզւանք կ'ըզգաս ինքդ
քու վարմունքիդ դէմ՝ քու սիրուդ դէմ, փոխա-
նակ հապարտութիւն ու երջանկութիւն զգալու: Գի-
տես, դուն օր մը ինձի հրէշ անւանեցիր, որ ես
դեռ սիրած չէի քու կարծած սիրովդ. հիմա այդ
ածականը ես քու երեսիդ կը զարնեմ: Հրէշը դուն
ես, որ դեռ բնական կերպով սիրած չես, և չես ալ
կրնար սիրեր, որ չես կրնար բնական աղջկան մը
ամբողջ սէրը ու բովանդակ էութիւնը վայելել: Սէր
իր բոլոր քնքութիւններովը, երազներովը, դողե-
րովը, նախանձովը, հապարտութեամբը, կրքերովը, մո-
լեզնութեամբը. սէր իր յուզումներու, գրգիռներու,
հեշտանքներու բովանդակ աստիճանաւորութեամբը:

—Եունշանորդի բաւեր:

—Իրաւ կան մարդիկ, որոնք իրենց սիրային
հաճոյքները, ինչպէս նաև իրենց կեանքի միաբոլոր
հաճոյքները ունակուս կ'ընեն, կ'արհամարեն. որոնք
ապրելէ կը գաղրեն՝ միայն դիտելու ու տրամաբանե-
ապրելէ կը գաղրեն՝ միայն դիտելու ու տրամաբանե-
հայրենիքի կամ գաղափարի մը համար մեռնող զին-
ւորի մէկ ուրիշ ձեւն են ատոնք. ինդիրը ձեւի մէջ
տարբերութիւն ունի, էապէս նոյնն է: իր կեանքը
զագնել իր սեռի յառաջդիմութեանը նպաստելու հա-
մար: Այդ տեսակ դիւցազներ են, օրինակ, իրենց
երիտասարդութեան 37 տարիները քիմիական աշխա-
տանոցի մը հոտերուն մէջ փակւած աղաւնիներու

ծերտի քանակական ու որակական վերլուծութեամբը զբաղւող պրոֆեսորները կամ ամբողջ կեանքերնին խոշորացոյցի խողովակին վրայ ծռած դիմութիւնի կամ քոլերայի միքրոբները ուսումնասիրող բժիշկները. կամ իր ամբողջ կեանքը մարդու աշխատութիւնը թեթևցընող մեքանայի մը կազմութեան վրայ խորհող գիտնականը: Այս մարդիկը իրենց բոլոր հաճոյքները զոհած են մարդկութեան յառաջդիմութեանը. կամ, աւելի ճիշտ արտայացութեամբ, իրենց այդ բազմաթիւ մանր հաճոյքները փոխանակած են մէկ բայց մեծ, խոր ու անփոխարինելի հաճոյքի մը հետ, մարդկութեան յառաջդիմութեանը նպաստած լինելու գիտակցութեանը հետ. գիտակցութիւն մը, որ մեծ մարդիկներու կեանքին գերազոյն հաճոյքն է: Խակ դժուն. դուն նոյն խսկ անհեթեթ կը գտնես անձնազոհութիւնը, ու ծիծաղելի կը համարես անոր պատճառած հաճոյքը: Սակայն այդ մեծ հաճոյքներէն վազ անցնինք. դուն կը ճանչնաս ամէն մարդու համար սպորտական եղող բնական աշխատանքի բնական հաճոյքը, կեանքիդ մէջ սիրովուսրտով երբէք աշխատած ես. գործ մը տեսած ունիս. քեզի կամ նմանիդ համար գործ մը տեսած լինելու հաճոյքը ջիղերէդ վաղած է երբէք: Է՛, խեղճ մարդ: Բնութիւնը վայելել չես կրնար, գեղարւեստներէն հաճոյք չես զգար, աղջիկան մը տիրանալ չես կրնար, ոչ վիշտ ունիս, ոչ ուրախութիւն, ոչ աշխատանքը կը ճանչնաս, ոչ իր հաճոյքը.

Կ, ալ ինչու կապրիս. ուրիշներու բրածին չհանելու համար, ուրիշներու աշխատանքը ծաղրելու համար: Դէ, հերիք է. քալէ երթանք, գլուխ տաքցաւ: — Երեխ վառօդդ սպառեցաւ, նկատեց Վասակ ու սկսաւ նորէն բարձրածայն խնդալ:

Ալ չխօսեցան իրարու հետ, միասին գուրս ելան, իջան սանդուղներէն ու դռան առաջ սպատրւակով մը իրարմէ բաժնըւեցան:

Բագրատ տուն շտապեց Լուիզը մտածելով. իսկ Վասակ մտամոլոր մտաւ կողմնակի փողոց մը: «Վայ շունշանորդի. ինչ գաղափարի ժայռութիւն. մոլեռանդին մէկը: Եւ ինչի վրայ է այդպէս ամուր ոտքերը դէմ արւեր. մե՞ր գիտութիւններու, որ գեռ շնորհքով փաստեր չունի. իր փորձառութեան, որ գեռ վեց հատէն աւելի չէ. ընթերցման. ա, ինչ հոտած հակասական բաներու դէզ է այն: Սակայն մասամբ ըսահներուն մէջ ճշմարտութիւն ալ կայ: Աէր. գուցէ իրաւ է: Բնութիւնը. իրաւ է. բնութիւնը ինծի մսիթարած է երբեմն. ես սիրած եմ Կովկասի լեռները, մեր Տրապիզոնի լեռները. չէ մեր ագարակը ես միշտ գերադաս եմ համարած քաղաքէն. գետակի մը ձայնին տակ իրաւ որ մարդ կարծես կը կակղի. սակայն չէ որ այդ թուլութիւն է, ջիղերու դրդում. զարմանալի կերպով տարբեր է, ջիղերու դրդում. զարմանալի կերպով տարբեր է, ու այդ աշխատանքը կը պատեն մարդիկ միևնույն երեսցմքը: Գործ, տարբեր կը զատեն մարդիկ միևնույն երեսցմքը: Գործ, աշխատանքը կը լսէ ան. պարզ է, որ կենդանին իր գործաշխատանքը կը լսէ ան. պարզ է, որ կենդանին իր գործաշխատանքը կը լսէ ան. այդ գիւտը ընելու հածունէութամբն է կենդանի. այդ գիւտը ընելու հածունէութամբն է կենդանի.

մար մինչև Ամերիկա երթալու պէտք չի կայ. շատ սիրուն. բայց... ախ, այդ բայցը. ի՞նչ գործել, ի՞նչ բանի աշխատիլ, ի՞նչ ընել. ահա հոտ է հարցը, տարակոյսի մեծ հարցը, որն է ճշմարիտ, բնական գործունէութիւնը: Ե՛, որքան երջանիկ է զիւղացին, որ կ'ապրի միւս կենդանիներուն պէս առանց աւելորդ ինչուներով, ինչպէսներով գլուխ յոդնեցընելու. Կթէ հինգ սխառորի գլուխ ըստըկեն, մեծ գործ մը կատարած լինելու գոհունակութեամբ կ'ուտեն սոխի մը գլուխը, կը սրբեն բերաննին ու երկնաւոր թագաւորին փառք կու տան... Բայց միթէ միայն զիւղացիները. չէ այս մարդիկն ալ գոհ են ու երջանիկ. այդ բագրատը, այդ իդէալներով խցւած ապուշը, այդ ագնիւ ու ոգեորւած դգումը. բայց ի՞նչ կուզես ըսէ. բաղդաւոր տղայ. սխալ թէ ճիշտ՝ իրեն համար ճամբայ մը ընտրեր է, գոցեր է աչքերը ու կը վազէ, վատահ իր ըրածի ճշտութեան, կատարեալ հաւատքով ու եռանդով. և երեի հոտ է իր անհուն ոգեորութիւնը և ուժը: Ինչ ալ որ լինի՝ անոնք բաղդաւոր են. տղան իրաւ կ'ըսէ. անոնք կեանքը կը վայլեն. հաճոյք, ամէն կողմ հաճոյք կը փընտրուեն, մնացածը իրենց չի հետաքրքեր. հաճոյք. և արդիօք արքելու շիտակ ճամբան այդ չէ: Ե՛, տիմար մոտածումներ այս բոլորը:

Զեռքը թափ տւաւ ու նոր փողոց մը մտաւ:

ԻՊ.

Վարդեառի կիրակի՛ օրը տղայքը երեք աղջիկները առին ու Մեծկղզի տարին:

Հիանալի օր մը անցուցին վարը՝ ծովեղերեաց ճաշարանին մէջ, վերը՝ կղզիին գագաթը, անտառներուն մէջ:

Գինին ազդւած, բնութենէն շեշտըւած կատակները չափէն աւելի բացւեցան. զըւարթութիւնը խենթ ոգեսրութեան մը զիմակը հագաւ:

Բագրատ ու Լուիզ, թէեւ միւմներէն նկատելի չլինելու համար միշտ զգուշ՝ չէին կարող ծածկեր իրենց անհուն ուրախութիւնը և այն ուժգին ձգողութիւնը, որ կ'ըզգացին դէպի իրար:

Հայեացքները ոլաքներ էին դարձած սրաերու նշան առած. ժպիտները թակարդներ՝ իրարու յափշտակութիւնը օղակելու: Ամէն պատեհ առիթով կը սեղմըւէին իրարու, իրարու ձեռք կը սեղմէին գողունի:

Անտառին մէջ պահւըտուք խաղացին քիչ մը. բայց իրենց թաքսոսոներուն մէջ անհամբեր՝ դուրս թափեցան բոլորն ալ ու ահագին աղմուկով խառն սկսան իրարու ետևէ վազվզել, իրարու զարնել, քաշքշել, փախչել. աղջիկներուն սուր քբքիջը, տղոց պոռչըտուքը իրար էին խառնըւեր:

Այդ շփոթութեան ու իրարանցման մէջ Լուիզ ու Բագրատ քանի՛ քանի անզամ իրարու զիրկ ինկան, իրարու ճմլըւեցան:

Ու կը խնդային, ու կը խօսէին. կը ճլւլլային
անվերջ, բոլորն ալ:

Երբ շոգենաւէն ոտքերնին կամուրջ դրին՝ ա-
մենքն ալ յոդնած էին. մեղկ ու յափրեցուցիչ յոդ-
նութիւն մը:

Իսկ Լուիզ երջանիկ:

Գէորդ յաջորդ օրւան դպրոցը գոց լինելէն օգ-
տըւելով շիտակ Պոլսի կողմը անցաւ՝ խան՝ իր հայ-
րենակիցներուն սենեակը:

Իսկ միւսները տունն ալ քիչ մը քրքջալէն վերջը՝
ցրւեցան իրենց սենեակները խոստանալով, որ յա-
ջորդ առառ կանուխ երթան Պերայի հասարակաց
պարտէզը նախաճաշելու:

Բագրատ իր հաշիւը ունէր: Էլէնին կարի դաս
ունէր, որով հոն երկար մնալ չէր կրնար, նաև Օգիւս-
տան, որ դպրոց պիտի երթար:

Յուլիսի պայծառ առաւօտ մըն էր այս երկու-
շաբթին:

Հասարակաց պարտէզը հազիւ մէկ-երկու հոգի
կային:

Երիտասարդ խումբը քաշւեցաւ կանանչապատ
անկիւն մը, Ոսփորի դէմ, Ասիական գւարթ ցամաքի
ճակտին:

Այդ գեղեցկութեան ու բարձրութեան վրայ
գըւարթ ու բաց էր բոլորի սիրտը. նաև ստամոքսը:

Նախաճաշը, խօսքն ու կատակ երկար տեսեցին—
մինչև որ Էլէնին առաւ իր կարին կողովիկը, Օգիւս-

տան իր գրքերուն պայտուսակը—ու ոտքի ելան:

— Իսկ դմէք. հարցուց Էլէնին նախանձի շե-
տով մը:

— Մէնք դեռ քիչ մը կը նստինք. ես կարդամ
պիտի. ըստ Բագրատ անտարբեր, դրպանէն գրքովէ
մը հանելով:

Իսկ Լուիզ արդէն ձեռագործով կ'աշխատէր:
Բարեկեցին ու հեռացան երկուքը:

— Մնացինք առանձին. ըստ աղջիկը թեթև
մը կարմրած. աչքերը նախ Բագրատի դէմքին, ետքն
ալ վարի կապոյտ ալիքներուն նետելով:

— Բարեբաղջաբար. պատասխանեց տղան. գիրքը
վար դրաւ. յենեցաւ աղջկան աթոռին. բռնեց անոր
ձեռքը ու սեղմեց պինդ մը, ուրկէ ժանեակին ասեղը
աղջկան գիրկը սահեցաւ:

— Ի՞նչպէս ուժով էք. ձեցէք, ձեռքս, ձեռքս
ցաւցուցիք. ձեցէք, թէ չէ կը ծակեմ. ըստ աղ-
ջիկը շփանալով:

— Ծակեցէք. պատասխանեց Բագրատ աւելի սեղ-
մէլով:

Լուիզ ասեղը առաւ, քաջութեամբ տղու ձեռքի
երեսին դըպցուց ու կամաց մը ձնշեց. յանկարծ ան-
դին նետեց ասեղն ու ժանեակը, երկու ձեռքով յափշ-
տակեց տղուն ձեռքը ու սրտին սեղմեց:

— Վախ, վախ. ա, ինչ անգութ եմ. ցաւ եցաւ:

Ու այնպէս քնքուշ, խանդաղատանքի, շոյանքի
հայեացք մը սահեցուց տղու աչքերուն, որ Բագրատ

դողաց ու ջղաձգօրէն սկսաւ ճմլել քօրսէին այն
մասը, որուն տակը սիրտը լինելու էր:

—Կարդացէք, կարդացէք. ըսաւ աղջիկը, մեղ-
մութեամբ տղու ձեռքը հեռացընելով ու ամըչքոտ
աչքերով իր շուրջը պարտէզը դիտելով:

Բագրատ մեքենաբար առաւ գիրքը, թերթեց,
բացաւ երես մը, քիչ մը ատեն անթարթ վրան
նացեցաւ ու նորէն նետեց քովի աթոռին վրայ:

—Զէ, չեմ կրնար, ախորժակ չունիմ:

—Ուրեմն բնութիւնը ուսումնասիրեցէք. տե-
սէք, ինչ սիրուն են դիմացի լեռները. ա Զամլըձան
է. լեռները կը սիրէք: Հապա այս երկինքը. կը տես-
նէք այդ ամպի խոշոր կտորը. հապա ըսէք տեսնեմ
ինչի կը նմանի. կարծես թեսերը կտրած արձան մը
լինի. Բէթհովէնին բիւսող տեսած էք. բայց ինչ-
քան կը նմանի. զարմանք. այնպիս չէ:

Բագրատ նստած էր անշարժ՝ աչքերը շեշտակի
աղջկան երեսին դամած: Ոչինչ չէր լսեր:

Յանկարծ աթոռը առաջ քաշեց դէպի աղջիկը.
ու անոր ձեռքէն ժանեակներու կծիկը քաշելով—

—Դուք ալ մի՛ աշխատիք, ըսաւ:

—Ինչու. է՛, մի՛ քաշէք թելս. կը փրթի. թո-
ղէք. տեսէք՝ արդէն հատնելու վրայ է:

—Զգեցէք, թէ չէ կը փլրցընեմ:

—Չեմ ձգեր. ըսաւ աղջիկը ակուաները սեղմելով:

Բագրատ քաշեց թելը, փրցուց. մնացած կծիկը
ամբողջ քակեց արագ-արագ, բոլորը փեթընտեց,

քղիկ-քղիկ ըրաւ, փետըռտուքները լեցուց աղջկան
գիրկը ու խոր շունչ մը առաւ.

—Հա, այսպէս:

Աղջիկը աղուն երեսը նայեցաւ. ու շիկնեցաւ.
տղու աչքերուն մէջ անսովոր բան մը կար:

—Խեղճ թելերս. անոնց յանցանքը ինչ էր.
ըսաւ. աղջիկը իր ներքին յուզմունքը զսպելով: Ե՛,
հիմա ես ի՞նչ ընեմ:

—Խօսեցէք, պատուեցէք, ժպտեցէք, ինձի նա-
յեցէք, ձեռքերնիդ տըւէք ինձի:

—Բայց չափազանց ագահ էք. այդչափ բան որ
միասին կը պահանջէք, ես որ մէկը կառարեմ:

Բագրատ ոտքի ելաւ.

—Քալեցէք տուն երթանք. ես հոս այլ ես չեմ
կրնար նստիր:

—Ինչու:

—Ե՛, այսօր որչափ շատցէր է ձեր «ինչուն»:
երթանք, արդէն ժամանակ է:

—Տըւէք դլսարկս, հովանոցս ալ: Կոճկեցէք սա
ձեռնոցս ու սա ժանեակներս գրպաննիդ դրէք:

Հրամայեց աղջիկը հատիկ-հատիկ, իրարու ետևէ:
Փողոցը տաք էր ու փոշի: Տրանւայ նստեցան:

Ամբողջ ճանապարհը աղջիկը իր փեթուտած թե-
լերուն վրայ կը գանգատէր, կը ըսպառնար, կը հեգնէր:

Տուն հասան: Մայրը խոհանոցն էր:

Բագրատ աղջկան թել անդամ մըն ալ սեղմեց
ու մոտաւ իր սենեակը:

Սենեակի մէջը կը դառնար. իր ուզածը ինքնալ չէր զիտեր. կ'եռար սիրալ. մասածեց աղջկան սենեակը երթայ. գնաց մինչեւ դուռը ու ետ դարձաւ. պառկեցաւ վայրկեան մը բանապէին վրայ. ոտքիցատկեց, կեցաւ հայելիին դէմը ու սկսաւ իր դէմքը զիտել առանց ոչինչ տեսնելու. գնաց բաց պատուհանին առջել ու սկսաւ հեռուն նայել. Ամեն կողմիր աշքերուն դէմ երևցողը միշտ նոյն շինած սիրուն գլուխն էր, որ հպարտութեամբ կը բարձրանար իր առանձգական ուռուցիկ պատւանդանին վրայ:

Եւ միենոյն ժամանակ ուշադրութեամբ կը հետեւէր դուրսէն լսող իւրաքանչիւր ձացնիւ ևսեց որ աղջկան սենեակի դուռը բացւեցաւ, ճանչցաւ աղջկան քայլածքը, որ դէպի իր սենեակը կու գար. սիրու սեղմըւեցաւ բերկրանքէն:

—Ի՞չ է լոնք հոտ, հարցուց աղջիկը սեմէն:

—Կը կարդամ. պատասխանեց Բագրատ մեքենաբար քովի սեղանէն զիրք մը վերցընելով:

—Գիրքերնիդ հիմա վար դրէք ու բռնեցէք սաթելերս, որ կծիկ փաթթեմ. ինչպէս որ թելերս փեթըուտեցիք, այնպէս ու հիմա ինծի օգնէք պիտի:

—Ո՛չ, ես կարդամ պիտի. ըսաւ Բագրատ աղջիկը զայրացընելու համար. ու խիստ լուրջ դէմք մը առած զրասեղանին առ ջեւլ անցաւ:

Աղջիկը մօտեցաւ, խեց ձեռքէն զիրքը, անդին նետեց ու թելերուն փաթոյթը տղու թելերուն անցուց:

—Հանգիւաս. մըմնջեց շրթունքներուն մէջէն մատը տղուն վրայ թափ տալով:

Ու աչքերը տղու աչքերէն չի բաժնելով գնաց նստեցաւ դիմացի բազկաթոռին մէջ ու թելը մեքենաբար կծիկը սկսաւ:

—Բայց ես կարդալ կ'ուզեմ. կրկնեց նորէն:

—Զգուշ. թելերս խճողէք պիտի. հրամայեց աղջիկը:

—Կեցէք. գոանց բացականչեց երիտասարդը:

Ոտքի աթուը ոտքովը աղջկան ոտքերուն քովը հրեց, նստեցաւ վրան, զիրքը դրաւ աղջկան զիրկը ու իր արմունկներն ալ կրթընցընելով անոր ազդրերուն—

—Դէ, դուք փաթթեցէք. ըսաւ. ես ալ կը կարդամ:

—Զափազանց հնարագէտ էք, նկատեց Լուիզ:

Ու ծունկերը դողացին, որոնք տղու կրծքին էին յենած. իր լանջը յուզումէն կը շնչատէր. իսկ ձեռքերը մեքենական ջղու թափով մը կծիկը կը փաթթէին:

Թելին փաթոյթը տղու ձեռքերէն վար սահել սկսաւ:

Երկուքն ալ անթարթ, կիզող, բաշող, տենչոտ հայեացքով մը իրարու կը նայէին:

Լուիզ յանկարծ կծիկէ դադրեցաւ. ու դողդոշուն, խոր շունչ մը առաւ.

—Ամահ...

Իսկ Բագրատ առանց աչքերը անոր աչքերէն քաժնելու՝ բըռնեց աղջկան զոյդ ձեռքերը ու մոլեգոնութեամբ իր կրծքին վրայ ճմիել սկսաւ:

Թելերը խըճընեցան. անցան աղջկան գօտիի երկաթին, տղու կոճակներուն ու երկուքի մատներուն:

Լուիզ ուժասպառ թևերը թողոց. ու դլուխը կամաց-կամաց վար խոնարհիլ սկսաւ:

Բագրատ նախ աղջկան խոպոպիկները զգաց, որոնք իր ճակատը խախտեցուցին. տեսաւ անոր աչքերուն դոցւիլը. ետքը տաք շունչ մը վազեց իր ընչացքներուն մէջէն ու թաւիշի մեղմ շոյանք մը քսւեցաւ իր շրթունքին:

Խենթի մը պէս բացաւ թևերը. թելերը փեթընսեցան:

Տղան փարեցաւ. աղջիկը դողաց. ու երկու համբոյր մէկի ձուլեցաւ:

Ի՞.

Մինչ դպրոցի գործերը օր օրի կը վասթառանալին:

Կասկածելի ուսուցիչները օր օրի կ'աներեսնացին. թաղականներուն քրտմնջումները կը սաստկանալին: Բագրատ ամեն կողմէ աղտոտ բամբասանքներ կը լսէր. նոյն իսկ լսեց, որ իր մասին սատիկանութեան ականջը բաներ էին դրեր:

Այս բոլորը իմանալը, դպրոցի մէջ միշտ կասկածով վերաբերւիլը, ուսուցիչներուն վրայ շարու-

նակ հսկելու ստիպւած լինելը, թաղականներուն մէկ-երկու բացազրութիւններ տալու հարկադրւիլը, այն գիտակցութիւնը, որ աւելորդ ժամանակ ու ուժ կը կորսնցընէր, այս բոլորը սաստիկ զգւանք կ'ազդէին Բագրատին ու կը յոդնեցնէին. ան, որ յոդնութիւն քառը լսել չէր ուղեր:

—Այս գործերը դպրոցի մէջ մանելու չէին. այս կերպով գործ չի քալեր. կ'ըսէր Սարգսին զայրոցթի վայրկեաններուն: Գոնէ այդ անալիտանները անմիջապէս դպրոցին հեռացընելու է:

—Արդէն քեզի ըսի, որ չես կրնար. շունչանորդիները մտեր են թաղականներուն փէշին տակ:

—Այն ատեն լաւ է մենք անմիջապէս գործը ձգենք: Բայց... բայց տղամէքը. ա...

Բագրատ կ'ըզգար, որ կապւած էր արդէն իր աշակերտներուն: Միւս կողմէն արձակուրդէն առաջ դպրոցը երեսի վրայ ճգելու խիզճ կ'ընէր: Վճռեց ամիս մըն ալ ակռաները սեղմէ:

—Ասուած իմ, դեռ ամբողջ ամիս մը. կ'ըսէր:

Ու մոռնալու համար ինքըզինքը զբաղման կուտար:

Իսկ Գէորգ բոլորովին թուլցած էր արդէն:

—Լաւ, ի՞նչ քեզի կտոր-կտոր կ'ընես. կը կրկնէր Բագրատին: Մէկ-երկու շաբաթէն ձգես երթաս պիտի. ուրիշները պիտի գան ու բոլոր շինածդ քանդեն պիտի:

—Մեղք, մեղք տղոցը. այսպէս ժիր, այսպէս

մտացի. նորէն պիտի բունեն խեղճերու դլուխը գրաբարի հոլովներ, «որո՞նք են մահացու մեղքերը» ու աշխարհագրական անուններ պիտի խոթեն: Ա՛, Գէորգ, որ կը մտածեմ...

—Այսպէս է աշխարհը. աշխատէ, աշխատէ, վերջն ալ ամեն բան երեսի վրայ թողնել ու հեռանալու ստիպւէ, ապերախտ ժողովուրդ, որ իր օգուտը չգիտէ. մեր աղջը արդէն այսպէս է. մենք մարդ լինելիք չունինք:

—Լուէ, խելօք. ի՞նչ ափեխցիես լեզւիդ կուտաս. ազգը, ցեղը, ժողովուրդը ի՞նչ ընէ. ժամանակի, կրթութեան, զարգացման խնդիր է այդ. աշխատելու է աւելի բարձր զգացող ու աւելի ճիշտ մուածող մարդիկ պատրաստելու. ուրիշ ոչինչ:

—Ե՛, շիտակը, ես յուսահատած եմ արդէն, պատասխանեց Գէորգ տարօրինապէս խեղճ ու տխուր շեշտով մը:

—Քիթդքերանդ մի՛ ծոեր, անշնորհք: Աշխարհի մէջ ամենէն անխելք ու անօգուտ բանը տխրիլն է. իսկ տխրելն ալ գէշ է յուսահատիլը: Ոչ տխրելն գործ մը առաջ կու գայ, ոչ յուսահատելէն: Ուրախ եղիր, վստահ ու աշխատէ: Աշխատելու է միշտ թէ յաջող և թէ անյաջող վայրկեաններուն. աշխատանքը միայն գործ մը տեսնել կրնայ:

—Բայց որ չե՞ն թողուր աշխատելու, որ կը խանդարէն:

—Ըրէ, որքան կրնաս: Այս կողմէն քայլ մը ընել

անկարելի է, ձդէ հոս ու միւս կողմին փորձէ: Աշխատանքը բերդ մըն է, որ զրաւենք պիտի. այս կողմէն չեղաւ, պիտի յարձակւինք միւս կողմէն. դուռները կոտրելու չի յաջողեցանք՝ պիտի մազըլցենք պարիսպներն իվեր, մինչև որ վերջապէս բերդը մերը լինի: Կարելի է մենք ալ կ'ինանք այդ յարձակման ատեն. աւելի լաւ. ոգեւորութեան վայրկեանի մը մէջ կ'անցնիս ոչնչութեան սեմէն. Բնչ կը կարծես շատ ախորժելի բան է թքնելով, տքալով. ամիսներով անկողնին մէջ գլուրուիլը:

Ու սկսաւ. խնդալ:

—Դեռ խնդալու ալ սիրո ունիս: Եխտակը, որ կողմը ալ որ դառնաս՝ միացն լալու բան կայ մեր հասարակութեան մէջ:

—Լալ ու ողբալ. ահա մեր իրաւ որ լալու բաները, մեր առնէն մեծ հիւանդութիւնը: Մեր բանաստեղծները կու լան, մեր ճառերուն մէջ կ'ողբան, մեր երգերը կ'արտասւին, մեր դասագրքերն անդամ արտասուք ունին. մեր լրագիրները եղերերգուներու կը նմանին, մեր ընկերութիւնները՝ լալ կան կնկան. ամէն կողմ կու լան. կու լան ու մեծ գործ մը կատարած լինելու գոհունակութեամբ մէկ կողմ կը քաշւին: Այդ արցունքի կէսին չափ եթէ քրտինք թափւէր՝ հիմա մենք շնորհքով գործիչներ կունենայինք, և ոչ թէ մարդակերպ բառի տոսկրակներ:

Գէորգ սկսաւ. խնդալ:

— Համարկութեանք. կը տեսնես. վրադ մարդու շնորհք
եկաւ: ինդալ. ինդալ ու աշխատիլ. կեանքի ուժը,
խանդը, առողջութիւնն է այդ: Ծաղրէ, հեգնէ,
զայրացիր, կատղէ, ինդալ, ինչ որ կուղես—ազատ
ես. մինակ մի' տիրիր, մի' յուսահատիր. տիրողնե-
րու բանակներ ունինք. քիչ մըն ալ ուրիշ տեսակի
մարդիկ ունենանք: Զարկած վայրկեանիդ ինդալ,
զարնըւած վայրկեանիդ հեգնէ. աշխատանքի ատեն
զւարճացիր, մահւան ատեն կատակաբանէ. ահա քեզի
փիլիսոփայութիւններուն փիլիսոփայութիւնը: Եի-
տակը քեզի խորհուրդ չեմ տար՝ փիլիսոփայութիւն-
ներու շատ ականջ կախես. բայց եթէ կայ մէկը
որուն հետեւիլ կ'արժէ՝ այն ալ այս է:

Արտաքրուստ հանդարտ ու ներքուստ լարւած
օրերը կ'անցնէին իրարու ետեւէ:

Բագրատի միսիթարութիւնը ևուիզն էր:

Տունը բոլորովին ուրիշ մարդ կը դառնար կարծես:

Ան որ զպրոցը մինչև վերջը կամ կատղած էր
թաղականի մը հաստագլխութեան դէմ, կամ զըդ-
ւած էր նոր ականջը հասած տիմար բամբասանքէ
մը, կամ զանած իր մէկ-երկու ուսուցիչներու ար-
տաքին կեղծաւորութենէն ու քսութենէն և կամ
ինքն իր դէմ զայրացած, որ այդ բոլոր աղտատու-
թիւնը հանդուրժելու չափ ինկած է արդէն. այս
ամենէն վերջը իրենց դուրսեցիի սենեակը անոր ար-
քայութիւն կը թրւէր. սիրոց ժապառն արքայու-
թիւն մը:

«Սիրոց մէջ շահողը խաղի մէջ կը կորսընցընէ՝
կ'ըսէն. բայց երկի սիրոց մէջ շահողը գործի մէջ
ալ կը կորսընցընէ եղեր». կը մտածէր Բագրատ:

— Ինձի նայէ, Բագրատ. ըսաւ յանկարծ օր մը
Գէորգ: Եթէ ես քու տեղդ լինէի՝ մինչև հիմա խեն-
թի պէս սիրահարած կը լինէի Լուիզին:

Բագրատ անակընկալ հարցէն կարմրեցաւ:

— Այդ մւրկէ հիմա միտքդ ինկաւ:

— Ազպէս մինչև վերջը իրարու հետ. այդ տե-
սակ խելօք ու գեղեցիկ աղջիկ մը. պարզէ, որ եթէ
դուն քայլ մը ընես, ան երեքը պիտի ընէ դէպի
քեզի: Դուրս ու ներս մոածելած ատենդ ետեւէդ
նետած հայեացքները աեսնելու ես. ամբողջ հոգին
է մէջը. ծածկել կ'ուզէ, բայց չի յաջողիր:

— Իրաւ. հարցուց Բագրատ ժպտելով:

— Կը զարմանամ քու անզգայութեանդ:

— Լաւ, քեզի մվլ ըսաւ, որ ես չեմ սիրեր. չէ
որ մինչև վերջը հետն եմ:

— Ե՛, գիտեմ քու հետը լինելդ, խօսածնիդ ալ
գիտեմ. խեղճի սիրուն զլուխը կ'ուռեցընես քու
դպրոցովդ ու փիլիսոփայութիւններովդ. մե՛ղք. այդ
աղջկան հետ շատ աւելի քնքուշ ու սրտատրոփ նիւ-
թեր կան խօսելու: Ե՛, արդէն աղջիկ ըսածդ ճաշակ
չունի. քեզի պէս անակտքներու ետեւէն կիյնան:

— Պարապ խօսքի ախորժակ չունիմ. վերջ առւր.
մինակ միշտ աչքերուդ մի' հաւտար. ըսաւ Բագրատ
վերջին երկդիմի նախադասութիւնը շեշտելով:

Ու ակամաց քիթին տակէն ժպտեցաւ:

իԵ.

Արել արդէն շատունց էր մայր մտեր. ու
մթութիւնը կը թանձրանար:

Վասակ ու Բագրատ հազիւ էշերէն իջան, որ
երկաթուղիին սոցլը լսեցին:

— Գնացքը եկած է. շնւտ. շտապեցուց Բագրատ:

Եւ արագ իշապանին վճարելով՝ Սան-Ստեֆանօի
փոքրիկ կայարանը վագեցին:

Տոմսակները գնելը, վագոն ցատկելը ու գընա-
ցքի շարժւիլը վայրկեանի մը գործ եղաւ:

Քուպէի մեջ մինակ իրենք էին:

Երկուքն ալ մեց-մէկ անկիւն նետւեցան շըն-
շասպառ, իրարու դիմաց:

Ոտքով, էշով չափեր-չափչփեր էին շրջապատող
դաշտերը, ծովու բարձր ափերը մինչև Ֆիլորիա,
ուր իբր թէ ճաշեր էին ու նորէն նետւեր դաշտերը
և այգիներուն մէջ:

Ու խեղճ իշերու հոգին հանելով հազիւ էին
հասեր Սան-Ստեֆանօի վերջին գնացքին:

Դուրսը արդէն մութ էր բոլորովին:

Քուպէի առաստաղէն կիսագունդ լաւուերը աղոտ
լոյս մը կը թափէր վար: Եւ վագոնին պարապու-
թիւնը տակի անիւներու դղրդիւնը կը կրկնապատկէր:

Երկու բարեկամները բաւական երկար նստած էին
լուռ. Վասակ նստարանի թիկունքին փուած. Բագ-

րատ, թել պատոհանին դուրսի մթութիւնը դի-
տելով:

Վերջապէս Բագրատ լուռթիւնը խզեց:
— Ի՞նչ կը մտածես. հարցուց:

— Զեմ մասձեր. կը նախանձիմ. կը նախանձիմ
ձեզի: Շողին վառեր էք ու կը վազէք առանց աջ ու
ձախ նայելու. առանց հարցընելու ինչուն, բաւական
է, որ շարժման մէջ լինիք. ալ գոհ էք. առանց հար-
ցնելու թէ այդ ըրածնիդ օդուտ մը, նպատակ մը
ունի. Ճիշտ այս օրւան մեր պտոյտին պէս:

— Սիրելիս, այսօրւան մեր պտոյտը անօդուտ,
աննպատակ կ'անւանիս. սակայն կ'անցնին տարիներ,
ու դուն այս օրը բնաւ չես մոռնար ու հաճոցքով կը
ցիշես. ապացոյց մը, որ մեր այսօրւան վարմունքը
անօդուտ չէր: Եթէ խելք ունիս՝ այդ տեսակ «ան-
նպատակ» գործեր շատ տես: Բայց այս մէկի Զեզի
կը նախանձիմ՝ կ ըսես. գուցէ մասամբ ալ իրաւունք
ունիս. քու ամենամեծ դըքբաղդութիւնը անգործ
լինելդ է. հազար անդամ արդէն ըսեր եմ:

— Մինչեւ հոս ենթագրենք քեզի հետ համա-
կարծիք եմ: Ինձի նայէ, Բագրատ, մեր այսչափ
ժամանակւայ ընկերակցութիւնը այլ ևս մեզի իրա-
րու կապեց. կ'ուզեմ որ ինձի աղեկ հասկընաս. Ես
քու կարծածիդ չափ ալ անճաշակ, նիւթական ու
եսամոլ չեմ. իմ մէջս ալ կան վայրկեաններ, որ
կարծես զգացումները տիրելու կելնեն. Ժամեր կան
որ անձնազոհութեան էլ սպատրաստ եմ. ես երա-

ժշտութիւնը կը սիրեմ. ջիզերու թուլութիւն է՝ ինչ ընեմ. նոյն խակ, կ'ամը նամ խոստովանելու, սիրոց իդէալական պատկերի պէս բան մըն ալ ունիմ գըլ-խուս մէկ անկիւնը. ես ալ երբեմն կը բաղձամ կարծես անմեղ աղջկան մը շիկնոտ, քնքուշ պլատոնական նայւածքին. ինչ ընենք, սիրելիս, մեր ծուռ կրթութեան արդիւնքն է. աշխատանքի պահանջ, բան մը ընելու ձգառում, ձեր գործունեաց կեանքին դէմ նախանձ մը—այդ բոլորը իմ մէջս ալ կան. եթէ մինչև հիմա չեմ խոստովանած՝ պատճառը հպարտութիւնս էր. որովհետեւ զիտեմ, որ ատոնք անբնական, ծուռ, հնաւանդ բաներ են, որոնց դէմ մաքառել պէտք է, արմատախիլ ընել պէտք է:

— Խեղճ, բռնի կերպով կեանքդ իր սնունդէն զրկել կ'ուզես. չէ. հիմա առանց կատակի կ'ըսեմ. դուն հիւանդ ես:

— Գուցէ. միայն ոչ քու կարծած ձեռվդ: Այդ բոլորը, այն, իմ մէջս ալ կայ. բայց ինչպէս որ կը տեսնես ճիշտ ատոնց հակառակ գաղափարներն ալ կան միւնոյն ժամանակ գանգիս տակ. և այդ հակառակորդները իրարու հետ չեն հաշտիր:

— Այդ կը նշանակէ, որ մէջդ եղած գաղափարները իսկապէս չես իւրացուցած. ամէն լսած եկեր մնացեր է ուղեղիդ մէջը առանց քու սեփականդ լինելու: Ուղեղը ստամոքս է, և ոչ թէ Ահմէտի տոպորակ. ամէն ներս մտածը կամ արիւն դառնալու է և կամ մարմնէն հեռանալու. առանց մարսլւելու

մարմնէն չհեռացող մասերը ստամոքսի թուլութիւն ու աղիքներու բորբոքում կը յառաջացընէ: — Կեցցես. բժիշկ ալ ես եղեր: — Կատակը մէկդի. լուրջ խօսինք: — Եաւ. եթէ այդչափ առողջ ուղեղ ունիս եկուր զուն մարսէ տեսնեմ այս մտածմոնքները: Աշխատելու է կ'ըսես. ես ալ քեզի հետ. միայն հիմա ինձի լսէ. երբ ես տղայ էի մասնաւոր հակում մը ունէի լեզուներուն. ապագային լեզւագէտ լինել կը մտածէի. մեր աշխարհաբարը մշակել, զարգացնել կ'երազէի. իսկ հիմա մինակ այդ գաղափարը հերիք է ինձի ծիծաղ պատճառելու. համար. լեզուներու ուսումնասիրութեան ու մշակմանը համար աշխատանք թափել. ինչու, քանի որ գիտեմ թէ այդ բոլոր լեզուները չնշւին պիտի վազ թէ ուշ՝ ընդհանուր համամարդկացին լեզւի մը տեղի տալու համար: Ստեն մըն ալ մտածեցի օրէնսգիտութեամբ, քաղաքականութեամբ, փաստաբանութեամբ զբաղւելու. արդ, սիրելիս, մտածէ որ մեր արդի օրէնսգիտութիւնը հնարւած է պարզապէս ասորինութիւնները իր փէշերուն տակ պատսպարելու համար. առ օրինակ կալւածական օրէնքները. ինչ աբսուրդ. կալւած. ինչ օրինաւորութիւն է այդ որ մէկին վրայ կը վաւերացնէ հազարներով քառակուսի քիլոմետր հողեր, իսկ միւսին կաղամք մը տնկելու իրաւունք չի տար: Հապա քաղաքականութիւնը. այդ վաւերացւած ստախօսութիւնը, այդ պաշտօնական խա-

բերայութիւնը, այդ կեղծաւոր տղրուկութիւնը։ Իսկ
ինչ կը վերաբերի փաստաբանութեան, որ միւնոյն
ժամանակ այս-ն ալ կ'ապացուցանէ, ոչ-ն ալ, մօտիկ
ապագային միայն կատակերգութիւններու մէջ դուրս
բերւելիք ենթաղրական բան մը պիտի դառնայ, ինչ-
պէս օրինակ կախարդները, սատանաները մեր արդի
բեմին վրայ։ Կամ գուցէ ինձի խորհուրդ տաս գե-
ղարւեստներով զբաղւելու. գեղարւեստ. վայրկեան մը
ենթաղրեմ, որ գեղարւեստ ըստածը բանի մը պէտք է
աշխարհքի վրայ։ բայց ինչ է գեղեցիկը, ինչ է,
որն է գեղարւեստականը. կրնաս տասը հոգի գտիր,
որոնք ամենքն ալ նոյն գաղափարը ունենային այդ
կէտին վրայ։ միթէ կ'արժէ աշխատիլ բանի մը
վրայ, որ ոչ-ոքի համար գեռ հաստատ որոշ չէ, և
որ ապագային բոլորովին տարբեր բան մը լինելու
է, եթէ ենթաղրենք որ իրաւ գեղսրւեստ ըստածը
ապագային լինելու է։ Քեզի պէս վարժապետ լինիմ։
բայց գիտցիր, որ ճշմարիտ բնական կրթութիւնը
քու կրթական գաղափարներուդ այնպէս կը համե-
մատի, ինչպէս այդ քու գաղափարներդ մեր այսօր-
ւան իշապանի նոյն նիւթի մասին ունեցած կար-
ծիքներուն։ և ես ենիմ այդ տեսակ ծուռ ճամբով
գործ տեսնեմ։ Ե՛, ըստ տեսնեմ ինչ գործ մնաց։
արհեստառը դառնամ։ հետզհետէ կատարելագոր-
ծը մեքենաները այլ ես մեր ձեռքերուն ու ոտ-
քերուն շատ պէտք չունին։ իսկ քիչ մը վերջը բնաւ
պէտք պիտի չունենան։ Թէ վաճառականութիւն

ընեմ։ այդ աջով առ ու ձախով տուրի յիմար սիս-
տեմը, որու հոտը անգամ մնալու չէ քանի մը տաս-
նեակ տարիների վերջը։ Ե՛, ուրիշ ինչ մնաց։

— Վարդապետ դարձիր։

Վասակ ժպտեցաւ։

— Զէ. անկեղծ կ'ըսեմ, որովհետև հիանալի ըն-
դունակութիւն ունիս բոլոր ճիշտ ու ծուռ գաղա-
փարները այնպէս իրար խառնելու, որ տակէն սա-
տանան անգամ զուրս գալ չի կրնայ։

— Վարդապետ։ ինչու չէ. ժողովուրդս խա-
քելու համար, որ եթէ յանկարծ փորը կը ցաւի, կը
լուծէ ու քանի մը ժամ վերջը կ'իցնայ կը մեռնի՝
պատճառը այն է, որ Աստւած բարկացեր է ու իր
վրէժը անոնց աղիքներէն զուրս կը բաշէ։ Ինչու չէ.
ժողովուրդս համզպելու համար, որ ինքը թոյլ, ան-
կարող էակ մըն է, որ իր ուժերովը ոչինչ ընել չի
կրնար և իր յոյսը դնելու է Աստւածածնի գտիին,
սուրբ Մակարիսոսի գանդին ու Ակիւլինիանա կոյսի
ազդոսկրին վրայ։ Ինչու չէ. ժողովուրդիս քարոզելու
համար, որ իր բոլոր մեղքերէն ու յանցանքներէն
մաքրը ելու ամենակարճ ճամբան սուրբերուն, ճրդ-
նաւորներուն, խոտաճարակներուն առատ կաշառք
տալն է, ի հարկէ քաղաքավարի անուններու տակ,
և անոնց բարեխօսութիւնը լինդրելն է. բարեխօսու-
թիւն։ ինչ աժան բարոյականութիւն. խոտաճարակ-
ներուն բարեխօսութիւնը, հիանալի է։

Գնացքը կայարանի մը առջև կանդ առաւ։

Տղայք լուռ դուրսի աղմուկը կը լսէին։
Երբ կայարանին լոյսերը իրենց վագոնին առ-
ջևէն ետ վազեցին և ծովուն վրաց փուռող մութը
անոնց ընկերացաւ։

— Ինձի նայէ, Վասակ, լսաւ Բագրատ։ Մեր
հասարակութեան մեծագոյն մասը հոգով-մարմնով
փաթթը անցեալի փոտածութիւնը այդ գրկա-
խառնման ատեն մեզի ալ կ'անցնի. մեր խելօքները
չեն կընար բաժնը ւիր այն անցեալէն, որ մեզի
գէշ-աղէկ մինչև մեր արդի վիճակին բերեր է և որ
այլ ևս տեսնելիք գործ մը չունի։ Իսկ դուն ալ
ճիշտ հակառակը քեզի անցեալի հողէն բոլորովին
կտրեր ես ու օդապարիկին պէս վեր կը բարձրանատ
դէպի ապագան։ Այդ ապագան քու աչքիդ փառաւոր
է, բնական, արդի ողորմելի անհեթեթութիւններէն
զերծ. այնպէս որ ոչ նըւազ իդէալիստ մըն ես և
դուն այդ քու համոզումներով։ Սակայն այդ ապա-
գացով այնքան ոգևորւեր ես, որ ներկան, մեր խեղճ
ներկան, այդ միշտ արհամարտող, մոռցըւող ներկան
դուն ալ մոռցեր ես. անօթի մեռնող մարդուն կը
նամանիս, որ տարի մը ետքը իշխանին սեղանակից
լինելու երջանկութեամբը կ'ոգերուի։ Ներկան, սի-
րելիս, ներկան մտածէ։ Այդ քու ըսածներդ, եթէ
ոչ ամբողջ գէթ մեծ մասով իմ երազներս ալ են.
բայց այդ երազները չեն իրականաւար, եթէ մենք
հիմակւան համար, միայն հիմակւան համար չաշխա-

տինք։ Որքան որ ապուշութիւն է անցեալի նախա-
պաշարումներուն զոհել ներկայի առողջ պէտքերը,
անքան ալ տիսմարութիւն է, ապագայի երազներու
սիրուն, ներկայի անհրաժեշտութիւնները ոոքի
տակ տալը։ Յառաջդիմութեան միակ բնական ճանա-
պարհը ներկայի ուսումնասիրութիւնը, ներկայի մա-
սին մտածելլ ու ներկայի համար աշխատելն է մեր
ներկայ պայմաններուն մէջ, մեր ներկայ հոգեկան
ու փիղիքական ուժերովվ։ Այդ քու անրջած ապա-
գայիդ մէջ մարդիկ ալ ուրիշ տեսակի մարդիկ պիտի
լինին. իսկ մենք որ այս տեսակ մարդիկ ենք՝ մենք
ալ մեր այս տեսակի պէտքերը հոգանք. մեզի համար
երբ հոգանք՝ արդէն ինքնին ապագայի համար
հոգացած կը լինինք. մեր կարիքներու ստիպումէն
կատարած իւրաքանչիւր քայլափոխնիս քայլ մըն է
և՝ գէպի յառաջդիմութիւնը։ Եղրակացութիւնս
կ'ուղես. այդ բոլոր սիրուն փիլիսոփայութիւններդ
գանգիդ մէկ անկիւնը աւլէ ու կենդանի, իրական
գործի մը ձեռք զարկ. գործ մը, որուն շուրջը
գառնաց քու բոլոր միւս մանր ու խոշոր զբաղում-
ներդ, մտածումներդ, որ կեանքիդ առանցքը լինի.
քեզի միայն աշխատանքը կը փրկէ։

— Բագրատ, քեզի խոսուվանելու եմ, որ քա-
նի ժամանակէ ի վեր իմ կարծիքս ալ կարծես այդ
է։ Գոնէ այսչափը ճիշտ է, որ աշխատանքի մէջ
կը մոռնամ ինքզինքս ու խենթ-խելօք օրերը կ'անց-
նին։ Գիտես, որ Տրապիզոնի մօտիկ մեծ ագարակ մը

ունինք, երթամ ֆրանսա անասնաբուծական ու կաթնատեսական վարժարան մը, վերջը կը դառնամ մեր ագարակը. քիմիան կը սիրեմ, նմանապէս և անասունները. միշտ բնութեան մօտիկ—այդ ալ առաւելութիւն մըն է. գոնէ մարդ ամեն օր չի տեսներ մեր այս յիմար ընկերական կարգն ու սարքը, ծուռ քաղաքակիրթութեան այս ապուշ կազմակերպութիւնները. միւս կողմէն ծնողներուս ալ օգնած կը լինիմ: Գաղափարիս ի՞նչ կ'ըսես:

Բագրատ ոգեսրւած ոպքի ցատկեց ու ընկերոջը ձեռքը խլելով բոլոր ուժովը սեղմեց.

— Գաղափարդ քու ուղեղիդ մինչև հիմա ծնած գաղափարներէն ամենէն երջանիկն է, բոլոր սրտովս կը շնորհաւորեմ. վայրկեան մը եթէ վարանիս՝ ամենէն ոչինչ մարդն ես աշխարհիս վրայ: Ահա քեղի սիրուն ճանապարհ մը. թէ զուն անձնապէս կ'օդալրւիս և թէ քու ագարակդ, քու զիւղդ նոր հոսանք մը մացուցած կը լինիս, ժողովրդի համար աշխատած կը լինիս:

Եւ վայրկեան մը մտածելէ վերջը շարունակեց ոգեսրւած.

— Ուրեմն այսպէս. ասկէ 4-5 տարի վերջը ամառւան արձակուրդի մը, երբ Կարինէն Տրապիզոն գամ, քու սիրուն ագարակիդմէջ, քու ձեռակերտ թագաւորութեանդ մէջ փառաւոր ընդունելութեան պատիւը պիտի ունենամ: Նորէն նատինք միասին խօսինք, վիճենք. այն ատեն երեխ երկուք ալ աւելի

քիչ իրար կը գըգենք. է, վերջապէս ալ առնացած կը լինինք ու շատ աւելի փորձըւած:

Գնացքը մտաւ Սիրքէճիի կայարանը:

Երկու ընկերները վար իջան, ու ապագայ ագարակի մտային պատկերովը ոգեսրւած շտապ-շտապ կը քալէին. երկուքն ալ ոգեսրւած էին ու փոխադարձաբար իրար աւելի կը ոգեսրէին:

Ղալաթիա իրարմէ բաժնեցան:

Վասակ մտախոն հասաւ տուն:

Մինչև կէս գիշեր սենեակին մէջ կ'երթար ու կու գար: Առաւօտեան դէմ նստեցաւ ու նամակ մը գրեց, երկար նամակ մը իր հօրը հասցէին: Լուսանալուն պէս ինքը անձամբ իջաւ Ղալաթիա, տարաւ ձգեց ուստական փոստը. ելաւ վերին Ոսկոր մեկնող շոգենաւի մը վերնայարկը, նստեցաւ հովին դէմ ու մտասոյզ իր երկու կողմէն ետ-ետ փախչող Ոսկորի սիրուն ափերը կը դիտէր:

իջ.

Օգոստոսին շաբաթւան մը չափ էր մնացած. շաբաթէ մը պիտի գոցւէր դպրոցը:

Ու Բագրատ բոլորովին փոխւած էր. չափազանց նեղսիրտ, մտածկոտ ու անհամբեր էր դարձեր:

Գէորգ ու մօտիկ ընկերները կը մտածէին, որ դպրոցը ձգելու զայրոյթէն է: Ու մէջէմէջ սիրտ տալու խօսք մը կ'ընէին, որուն Բագրատ արհամարու ժպիտով մը կը պատասխանէր.

— Ինքըզինքնիդ մվսիթարեցէք:

Գիշերները ուշ ատեն տուն կուգար, առաւոտները շատ կանուխ տունէն կը հեռանար: Տունը բոլորի հետ չոր յարաբերութիւն մը ունէր: ու կ'աշխատէր Լուիզինք քիչ հանդիպելու, այն ալ միշտ ուրիշներու ներկայութեանը:

Օր մը երբ պատահմամբ առանձին մնացին —

— Բայց, Բագրատ, ինչ ունիս. ինձի դէմ ինչու զայրացած ես. հարցուց Լուիզ լավկան ձայնով մը:

— Լուիզ, ես հիմա շատ զբաղւած եմ. գիտես որ գործի տէր տղայ եմ. պատասխանեց Բագրատ իր յուզումը զսպել ջանալով: Իմ ըրածիս շատ կարևորութիւն մի՛ տար. ոչ ալ մինչև հիմա ըրած. ներուս:

— Միտքդ չեմ հասկընար. առաջ այդպէս չէիր, բան մը պատահեր է: Եթէ գոյրոցը ձգելուդ համար բարկացեր ես, Պոլիս դալրոց կը պակսի. քեզի ոլէս աշխատող տղան անդործ չի մնար:

— Իմ մոտածմունքս ինքինքս չէ: Բայց ինչ և է թողնենք այդ. աւելցուց իսկոյն:

Լուիզ փաթթւեցաւ տղուն, սեղմըւեցաւ անոր կրծքին, գրկեց, համբուրեց: Բայց Բագրատ սառն էր, թէւ կը դողար: Անգամ մը միայն համբուրեց.

— Լուիզ, մեր ըրածը անխելքութիւն է:

Բսաւ ու սենեակէն ելաւ:

Լուիզ ոչինչ չէր ըմբռաներ: Արդէն քանի մը

օրէ իվեր ունեցած տարտամ նախազգացումները աւելի ուժովցան. ու առանց գիտնալու ինչու ակսաւ լալ:

Վերջապէս եկաւ արձակուրդի օրը:

Բագրատ սովորականէն շատ աւելի ուրախ ու շարժուն էր: Երեկոյեան բաւական ուշ տղայքը արձակւեցան. տղոցմէ շատերը եկան մնաք-բարով ըսելու, ոմանք նոր տարեցրջանի մասին քանի մը բաներ հարցուցին: Բագրատ ամենքին ալ պատասխանեց. տղայքը հետզհետէ հեռացան. ուսուցիչներն ալ բարեւցին ու ցրւեցան. ու դպրոցը դատարկւեցաւ:

Բագրատ արտաքին անփոյթ երևոյթով մը մտաւ իր սենեակը. սուլելով ժողւեց բոլոր դրբերն ու թղթերը, որոնք իրենց կը վերաբերէին. փաթթեց ու դրաւ մէկ կողմ:

Քաշեց նամակի մը թուղթ, գրեց իր ու Գէորգի հրաժարականը, պարզապէս յայտնելով, որ պատճառը եպիսկոպոսի ու անոր մարդոց լարած ստոր ինտրիգներն է, թաղականներուն տղիտութիւնն է ու հոգաբարձուներուն թուլութիւնը:

Կանչեց Գէորգը, ստորագրել տրւաւ. ու աւելցուց.

— Ծառայի մը հետ այս նամակը հիմա հոգաբարձուներու ատենապետին կուղարկես. զուն ալ այս գրքերը դռնապանին տնեւր, որ տուն տանի. զուն ալ ետևէն զնա. մարդուն ձեռքը ձերմակ մը դէր. վերջն ալ եկներ ծովեղբեաց ճաշարանը. քեզի կըսպասեմ, որ միասին ընթրենք. համ, Գէորգ:

Ինքը առաւ գլխարկը ու դուրս ելաւ։
Մանր քայլերով կ'երթար դէպի ճաշարան։
Կալաթիա ծովեղը մէկ-երկու տեղ կանգ առաւ։
ցրւած կ'երպով դիտեց նաւավարներու ազմուկն ու
իրարանցումը. ու արդէն մթնելու վրայ էր, որ
մտաւ ճաշարան։

Գնաց ծովուն վրայ շինած ընդարձակ բալ-
կոնը. ու ամենէն քաշւած անկիւն մը նստեցաւ
բաղեղներով հիւսւած վանդակին մօտիկ։

Սիրուն լուսին գիշեր մըն էր, որ կը տարածւէր։
Ծովը լուսնի քմահաճոցքէն իր գիրկը թափ-
ւած արծաթ դրամներուն հետ կը խաղար։ Ու
թեթև մը կը քծնէր բալկոնը սրահող սիւներուն։
Երբեմն ալ մօտէն անցնող նաւակի մը շարժումէն
փոքրիկ ճողիւն մը կը լսէր բալկոնին տակ։

Բագրատ աչքերը ջրին՝ կը մտածէր, մօտի
գարեջուրը բոլորվին մուցած։

Վերջապէս շունչ մը առաւ. ու մոքէն եղա-
կացուց։

«Ո՞չ. մտածելն անգամ յիմարութիւն է։
Կ'անբաղդացընեմ. եւրոպական հանգիստ ու կանո-
նաւոր կեանքին վարժըւած, միշտ մօր մը խնամք-
ներուն տակ մեծցած, քնքուշ ու վիսրուն աղջիկ մը։
Քաշեմ հետո լեռներն իվեր, մեր չոր կեանքի
դժւարութիւններուն մէջ. անոք, օտար, կըտրււած։
Ոչ. մեղք է այդ. և այդ բոլորի փոխարէն ինչ
պիտի տամ սէրս. և այդ սէրս արդեօք հերիք է։

և միթէ ինքս գիտէմ իմ զգացմանս չափը. այսօր
հնա, վաղը ուրիշ տեղ. գուցէ մնամ անպաշտն, ան-
դործ։ Ա, ինքը զինքս ինչ փոյթ. բայց այդ աղ-
ջիկը. չէ, այդ չեմ կրնար։ Եւ վերջապէս միթէ
կոյը եսականութիւնը չէ էակի մը բոլոր մանր ու
խոշոր զըւարճութիւնները, մսիթարանքները, կա-
պերը, սովորութիւնները, բոլորը միայն իմ մէջս
խեղղել ու զելը. առաջին ամիսները կ'անցնին. և
վերջը գուցէ իմ սիրտ ալ անոր բաւականութիւն
մը չի տայ. է, իմ սիրտս. գէթ վստահ լինէի սի-
րուս խորութեանը վրայ։ Եւ վերջապէս դեռ ատեն
չէ ինքը զինքս կապելու. զեռ պէտք է, որ ազատ
լինիմ. մեր հասարակական պայմաններուն մէջ բան
մը ընել կարողանալու համար պէտք է ստակը
արհամարել կարողանամ. բայց երբ կրծքիս վրայ
ինձի յանձննեած աղջիկ մը ունիմ՝ գուցէ ստիպւիմ
երկդիմի անարգանք մը չսնել ձևացընելու, գուցէ
հարկադրւիմ աղջիկ մը յոխուանքը կուլ տալու..
ա, երբէք. կամ գործունէութեանս ազատութիւնը
կամ այդ աղջիկը, եթէ նոյն իսկ աղջկան մասին
մտածելը բոլորովին մէկ կողմ գնեմ։ Սէր ու գործ՝
կեանքի երկու լծակները. ինչ երջանկութիւն երբ
ատոնք զոյգ կը վազեն. բայց երբ իրարու դէմ կու
զան... է, ալ ուր պիտի երևաց կամքի ուժը։ Վեր-
ջացած է. ես հեռանամ պիտի Պոլսէն առանձին,
ինչպէս որ առանձին ներս մտայ։

Գլուխը վերցուց, շուրջը նացեցաւ. ու մէկ

ումպով դատարկեց գարեջուրին բաժակը:

Առջևէն նաւակ մը կ'անցնէր: Սկսաւ թիւրուն շարժումը դիտել, ու թիւրէն կաթկթող ջրի կաթիւներուն փայլվուկը օդին մէջ:

Այդ միջոցին եկաւ Գէորգ, Փէսն ու ձեռնափայտը նետեց աթոռին վրայ. ինքն ալ նստեցաւ, ըսելով.

— Ուհ, յոդնեցայ: Վերջապէս. քանի մը շաբաթ շունչ առնենք:

— Հը'մի:

— Ի՞նչ ուտենք:

— Ասլապէ ինչ որ կ'ուզես, երկուքնուս համար: Ծառան կերակուրները բերաւ, շարեց, տեղաւորեց ու հեռացաւ:

Գէորգ ճանապարհին պատահած երկրորդական դէպք մը կը պատմէր:

Բագրատ կը լսէր առանց հասկընալու: Յանկարծ ընդհատեց.

— Հիմա այդ ձգէ, Գէնրգ: Այս դպրոցը որ ձգեցինք, արդ ի՞նչ ընել է միտքդ:

— Ի՞նչ հարցում. ուրիշ մը կ'երթանք: Ես արդէն Մինասեանի հետ տեսնըւեցայ. Ա. թաղի հոգաբարձուներուն հետ ալ խօսեր եմ. խնդիրը նորէն ամբողջովին դպրոց մը մեր ձեռքը ձգելն է. բայց կարծեմ շատ պիտի փլնտընք:

— Ամենւին, փլնտընելու պէտք չի կայ. ես արդէն գտած եմ:

— Իրաւ, մւր, ինչպէս:

— Մինակ քիչ մը հեռուն է. այսինքն ճիշտ չէ այդ. աւելի մօտիկ է մեզի, քան հեռու:

— Ո՞րն է այդ. չեմ հասկընար:

— Գէնրգ, ճամբորդելու բնաւ փափագ չունիս:

— Ի՞նչ հարց է այդ. բայց մւր:

— Հայրենիք. մեր քաղաքը:

— Կարի՞ն...

— Զարմացար. եթէ Պոլիսը այդչափ սիրած ես՝ քեզի չեմ բռնանար. մնացիր. իսկ ես շուտով մեկնիմ պիտի:

— Դուն ուր, ես ալ հոն: Բայց այդ ինչպէս եղաւ. ինձի բան մը չես ըսած. և մինչև վերջին ատենները հոս ուրիշ տեղ մը որոնելու վրայ էիր:

— Եիտակը իմ դիտաւորութիւնս ալ գեռ տարւան մը չափ Պոլիս մնան էր. բայց երկու շաբաթաւան չափ է փոխւած եմ. նաև չգիտեմ ինչու Պոլսէն կշացայ. երկրորդ, միայն սարւան մը համար ինչ արժէ նորէն ծայրէն գործ սկսել. սւրիշ լնդիր էր, եթէ նոյն տեղը մնացինք: Իսկ այդ Պոլիսը ձգելու մտադրութիւնս բացարձակ վճիռի փոխւած է Մկրտիչէն ստացած վերջին նամակէս իվեր:

— Կարինէն նամակ ես առած... հարցուց Գէորգ զարմացած ուտքի ցատկելով:

— Այս. հինգ-վեց օր է. դիտմամբ քեզի բան մը չըսի. մտատանջութեանս պատճառը ահա այս էր: Տղան երկար-բարակ իրենց դպրոցի ողորմելի վի-

ճակը կը նկարագրէ. ու կ'ըստիսկէ ինձի, որ լնչը ընեմ-չընեմ երթամ. կը խոստանայ ամէն կերպ օգնելու. իսկ անոր ճայնը քաղաքին մշջ կարեռ-րութիւն ունի. հօրը հարստութիւնը, զիրքը իր կոնակն է: Թաղականներն ալ գրէթէ բոլորը իր հօրը հետ կապւած մարդիկ են. կը խոստանայ ամ-բողջ դպրոցը բացարձակապէս մեր ձեռքը յանձ-նէ. վերջը նամակը քեզի տամ կարդա: Երկար-բարակ ալ գլխուս քարոզ է կարդացեր, որ իմ ծննդավայրս է, որ հոն աշխատելը իմ բարոյական պարտքս է, որ ինձի պէսները Պոլիս արդէն շատ կան, որ եթէ չերթամ ինքը շատ նեղ վիճակի մշջ պիտի դնեմ, ևացն, ևացն. ասոնք իհարկէ բոլորը զեռօ. եղելութիւնը այն է, որ հիմնաւոր գործ է, այն ալ մեր բուն ժողովրդին շատ աւելի մօտիկ, քան այս գաղթականութիւնն է: Խօսքին կարձը, Գէնրդս. ես յառաջիկաց շաբթու կը մեկնիմ:

—Ես ալ քեզի հետ:

—Ո՛չ, գուն զեռ մէկերկու շաբաթ հոս կը մնաս. մանր-մունը մէկ-երկու գործեր կան կարդա-դրելու. նրեի հոն ալ գրերու, գործիքներու պէտք կայ. երթամ, քեզի ստակ հասցնեմ, որ հետդ բերես:

—Գիտես, տունը որ երթալլ լսեն՝ շատ պիտի կոտրըւին. մանաւանդ Լուիզը: Բագրատ, շխտակ ըսէ. այդ աղջիկը չմըս սիրեր. ինձի այնպէս կը թըւի, թէ գուն ալ դէպի ան անտարբեր չես:

Բագրատի սիրոը նետեց:

—Քառասուն անգամ քեզի միւնոյն պատաս-խանը տլւեր եմ. խելացի, սիրուն ու չափազանց համակրելի աղջիկ է. եթէ այդ տեսակ քոյր մը ու-նենայի՝ աշխարհք իմն կը լինէր:

—Քնչը. շինե քեզի քոյր, ու վերջացաւ: Եկմար, Բագրատ, փոխանակ երկուքի՝ երեքով եր-թանք քաղաք:

—Հացդ կեր. պարապ մի' խօսիր. պատաս-խանեց Բագրատ զայրացկոտ: Ու շրթունքը խածաւ:

ԻԷ.

Յաջորդ իրիկունն էր, որ Բագրատ դիտմամբ ամբողջ ընտանիքին ներկայութեանը յայտնեց իր մեկնումը:

—Գիտեք, տիկին, երեք օրէն Պոլսէն մեկնիմ պիտի:

—Ո՞ւր. հարցուց տիկինը, կէս զարմանքով, կէս անսարբեր:

—Կարին. հոն ուսուցչութեան եմ կանչըւած:

—Սնւտ է, կատակ. ըսաւ տիկինը:

—Ո՛չ, ճշմարիտ. լուրջ կը բան հինգշաբթի իրիկուան շոգենաւով Տրապիզոն կը մեկնիմ:

—Իրաւ, մեզի ձգես պիտի. պոռաց Օդիւս-տան Բագրատի վրայ վաղերով:

—Բայց անխելք բան է այդ. նկատեց էլէ-նին: Պոլսի մէջ գործ կը պակսի, որ այդ լեռները

պիտի երթաք։ Գէորգ անցած օր ինձի կը պատմէր,
որ այն կողմերը հիմա խռովութիւններ կան, սով
կայ, անապահովութիւն է։

— Ե՛, ինչ ընենք. ինչպէս միւսները կ'ապրին,
այնպէս ալ մենք. պատասխանեց Գէորգ։

— Դուք ալ միասին էք. հարցուց էլէնին ան-
հանդիսաւ։

— Այն. միայն քիչ մը ուշ. պատասխանեց Բագ-
րատ։

— Ե՛, երիտասարդութիւն է ըրածնիդ. դեռ
տղայ էք. ըստ տիկինը։ Պոլսի պէս տեղը ձգել.
այս հանգիստ կեանքը. և հոս ստակ ալ կարելի է
շահիլ։

Լուիզ լուռ էր բոլորովին. կարծես ան պատ-
րաստած էր այս բոլորը լսելու. բայց ոչինչ ալ
չէր լսեր։

«Լրեմն այս էր հանելուկը» կը կրկնէր անդա-
դար իր մտքին մէջ մեքենաբար։

Քիչ մը վերջը ամենքը ցրւեցան իրենց գոր-
ծին։

Լուիզ առանձնացաւ իր սենեակը, դուռը
կողպեց, նստեցաւ բաց պատուհանին առջեւը ձեռքը
ծնոտին ու լուսինը կը դիտէր։

«Ո՞չ. պարապ բան է. ես անոր համար այն եմ
ինչ որ մացրս, ինչ որ փոքր քոյրս, որը նոցնպէտ
կը գըգէ, կը համբուրէ. ոչ աւելի, ոչ պակաս. իսկ
ես կը կարծէի...» մտածեց նաւ։

Ու արցունքի երկու խոշոր կաթիլ ակընթարթ
մը իր թարթիներուն վրայ կախւեցան, վերջը
զուգընթացաբար սահեցան մինչև այտին կէսը,
հոնկէ մէկ կաթիլը յանկարծ գլորւեցաւ աղջկան գո-
գը, մինչ միւսը ինկաւ շրթունքին քովի սիրոյ փո-
սիկը։

Աղջիկը դլուխը դրաւ սկատուհանի եզերքին
ու սկսաւ հեծկըտալու..

Լսեց, որ ընթրիքի կը կանչէին։
— Եկայ. պուաց ամուր ձայնով մը։
Արագ լըւացւեցաւ, մազերը շոկեց ու դուրս ելաւ։
— Պառկեր ես. աչքերդ տեսակ մըն է. նկատեց
մայրը։

— Այն, քիչ մը քունս տարեր էր քանապէին
վրայ. վրայ բերաւ աղջիկը։

Հազիւ ընթրիքէն ելեր էին, որ Բագրատ տուն
եկաւ և ուղղակի Լուիզը սլոոյտի մը հրաւիրեց։

Լուիզ սրտի դողով պատրաստեցաւ. ու լուռ
մտաւ տղուն թևը։

Ոչինչ բաներու վրայ քանի մը ոչինչ խօսքեր
ըսելով՝ մտան մօտակայ կաղինոի մը պարտէզը։

Ու քաշւեցան առանձին անկիւն մը։
Երբ սպասաւորը խմիչքները բերաւ—

— Դէ, Լուիզ, ինձի յաջող ճանապարհ. ըստ
Բագրատ բարձրացնելով։

— Այս կատամկ է, թէ լուրջ. հարցուց աղջիկը
վրդովւած։

— Լուրջ է, անդինս: Պէտք է քեզի ամէն բան մէկ անգամէն պարզ յայտնեմ, որ քեզի աւելորդ մտատանջութիւններ տըւած չլինիմ: Դուն գիտես, որ ես արդէն միշտ հայրենիք երթամ պիտի կ'ըսէի. վերջին նամակները իմ երթալո բացարձակապէս անհրաժեշտ կ'ընեն. յետաձգել չեմ կրնար. երթալս վճռւած է. թէւ մինակ դուն կը հասկնաս, թէ ինծի համար որքան ծանր է Պոլսէն բաժնը-ւիլս:

— Եատ դժւար է եղեր, կը տեսնեմ. պատասխանեց հեգնօրէնս: Ինծի նայէ. ես գիտեմ կամքիդ ուժը. և քեզի համոզելու յոց չունիմ. բայց վերջապէս պիտի ըսեմ, որ մայրս իրաւունք ունի. Պոլիս թէ յարմար քաղաք է, թէ ապահով և թէ կրնաս առաջ երթալ, անուն հանել: Ես գիտեմ՝ ձեր հասարակութեան մէջ արդէն քու վրադ շատ են սկսած խօսիլ. պարապ տեղը մի՛ յամառիր:

— Է՛, սիրելիս, այդ բոլորը ինծի համար ի՞նչ նշանակութիւն ունի:

— Եատ լաւ. այդ բոլորին իմ խելքս չի հասնիր: Մինակ կ'ուզեմ, որ հիմա ինծի պարզ ըսես. ես քեզի համար ոչի՞նչ չեմ արժեր: Իրաւ, մինչև հիմա ոչ մէկ խոստում չես տւած, ոչի՞նչ չես ըսած, նոյն իսկ քեզի կը սիրեմ» մը բերնէդ չլսեցի, բայց վերջապէս կարծեմ...: Ալս, բագրատ, ծանր է, ծանր այս բոլորին վրայ այսպէս պազ պազ խօսիլը:

— Լուիզ, լսէ: Ես քեզի սիրած եմ, թէ չէ ինքս ալ չեմ գիտեր: Դուն ինծի համար միշտ ոգեւորութիւն ու միսիթարանք ես եղած, քեզի համար ամէն բան ընելու պատրաստ եմ եղած, քու մասին մտածելը ինծի համար հաճոյք է եղած, քու ներկայութեանդ անցուցած վայրկեաններս կեանքիս ամենէն անուշ ժամերն են եղած. և հիմա որ Պոլիսը կը ձգեմ, միակ կսկիծս դուն ես:

— Մի ձղիր ուրեմն. ըսաւ աղջիկը դողդոջուն՝ ամբողջ մարմնովը տղուն սեղմըւելով:

Բաղրատ զրկեց, երկար նայեցաւ աչքերուն, պազաւ այդ աչքերը ու հազիւ լսելի ձայնով մրմնջեց.

— Այդ անկարելի է, անդինս:

Աղջիկը սկսաւ լալ, առանց գլուխը տղու ծոցէն բարձրացնելու:

Մէկ ալ յանկարծ գլուխը ետ քաշեց. սրբեց աչքերը. մազերը ճակտէն նետեց ետ. ու մեքենաբար սկսաւ ձեռքի ձեռնոցները հանել:

Բան մը կար լեզւին վրայ, որ կ'ուզէր ու չէր կրնար լսեր: Վերջապէս ձայնը դողաց ու ըսաւ որչափ կարելի է արագ.

— Լաւ. ինծի ալ հետդ տար:

Բագրատ կարծես կ'ըսպասէր. ամբողջ մարմնովը ցընցըւեցաւ ու՝ —

— Այդ ալ անկարելի է. ըսաւ կտրուկ շեշտով մը:

Աղջիկը նայեցաւ տղուն:

— Մայրդ. մայրդ քեզմէ բաժնըւիլ չի կրնար։
իսկ ան Պոլսէն չի կրնար հեռանար։

— Իրաւունք ունիս. բայց...

— Եւ վերջապէս օտար երկիր, տարբեր կեանք,
անապահովութիւն, միայնակ. ոչ, անկարելի է։

— Բայդ դուն հետո ես, չէ։

— Իմ կեանքս անորոշ է, խախուտ, գուցէ
և վտանգաւոր. կրնամ անգործ մնալ, կրնան և ու-
րիշ բաներ պատահիր։

— Ե՛, կը չափազանցես. վերջապէս ի՞նչ ընենք.
միասին կ'աշխատինք. դեռ քեզի պաշտպանել ալ
կրնամ. ես Փրանսացի եմ. Ո՛չ. խնդիրը այն է,
որ պարզապէս ինծի հետդ չես ուզեր։

Բագրատ կ'ամընար. ամօթ, ամօթ մը միայն
տիրած էր իր ամբողջ էռութեանը։ Ա՛, այդ աղջիկը
թրչափ, թրչափ աւելի ազնիւ էր ու անկեղծ։

Նըւստացման դառն զգացումով մը գետին
կը նայէր։

— Այժ, դուն ինծի սիրած չես, երբէք. ըստ
արտասւաձայն։ Դէպի քեզի ունեցած թուլութենէս
օդուեցար ու հետո խաղացիր։

Բագրատ կարծես դաշոյնի հարւած մը ստացաւ։
Կատղած ցատկեց ոտքի, բոլոր ուժովը սեղմեց աղ-
ջան թևը ու սպառնալից—

— Լուիզ, Լուիզ. կրկնեց ակւաներուն մէ-
ջէն։

Սակայն իսկոյն թողուց թևը. թուլացած նս-

տեցաւ նորէն իր տեղը. ու աղերսող, գրեթէ լալ-
կան ձայնով մը յարեց—

— Լուիզ, անգինս, մոտածէ վրաս ինչ որ կ'ուզես.
մեղաղը ինծի ինչպէս որ կ'ուզես. իրաւունք ու-
նիս. ես անմիտ եղայ. այս բոլորը առաջուց մոտ-
ծելու էի. ինքը զինք զգացումներուս ձգեցի. ու
խնդիրը ահա հոս հասաւ։ Գուցէ թոյլ տղայ եմ
ես. խորհէ ամեն բան, ինչ որ կ'ուզես. մինակ ացդ
մի՛ մտածիր, որ քեզի խաբեցի, որ տկարութենէդ
օգարւեցայ, որ հետդ խաղացի։ Կարելի է յիմար
վարւեցայ, կարելի է տկար եմ զգացումներէս, կա-
րելի է անխելք եմ. բայց վատ չեմ, Լուիզ. ես
վատ մը չեմ։ Հաւտան, որ հիմա ալ մէջս նոյն այն
զգացումն է, ինչ որ էր քանի մը շաբաթ առաջ։
Լուիզը թեւերը դրաւ սեղանին, գլուխն ալ
թևերուն վրայ ու անշարժ մնաց։

Բագրատ սոսկալի ցաւ մը կ'ըզգար իր մէջը։
Եւ իր կամքին հակառակ ծռեցաւ դէպի աղջիկը,
զրկեց ու շրթունքները թաղեց անոր ճակատը թա-
փած մազերուն մէջ։

Աղջիկը գլուխը բարձրացուց, փաթթւեցաւ
տղուն վիզը ու անհուն քծնանքով մը—

— Բագրատ, մի՛ երթար. շշլնջեց։

— Զեմ կրնար։

— Լաւ. միասին երթանք։

— Զես կրնար։

— Կրնամ։

— ԱՌ. չԵՄ ուզեր:

Աղջիկը քակեց թևերը, ցատկեց ոտքի. ու
հպարտ շեշտով մը —

— Ուրեմն գիշեր բարի. ըսաւ:

— Բայց ինչպէս. ուր:

— Ուր երթալս ձեզի ինչու կը հետաքրքրէ: ԶԵ
որ մեր մէջ այլ ևս ամեն բան վերջացած է: Դուք
բացարձակապէս իրաւունք ունիք. յանցանքը իմա է,
որ ձեռ դէպի ինծի ունեցած պարզ վարժունքը ուրիշ
զգացումի մը տեղ դրի. կ'աշխատիմ սխալս ուղղելու:
Ներեցէք ինծի, որ սրտիս ցաւէն ձեզի իդուր տեղը
վիրաւորեցի. դուք ո՞չ միայն վատ մը չէք, այլ և
հազւագիւտ ազնիւ էք: Յաեսութիւն:

— Բայց, Լուիզ... գոնէ... գոնէ սպասէ միասին
երթանք:

— ԱՌ, ո՞չ. այսպէս լաւ է. առանձին: Գուներ-
կայութեանդ ես միշտ թոյլ եմ եղած. գուցէ կամքա
չի բաւէ ու ես իմ աւելորդ յուզումներովս քեզի
ձանձրացընեմ. ո՞չ, ես չեմ ուզեր նըւաստանամ.
ցտեսութիւն: Կը խնդրեմ՝ ետեէս մի' դաք:

Ու պարտէզի սեղաններուն մէջէն արագ դուրս
սպրեցաւ:

Բագրատ. գլուխը դրաւ ձեռքերուն ու անշարժ
մնաց. ճակատը կ'այրէր:

Զէր մտածեր. միայն երբեմն կտոր-կտոր ուղեղին
մէջ կ'արթըննար նախորդ խօսակցութեան այս կամ
այն մասը ունորէն կը մարէր:

Պահ մը բոլորովին զգալէ դադրեցաւ. կարծես
քնացած էր: Ինքն ալ չգիտէր այդ դիրքով որչափ
ատեն մնաց:

Գովէն անցաւ կաղինօին սպասաւորը, ձեռքի
ափսէին մէջի բաժակներուն ժխորովը:

Այդ ձայնը բագրատը սթափեցուց:

Ոտքի ելաւ և ուղղըւեցաւ գէպի տուն:

ԱՌ այդ գիշերը և ոչ ալ յաջորդ երեք օրերը
այլ ևս լուիզը չաեսաւ: Աղջիկը միշտ դուրսն էր:
Տնեցիք լսին, որ իր մէկ-երկու ընկերունիներուն
հետ դաշնակի փորձեր կ'ընէր անոնցմէ մէկին տունը:
Նըւագահանդէսի մը ւասնակցելու էին ու կը պատ-
րաստէին:

Բագրատ ինքն ալ տունէն խոյս կուտար. ու
ըստ կարելոցն ինքը զինքը ուրիշ բաներով զբաղե-
ցընելու կը չանար:

Նարունակ իր ծանօթներու քովն էր, իր սկառ-
րասութիւնները կը տեսնէր. և գրեթէ միշտ Սար-
գսի հետ էր:

Գիշեր մը անոր տունը մնաց: Մինչև կէս
գիշեր նստած կը խօսէին: Երկուքն ալ ոգևորւած
էին. երազներ երազներու վրայ Անցեալէն, ներ-
կայէն, ապագայէն. իրենց ձգտումները, յոյսերը,
նպատակները — բոլորը, բոլորը իրարու կը հիւս էին:

Պառկեցան միենոյն աենեակը. բայց, լոյսը
մարելէն վերջը, անկողիններուն մէջ զեռ երկար-
երկար կը խօսէին:

Վասակն էր, որ մէջտեղ քիչ կ'երևնար. և
երևած ատեն ալ քիչ կը խօսէր:

— Զխօսական է դարձեր. կ'ըսէր Գէորգ ծիծա-
ղելով:

— Մինչև հիմա այնքան պարապ խօսեր է, որ
ալ ամբողջ կեանքին համար հերիք է. կաւելցընէր
Սարգիս:

Վասակ կը ժպտէր միացն:

Եկաւ վերջին գիշերը. յաջորդ իրիկունը Բագ-
րատ ճամբորդ էր: Վասակ, Սարգիս և ուրիշ քանի
մը երիտասարդներ ժողովւած էին զուրսեցիներու
սենեակը:

Վերջին ընթրիք մը ըրին միասին: Գլուխները
տաքցան. ոգեւորութիւնը յորդեց: Վէճ, աղմուկ,
բարեմաղթութիւններ:

Այդ բոլորին մասնակից էին նաև տիկինն
ու աղջիկները: Միեւնոյն ժամանակ երկու-երեք լեզու
կը լսէր սեղանին վրայ. լեզուներու խառնակու-
թիւնն էր:

Լուիզ գունատ էր. ինքն ալ միւսներուն պէս
թէե շարունակ տղոց սենեակը կը մտնէր ու կ'ելնէր,
բայց ըստ կարելւոյն հոն քիչ մնալու կը ջանար.
և աչքերը միշտ Բագրատէն խոյս կու տար:

Բագրատ մէկ-երկու անգամ հետը առանձին
մնալ ուզեց. անկարելի եղաւ. աղջիկը կը փախչէր:

Սեղանին վրայ մօրը քովն էր նստած. ու բար-
սաւորելու պատրւակով շարունակ դուրս կ'ելնէր:

Ընթրիքէն քիչ մը վերջը՝ իր յոգնած լինելը պատ-
ճառաբանելով՝ իր սենեակը առանձնացաւ:

Յաջորդ ամբողջ օրը վերջին պատրաստութիւն-
ներն էին:

Բագրատ կ'երթար, կուգար, գնումներ կ'ընէր
ճամբորդի լըրջութեամբ ու ցրւածութեամբ:

Անգամ մը, երբ Բագրատ առանձին իր սենեա-
կին մէջ բան մը սնդուկին մէջ տեղաւորցընելու
աշխատած էր, ներս եկաւ ելէնին ու Բագրատին
մօտենալով խորհրդաւոր, ցած ձայնով մը ըսաւ.

— Պարսն Բագրատ, ես հիմա գիտեմ, թէ այն
ատենը ինչու ինծի հետ այնպէս վարւեցիք. Լուիզը
կը սիրէիք. չէ: Ըսէնք ես ձեզի համար ոչինչ չէի
արժեր. բայց Լուիզը հիմա ինչու այսպէս երեսի
վրայ կը ձգէք. եթէ գիտնաք որչափ տիսուր է. ամ-
բողջ երէկ գիշեր մինչև առտու լացաւ. ինծի բան
մը չըսեր, բայց ես քովի սենեակէն ականջ դրի. ես
ամեն բան գիտեմ. գուք գէշ տղայ էք:

— Անդին գնմ. թէ չէ քեզի բռնելուս պէս
սնդուկը կը խոթեմ. պոռաց Բագրատ զայրացկոս՝
յուզումէն ու սրտին ցաւէն ինչ ըսելը չգիտնալով:

Ի՛ւ.

Արեր Ղալաթիացի մինարէներուն ետեէն
գեղնութիւն մը կը թափէր Ոսփորի ջրերուն վրայ,
ուր շոգենաւ, նաւ, նաւակ—բոլորը իրար խառ-

Նըւէր էին: Սոսկալի իրարանցում ու կեանք կար
Ոսփորի վրայ՝ Ոսկեղջիւրին բերանը:

Այդ միջոցին էր, որ մեծկակ նաւակ մը Դա-
լաթիայի մաքսատանէն բաժնըւելով սկսաւ բացւիլ:
Կին ու ազր կը խօսէին նաւակի մէջ:

Բագրատ նստած Գէորգի ու Օգիւստայի մէջ-
ուեղը, վերջինի ձեռնոցապատ, փոքրիկ թաթիկները
իրեններուն մէջ կը շոյէր. ու հազիւ կը պատաս-
խանէր իրեն եղած հարցումներուն:

Գժգունած էր:

Ամենէն շատ խօսողը Սարգիսն էր, որ անդա-
դար կը կատակէր իր բարձր ու անհոգ շեշտերովը.
ու չէր թողներ այդաեսակ վայրկեաններուն յատուկ
եղող ծանր լրութեան մը տիրելուն:

—Վասակը դեռ չեկաւ. նկատեց Գէորգ:

—Երևի արդէն շոգենաւն է. պատասխանեց
Էլէնին:

—Հիանալի օդ է. սիրուն ճամբորդութիւն մը
պիտի ընէք, պարմն Սուրեմեան. ըսաւ տիկինը:

—Ա՛, ես ալ հետներնիդ լինէի. բացականչեց
Օգիւստան:

Բագրատ ժպտեցաւ:

—Հետո եկուր. ըսաւ գրկելով:

Լուիզ, որ Սարգսի քովը մատախոհ նստած էր,
սրտի սեղմում մը ունեցաւ:

Նաւակը մօտեցաւ մեծ, նոր ռուսական շո-
գենաւին: Նաւավարը քիչ մը պուպլուաց իր

արհեստակիցներուն հետ ճամբայ բանալու համար
խոնըւած նաւակներուն մէջէն. ու վերջապէս մօ-
տեցաւ շոգենաւին կախւած նեղ սանդուղին:

Մէկիկ-մէկիկ սկսան վեր ելնել:

Ազջիներէն վերջը ամենէն առաջ վեր բար-
ձրացողը եղաւ Բագրատ: Հազիւ էր ոտքը սանդու-
ղին գլուխը զրեր, որ սպասաւորի ձևերով մարդ մը
անոր մօտենալով՝ հարցուց.

—Պարոն Սուրեմեանը դուք էք:

—Այ՞ու:

Անձանօթը թուղթի մը կտոր դրաւ Բագ-
րատի ձեռքը, բարեկեց ու հեռացաւ:

Բագրատ հետաքրքրութեամբ բացաւ ծալլուած
թուղթը ու կարդաց մատխով արագ գրւած հե-
տեւեալ տողերը.

«Եմ ազնիւ-յիմար իդէալիստա,

«Դուն արևելք. ես արևելուտք: Այս առաւտա-
սուցայ հօրմէս սպասած նամակս ու սոսակ: Ան ալ
ուրախ է Ֆրանսա երթալուս: Այս գիշերւան ճեսլու-
թացով կը մեկնիմ Պարիզ. հոնկէ կը տեղեկանամ,
թէ որն է ինծի ամենէն յարմար վարժարանը:
Հիմա անցագրիս վաւերացման խնդրովն եմ զբաղ-
ւած՝ քեզի գալ չեմ կրնար. համբոյրս: Կը տեսնը-
լինք նորէն իմ ագարակս:

Բոլոր ուժովս կը գրկեմ քեզի.

Ապուշդա:

Բագրատ վայրկեան մը քարացած մնաց:

— Խ՞նչ է. հարցուց Սարգիս:

— Այս իրիկուն ճամբու դնելու մարդ մըն ալ ելաւ. պատասխանեց Բագրատ:

— Գրաւ կու գամ, որ Վասակն է. արդէն ան այս վերջին ատեններս զիսուն մէջ բան մը ունէր: Նա: Վայ, խենթ, վայ. ուր կ'երթայ:

Բագրատ նամակը տըւաւ անոր. ու ինքը կանանց հետ իջաւ քամարան:

Մտան մաքուր, փոքրիկ խցիկը:

Նաւավարները պայուսակները, կողովսերը բերին, դիզեցին հոն:

Տիկինը գրպանէն եօթը-ութը լիմոն հանեց ու թափեց անկողնին վրայ—

— Լիմոնը ճանապարհին պէտք կու գայ. ըսելով:

Ելէնին նարինջներ հանեց.

— Նարինջն ալ լաւ է. ըսելով:

Գէորգ շիշ մը քոնեակ դրաւ սեղանին վրայ:

Ամենքը բան մը կ'ըսէին, ամենքը բան մը

կ'ընէին:

Բագրատ ցրւած նստած էր Ելէնիին ու Լուիզիին մէջտեղը, Օդիւստան գիրկը առած:

Բագրատ քանի մը անգամ Լուիզը խօսեցուց. ու միշտ քաղաքավարի ու պարզ պատասխան մը ստացաւ:

Անգամ մը աղջկան ձեռքը սեղմեց: Լուիզ ոչ ձեռքը ետ քաշեց, ոչ սեղմումին պատասխանեց:

— Խ՞նչ աղջիկներուն փաթթըւեր մնացեր ես.

ըստ Սարգիս խնդալով: Ամբողջ տարին խելքու էր:

Բագրատ ժպտեցաւ:

Շողենաւը արդէն երկրորդ անգամ սուլեց. ու ամենքի սիրտը աւելի արագ տրոփել սկսաւ:

Տիկինը ոտքի ելաւ:

— Ե՛, ալ վեր ելնենք:

Ելան վեր՝ նաւուն տախտակամածը:

Սոսկալի իրարանցում էր հոն: Բեռ, ապրանք, մարդիկ—բոլորը իրարու խառնըւած: Նատերը կը բաժանէին, կը համբուրէին: Լաց, ծիծաղ, ժպիս, արտասուք:

Ահագին բազմութիւն սանդուղին գլուխը խըռած՝ իջնելու կ'ըշտապէին:

— Ե՛, Բագրատս, բարի ճանապարհ. ըստ. Սարգիս: Թող ես բանամ պաշիկներուն դուռը:

Ու փաթթըւեցաւ Բագրատին:

— Յտեսութիւն, ըստ. Գէորգ՝ անգամ մը միայն շրթունքներէն համբուրելով:

Բագրատ մօտեցաւ տիկնոջ, ծռեցաւ ու ձեռքը համբուրել կ'ուզէր, բայց ափիկնը ինքը գրկեց ու այտերէն համբուրեց:

Օդիւստան կախւեցաւ տղու վիզէն ու ալ ձղել էր ուզէր. բռնի հեռացուցին. աղջիկը սկսաւ սասկալի կերպով լալ:

Տիկինն ալ վարակւեցաւ ու աչքերը սրբեց:

Բագրատ ամուր ու սրտանց գրկըւեցաւ Ելէնիին

հետո ու պինդ պինդ համբուրւեցան. Ելէնին ալ սկսաւ լալ:

— Ե՛նէ, գործ ունիք. կ'ըսէր Սարգիս:

Բագրատ վախով, դողով, յանցաւորի մը պէս մօտեցաւ մէկ կողմ քաշւած բոլորովին գունատ լուիզին. ու կամաց մը աղջկան ձեռքը բռնեց:

Լուիզ նացեցաւ ակընթարթ մը շեշտ անոր աչքերուն, յանկարծ սկսաւ հեծկլտալ ու ամբողջ մարմնովը ինկաւ տղուն գիրկը:

Իրարու փարեցան ամուր. մնացին անշարժ՝ շըրթունք շրթունքի:

Ամենքը դարմացած կը նացէին: Մայրը այլայեցաւ:

«Ե՞ւտ, շուտ, շոգենաւը ելնէ պիտի». կը պուային նաւաստիները:

Նաւապետը իր կամրջակի բարձունքէն կը հայնոյէր զայրացած:

Վերջին մնացողները վար կ'ըշտապէին շոգենաւէն:

Սարգիս քաշեց աղջիկը Բագրատի գրկէն:

— Ախ... հծծեց Լուիզ արցունքներուն մէջէն:

Տղայքը մոտան անոր թեսերէն ու սանդուղէն նաւակ իջեցուցին:

Բագրատ ինկաւ նաւու եզերքին:

Խարիսխը կը քաշէին:

Անիւները արդէն բանել էին սկսած՝ շոգենաւէն ետևը փըրփուրի ամպ մը կուտելով:

Շոգենաւը կը հեռանար. նաւակն ալ Լուիզ ալ չէր լար. թաց աչքերը աղուն յառած, տարօրինակ ժայխով մը կը ժպանէր:

Բագրատ խենթ, շատ խենթ զգացում մը ունեցաւ: Կ'ուզէր դուրս ցատկէ նաւուն կողէն ու երթայ, երթայ դէպի այն նաւակը, որ միշտ կը հեռանար:

Ու բնազդաբար քովի պարոններէն մէկը պինդ բռնեց:

Ալ նաւակին մէջ դէմքերը լաւ չէր որոշէր: Թաշկինակներ կը շարժէին, հովանոցներ: Ինքն ալ մէքենաբար իր գլխարկը կ'երկընցնէր օդին մէջ:

Նաւակը մոտաւ յանկարծ կայմերու անտառի մը ետև. ու աներեսոյթ եղաւ:

Բագրատ քիչ մըն ալ աչքերով վլնորաեց. կախեց գլուխը ու աչքերը յառեց ջուրին, որ շոգենաւին քովին ետ կը վազէր:

«Ամընցաւ մրմնջեց. գլխարկը գլուխը դրաւ. ու տասամսոտ քայլերով բարձրացաւ. շոգենաւին դելքը:

Կրթընեցաւ դրօշակի սիւնին. ու սկսաւ դիտել: Կուգային ու կ'անցնէին հետզհետէ Ոսփորի գեղեցիկ ափերը. իրենց կանանչութեամբը, իրենց բարձրութիւններովը, իրենց պալատներովը, որ թանձրացնող մուժը սկսած էր հետզհետէ իր մէջը փաթթել:

Բագրատ աչքերը հեռուն նետած՝ կը մտածէր:

Յրւած մտածում մը։
Յիշեց առաջին անգամ իր Պոլիս մտնելը, իր
Պոլիս անցուցած առաջին օրերը. յանկարծ դպրոցը
յիշեց. և Լուիզը. ախ, այն Լուիզը։ Նորէն պատ-
կերացաւ իր աչքերուն դէմ հեռացող նաւակը,
թաշկինակներու շարժումը, Լուիզի ժպիտը...
Ու ցաւ մը, սոսկալի ցաւ մը զգաց կրծքին

տակ, սրտին մօտիկ։

«Գուցէ երջանկութեանս աքացեցի»։ անցաւ
մաքէն։ Ու սրտին ցաւէն տիրութիւն մըն ալ աւելցաւ։
—Խեղճ Լուիզս... մրմնչեց. ու աչքերուն մէջ
արցունք զգաց։

Զեռքը զրպանը տարաւ թաշկինակը հանելու։
ու թուղթի մը շոշափումը առաւ։ Վասակը։ Ա,
ան հիմա կայարանն էր անշուշտ։ Հանեց զրպանէն
թուղթը ու, աչքերուն բոլոր ուժը լարած՝ արկէն
խոտացած մութին մէջ անգամ մըն ալ կարդաց։
Յիշեց Վասակին սենեակը, յանկալ ծ իր անոր հետ
ունեցած վէճերէն մէկը մտարերեց. ու ալ դադրե-
ցաւ մտածելէ. անշարժ կեցած էր. ու կը նայէր
հեռուն ջրերուն։

Ոսկորի երկու եզերքները արդէն վայրենացած
էին. մութին մէջէն միայն թնդանօթներու պահակ-
ներուն լոյսը կը կայծկլուէր։

Նեղուցը հետզհետէ կը լայննար։

Բագրատ յանկարծ ուշքի եկաւ, դիտեց շուրջը,
նկատեց, որ երկու կողմը ալ ցամաք չի կար. ցամաքը

միայն իրեն դիմացն էր, ուրկէ զոյգ փարոսներու-
լոյսերը խաւարին մէջէն իրեն կը նայէին զայրաց-
կու քթթումով մը։

Բագրատ ետ նայեցաւ՝ նաւին ուղղութեամբը։
Սև ծովն էր, սեփակ, սև մութին մէջէն։

Այդ ջուրի անեզր տարածութեան առջեւ երի-
տասարդը ազատ խոր շունչ մը առաւ։

Շողենաւը ալ կ'երթար հիմա ազատ, շոգիին
բոլոր ուժովը. և ուժէն կը դողար։

Շողենաւը կը դողար։

Ու Բագրատ ալ կը դողար նոյն եռանդի թա-
փովը։

Իր աչքերուն դէմ Սև ծովն էր, սեփակ, մու-
թի ծալքերուն տակ խլառուն։

Իսկ երեակացութեանը դէմ ապագան էր ժըպտ-
երէս գործունէութեան երազներուն տակ օրօրուն...
Շողենաւը կը դողար։



reproducentur, non sicut in eis dicitur, sed in
genere, et non in specie. Sed si dicitur, quod genere
est invenitur in diversis, et quod est in specie, non
in diversis, sed in uno. Quod si dicitur, quod est in
specie, non in uno, sed in multis, non potest esse
invenitum in diversis, quia non potest esse in
diversis, nisi in uno. Et si dicitur, quod est in uno,
non in multis, non potest esse invenitum in
specie, quia non potest esse in specie, nisi in
diversis.



ՀՀ Ազգային գրադարան

NL0793617

